

匈奴重轡絕關流離抑不詳賓百僚山河饗掩回轅鬚
長馳鬚武元反騰雨師灑路披流星隕感惟風籥歸雲撫懷

心

象載瑜

一曰赤鴈歌漢書禮樂志曰大始三年行幸東海獲赤鴈作

象載瑜白集西食甘露飲榮泉赤鴈集六紛員音殊翁
雜五采文神所見施祉福登蓬萊結無極

赤蛟

赤蛟綏黃華蓋露夜零晝晻濫晻烏感反濫音藹百君禮六龍

位勺椒漿靈已醉靈既享錫吉祥芒芒極降嘉觴靈殷

殷爛揚光延壽命永未央杳冥冥塞六合澤汪濊輯萬
國靈禔禔象輿軼票然逝旗透蛇禮樂成靈將歸托玄
德長無衰

晉郊廟歌辭

晉郊祀歌三首

傳 玄

晉書樂志曰武帝受命泰始二年詔郊祀明堂禮樂權用魏儀遵周室肇稱殷禮之義但改樂章使傳玄為之辭凡十九篇

夕牲歌

天命有晉穆穆明明我其夙夜祇事上靈常于時假迄
用其一作有成於薦玄牡進夕其牲崇德作樂神祇是聽

迎送神歌

宣文蒸哉日靖四方永言保之夙夜匪康光天之命上帝是皇嘉樂殷薦靈祚景祥神祇降假享福無疆

饗神歌 三章

天祚有晉其命惟新受終于魏奄有兆晉書作黎民燕及皇天懷柔百神不顯遺烈之德之純享其玄牡式用肇禋神祇來格福祿是臻
時邁其猶昊天予之祐享有晉兆民戴之畏天之威敬授人時不顯不承於猶繹思皇極斯建庶績咸熙庶幾夙夜惟晉之祺

宣文惟后克配彼天撫寧四海保有康年於乎緝熙肆用靖民爰立典制爰脩禮紀作民之極莫非資始克昌厥後永言保之

晉天地郊明堂歌五首

夕牲歌 天地郊明堂同用

皇矣有晉時邁其德受終于天光濟萬國萬國既光神定厥祥虔于郊祀祇事上皇祇事上皇百福是臻巍巍祖考克配彼天嘉牲匪歆德馨惟饗受天之神祐化四

方 宋書作神和四暢

降神歌

於赫大晉膺晉書作應天景祥二帝邁德宣茲重光我皇受命奄有萬方郊祀配饗禮樂孔章神祇嘉饗祖考是皇克昌厥後保祚無疆

天郊饗神歌

整泰壇祀晉書作禮皇神精氣感百靈賓蘊朱火燎芳薪紫烟遊一作起冠青雲神之體靡象形曠無方幽以清神之來光景照聽無聞視無兆神之至舉歆歆靈爽協動余心神之坐同歡娛澤雲翔化風舒嘉樂奏文中聲八音諧神是聽咸潔齊並芬芳烹牲享玉觴神悅饗歆禋祀祐大晉降繁祉祚京邑行晉書作廣四海保天年晉書作命窮

地紀

地郊饗神歌

整泰折埃皇祇衆神感群靈儀陰祀設吉禮施夜將極時未移祇之體無形象潛泰幽洞忽荒祇之出夢若有靈無遠天下毋祇之來遺光景昭若存終冥冥祇之至舉欣欣舞象德歌成文祇之坐同歡豫澤雨施化雲布樂八變聲教敷物咸享祇是娛齊既潔侍者肅玉觴進咸穆穆饗嘉豢歆德馨祚有晉暨羣生溢九壤格天庭保萬壽延億齡初學記載一首云結方丘祇國琛樽既享俎既歆斂檢玉具鑿琛櫛百福底自

古錫萬壽迄今

明堂饗神歌

經始明堂享祀匪懈於皇烈考光配上帝赫赫上帝既
高既崇聖考是配明德樂府作堂顯融率土敬職萬方來祭
常于時假保祚永世

晉宗廟歌十一首

南齊書樂志曰晉泰始中傅玄造祠廟夕牲
昭夏歌一篇迎送神肆夏歌一篇登七廟七
篇饗神歌二篇玄云登歌歌盛德之功烈故
廟異其文饗神猶周頌之有瞽及雍但說祭
饗神明禮樂之盛
七廟饗神皆用之

夕牲歌

我夕我牲猗歟敬止嘉泰孔時供茲享祀神鑒厥誠博

碩斯歆祖孝降饗以虞孝孫之心

迎送神歌

嗚呼悠哉日鑿在茲以時享祀神明降之神明斯降既
祐饗之祚我無疆受天之祐赫赫太上巍巍聖祖明明
烈考丕承繼序

征西將軍登歌

經始宗廟神明戾止申錫無疆祇承享祀假哉皇祖綏
予孫子燕及後昆錫茲繁祉

豫章府君登歌

嘉樂肆庭薦祀在堂皇皇宗廟乃祖先皇濟濟辟公相

予蒸嘗享祀不忒降福穰穰

穎川府君登歌

於邈先后實司于天顯矣皇祖帝社肇臻本支克昌資始開元惠我無疆享祀晉書作祚永年

京兆府君登歌

於惟曾皇顯顯令德高明清亮匪兢柔克保乂命祐基命惟則篤生聖祖光濟四國

宣皇帝登歌

於鑠皇祖聖德欽明勤施四方夙夜敬止載敷文教載揚武烈匡定社稷恭行天罰經始大業造創帝基畏天

之命于時保之

景皇帝登歌

執兢景皇克明克哲躬作穆穆惟祗惟畏篤恭宣之緒者定厥功登此俊乂糾彼羣凶業業在位帝既勤止維天之命於穆不已

文皇帝登歌

於皇時晉允文文皇聰明睿智聖敬神武萬幾莫綜皇斯清之虎兕晉書作地系放命皇斯平之柔遠能邇簡授英賢創業垂統勲格皇天

饗神歌 二章

曰晉是常享祀時序宗廟致敬禮樂具舉惟其來祭普
天率土犧樽既奠清醑既載亦有和羹薦羞斯備蒸蒸
永慕感時興思登歌奏舞神樂其和祖考來格祐我邦
家敷天之下罔不休嘉

肅肅在位濟濟臣工四海來格禮儀有容鐘鼓振管絃
理舞開元歌永始神胥樂今肅肅在位臣工濟濟小大
咸敬上下有禮理管絃振鼓鐘舞象德歌詠功神胥樂
今肅肅在位有來雍雍穆穆天子相維辟公禮有儀樂
有則舞象功歌詠德神胥樂今

晉江左宗廟歌十三首

曹毗

晉書樂志曰嘉之亂海內分崩伶官樂器
皆沒於劉石江左初立宗廟以無雅樂器及
伶人省大樂并鼓吹今是後頗得登歌食舉
之樂明帝又詔阮孝等增益之成帝復置太
樂官鳩集遺逸而尚泰有金石也更亮為荆
州與謝尚修禮樂未具而亮薨及慕容儼
平冉閔於下流人頗有來者永和十一年謝
尚鎮壽陽採拾樂人以備大樂并制石磬雅
樂類具太元中阮裕望獲其樂工楊蜀等閑
習舊樂於是因舊金石始備使曹毗王珣等
增造宗廟歌詩樂
郊祀遂不設樂

歌高祖宣皇帝

於赫高祖德協靈符應運撥亂釐整天衢勳格宇宙化
動八區肅以典刑陶以玄珠神石吐瑞靈芝自敷肇基
天命道均唐虞

歌世宗景皇帝

景皇承運纂隆洪緒皇維重抗天暉再舉蠢矣二寇擾
我揚楚乃整元戎以膏齊斧疊疊神筭赫赫王旅鯨鯢
既平功冠帝宇

歌太祖文皇帝

太祖齊聖王猷誕融仁教四塞天基累崇皇室多難嚴
清紫宮威厲秋霜惠過春風平蜀夷楚以文以戎奄有
參墟聲流無窮

歌世祖武皇帝

於穆武皇允龔欽明應期登禪龍飛紫庭百揆時序聽

斷以情殊域既賓僞吳亦平晨流甘露宵映朗星野有
擊壤路垂頌聲

歌中宗元皇帝

運屯百六天羅解貫元皇勃興網羅江漢仰齊七政俯
平禍亂化若風行澤猶雨散淪光更耀金輝復煥德冠
千載蔚有餘粲

歌肅宗明皇帝

明明肅祖闡弘帝祚英風夙發清暉載路姦逆縱忒罔
式皇度躬振朱旗遂豁天步宏猷淵塞高羅雲布品物
咸寧洪基永固

歌顯宗成皇帝

於休顯宗道澤玄播式宣德音暢物以和邁德蹈仁匪
禮弗過敷以純風濯以清波連理映阜鳴鳳棲柯同規
放勛義蓋山河

歌康皇帝

康帝穆穆仰嗣洪德爲而不宰雅音四塞閑邪以誠鎮
物以默威靜區宇道宣邦國

歌孝宗穆皇帝

孝宗夙哲休音允臧如彼晨離曜景扶桑垂訓華幄流
潤八荒幽讚玄妙爰該典章西平僭蜀北靜舊疆高猷

遠暢朝有遺芳

歌哀皇帝

於穆哀皇聖心虛遠雅好玄古大庭是踐道尚無爲治
存易簡化若風行民猶草偃雖曰登遐德音彌闡悒悒
雲韶盡美盡善

歌太宗簡文皇帝

王 珣

皇矣簡文於昭于天靈明若神周淡如淵冲應其來實
與其遷疊疊心化日用不言易而有親簡而可傳觀流
彌遠求本逾玄

歌烈宗孝武皇帝

古詩類苑卷三十三
維
天鑒有晉欽哉烈宗同規文考玄默允龔威而能猛約
而能通神鉦一震九域來同道積淮海雅頌自東氣陶
淳露化協時雍

四時祠祀歌

曹毗

肅肅清廟巍巍聖功萬國來賓禮儀有容鐘鼓振金石
熙宣兆祚武開基神斯樂兮理管絃有來斯和說功德
吐清歌神斯樂兮洋洋玄化潤被九壤民無不悅道無
不往禮有儀樂有式詠九功永無極神斯樂兮

古詩類苑卷之三十三

古詩類苑卷之三十四

雲間張之象玄超纂輯

俞顯卿子如補訂

張所敬長輿

徐光啟子先校正

俞顯謨子昭

王 頴玄弢叅閱

陳 甲伯子

樂部

宋郊廟歌辭

宋南郊登歌三首

顏延之

宋書樂志曰文帝元嘉二十二年詔顏延之
造南郊夕牲迎送神饗神雅樂登歌三篇
夕牲歌

黃威寶命嚴恭帝祖表海炳岱

選作炳
海表岱

系唐胄楚靈鑿

澹

選作
澹

文民屬睿武奄受敷錫宅中拓宇亘地稱皇聲

天作主月竈來賓日際奉土開元正首禮交樂舉六典

聯事九官列序有牲在滌有潔在俎以藁王衷以荅神

祐

迎送神歌

維聖饗帝維孝饗

樂府
作養

親皇乎備矣有事上春禮行宗

祀敬達郊禋金枝中樹廣樂四陳陟配在京降德在民

奔精照夜高燎煬晨陰明浮爍沈崇音深淪告成大報

受釐元神月御按節星驅扶輪遙興遠駕樂府
作舉曜曜振

振

饗神歌

營泰時定天衷思心睿謀筮從建表絕設郊宮田燭置

燿火通曆元旬律首吉飾紫壇坎列室中星兆六宗秩

乾宇宴地區謚大孝昭祭禮供牲日展盛自躬具陳器

備禮容形儻綴被歌鍾望帝闡聳神蹕靈之來辰光溢

潔染酌娛太一明輝夜華哲日裸既始獻又終烟薌鬯

報清穹饗宋德祚王功休命永福履充

宋明堂歌九首

謝莊

通典曰孝武建元元年侯謝莊造郊廟舞樂
明堂諸樂歌詩南齊書樂志曰明堂詞五帝
莫郊祀歌皆四言宋孝武使謝莊造辭莊依
五行數本數用三火數用七土數用五金數
用九水數用六周頌我將祀文王言皆四
其一句五一句七莊歌太祖亦無定句

迎神歌

宋書曰依漢郊祀四句
轉韻後送神歌放此

地紐謐乾樞回華蓋動紫微開旌蔽日車若雲駕六龍
乘網緼擘帝京輝天邑聖祖降五靈集構瑤祀聳珠簾
漢拂幌月棲檐舞綴暢鍾石融駐飛景鬱行風懋染盛
潔牲牲百禮肅群司虔皇德遠大孝昌貫九幽洞三光

神之安解玉鑾景福至萬寓歡

登歌

雍臺辨朔澤宮練辰報一潔火夕照明水朝陳六瑚賁
室八羽華庭昭事先聖懷濡土靈肆夏戒敬升歌發德
永固鴻基以綏萬國

歌太祖文皇帝

宋書曰依
周頌體

維天為大維聖祖是則辰居萬寓綴旒下國內靈八輔
外光四瀛蒿宮仰益日館希旌複殿留景重檐結風刮
檻接緯遠嚮承虹設業設虞在王庭肇禋祀克配乎靈
我將我享維孟之春以孝以敬以立我蒸民

歌青帝

三言依木數

參映夕駟照晨靈乘震司青春鴈將向桐始蕤柔風舞
暄光遲萌動達萬品新潤無際澤無垠

歌赤帝

七言依火數

龍精初見大火中朱光北至圭景同帝在在離寔司衡
水雨方降木槿榮庶物盛長成殷阜恩覃四冥被九有

歌黃帝

五言依土數

履建

宋書作良

宅中寓司繩御

宋作總

四方裁化遍寒燠布政

周炎涼景麗條可結霜明冰可折凱風扇朱辰白雲流
素節分至乘結宋作涇 晷啟閉集恒度帝運緝萬有皇靈

澄園步

歌白帝

九言依金數

百川如鏡天地奠且明雲冲氣舉德盛在素精木葉初
下洞庭始揚波夜光徹地飜霜照懸河度類收成歲功
行欲寧浹地奉渥聲宇承秋宋作帝 靈

歌黑帝

六言依水數

歲月既宴方馳靈乘坎德司規玄雲合晦鳥一作歸 路白
雲一作繁 亘天涯雷在地時未光飾國典閉關梁四節
遍萬物殿福九域祚八鄉晨晷促夕漏延太陰極微陽
宣鵲將巢冰已解氣濡水風動泉

送神歌

蘊禮容餘樂度靈方留景欲暮開九重肅五達鳳參差
龍已沫雲既動河既梁萬里照四空香神之車歸清都
璇庭寂玉殿虛濬化凝孝風熾顧靈心結皇思

宋宗廟登歌八首

王韶之

宋書樂志曰武帝永初中詔廟樂用王韶之所造七廟登歌七首又有七廟享神登歌一首并以歌重太后其辭亦韶之造

北平府君歌

綿綿遐緒明昭載融漢德未遠堯有遺風於穆皇祖永
世克隆本文惟慶貽厥靡窮

相國橡府君歌

乃立清廟清廟肅肅乃備一作禮容禮容穆穆顯允皇
祖昭是嗣服錫茲繁祉聿懷多福

開封府君歌

四縣既序簫管既舉堂獻六瑚庭萬八羽先王有典克
裡皇祖不顯洪烈永介休祐

武原府君歌

鐘鼓皇皇威儀將將温恭禮樂致一作享曾皇邁德垂
仁保軌重光天命純嘏惠我無疆

東安府君歌

鑠矣皇祖帝度其心永言配命播此徽音思我茂猷如玉如金駿奔在陛是鑒是歆

孝皇帝歌

烝哉孝皇齊聖廣淵發祥誕慶景祚自天德敷金石道被管絃有命既集徽風永宣

高祖武皇帝歌

惟天有命眷求上哲赫矣聖武撫運桓撥功並敷土道均汝墳止戈曰武經緯稱文鳥龍失紀雲火代名受終改物作我宋京至道惟王大業有劭降德兆民升歌清廟

七廟享神歌

并以歌章
太后廟

奕奕寢廟奉璋在庭笙簫既列犧象既盈黍稷匪芳明祀惟馨樂具禮充潔羞薦誠神之格思介以休禎濟濟羣辟永觀厥成

宋世祖廟歌二首

謝莊

世祖孝武皇帝歌

帝錫二祖長世多祐於穆睿考龔聖承矩玄極弛馭乾紐墜緒關我皇維締我宗一作宇刷定四海肇構神京復禮輯樂散馬墮城澤物九有化浮八瀛慶雲承掖甘露飛薨肅肅清廟徽徽闕宮舞蹈象德笙磬陳風黍稷

非盛明德惟崇神其歆止降福無窮

宣太后歌

稟祥月輝毓德軒光嗣徽媯泖思媚周姜母臨萬寓訓
藹紫房朱玄玉齋式載瓊芳

宋章廟樂舞歌十五首

殷淡

宋書樂志曰章廟樂舞雜歌悉同用太廟辭
唯三后別撰○梁天監元年周捨議曰周禮
王出入奏王夏大祭祀與朝會同而漢制皇
帝在朝奏永至朝會別奏皇夏二樂有異於
禮為乖乃除永至還用皇夏蓋秦漢以來稱
皇故變王夏為皇夏也又禮尸出入奏肆夏
賓入大門奏肆夏牲出入奏昭夏宋季失禮
神入廟門遂奏昭夏乃以牲牢之樂用接祖
考之靈斯皆前代之
深疵當今所宜改也

肅咸樂

二章 夕牲 賓出入奏

彝承孝典恭事嚴聖淡天奉賁瑩壤齊慶司儀具序羽
容夙彰芬枝颺烈黼構周張助寶奠軒酌珍充庭璆縣
凝會珣朱竚聲先期選禮樂府作會肅若有承祗對靈祉皇
慶昭膺

尊事威儀輝容昭敘迅恭神明粢盛牲俎肅肅嚴官藹
藹崇基皇靈降祉百祗具司戒誠望夜端列承朝依微
昭旦物色輕宵鴻慶遐邇嘉慶令芳翊帝明德永祚流
光

引牲樂

牲出 入奏

維誠潔饗維孝奠靈敬芬黍稷敬滌犧牲駢繭在豢載
溢載豐以承宗祀以肅皇衷簫芳四舉華火周傳神監
孔昭嘉是柔牲

嘉慶樂

夔豆呈
毛血奏

肇裡戒祀禮容成舉六典飭文九司昭序牲柔旣昭犧
剛旣陳恭滌惟清敬事惟神加邊再御兼俎重夔節動
軒越聲流金縣奕奕闕幄疊疊嚴闡潔誠夕鑒端服晨
暉聖靈戾止翊我皇則上綏四寓下洋萬國永言孝饗
孝饗有容儉僚贊列肅肅雍雍

昭夏樂

迎神
奏

齊樂亦用此分奕
奕以下爲一章

闕宮黜黜復殿微微璿除肅炤釭壁彤輝黼帟神疑玉
堂嚴馨圓火夕耀方水朝清金枝委樹翠鐙佇縣渟波
澄宿華漢浮天恭事旣夙虔心有慕仰降皇靈俯寧休
祚

永至樂

皇帝入廟
北門奏

皇朝邕矣孝容以昭鑿華羽迺拂漢涵濇

宋書
作瀉

申申嘉

夜翊翊休朝行金景迭步玉風韶師承祀則肅對禮桃

登歌

二章

帝容承祀練時消日九重徹關四靈賓室肅倡函音庶
旄委佾休靈告饗嘉慶尚芬玉瑚飾列桂簋昭陳具司

選禮翼翼振振

裸崇祀典耐恭孝時禮無爽物信靡媿辭精華孚鬯誠
監昭通升歌翊節下管調風皇心履變敬明尊親大哉
孝德至矣交神

章德凱容樂

章太
后室

幽瑞浚靈表彰嬪聖翊載徽文敷光崇慶上緯纏祥中
維節詠永屬輝猷聯昌景命

昭德凱容樂

昭太
后室

明帝

表靈躔象纘儀緯風膺華丹耀登瑞紫穹訓形霄宇武
彰宸宮騰芬金會寫德聲容

宣德凱容樂

宣太
后室

天樞凝耀地紐儷輝聯光騰世炳慶翔機薰藹中寓景
躔上微玉頌鏤德金籥傳徽

嘉胙樂

皇帝
受福酒奉

殷淡

禮藁洽福時齊作昌皇聖膺嘉祐帝業凝休祥居極乘
景運宅德瑞中王澄明臨四表精華延八鄉洞海周聲
惠徹宇麗乾光靈慶纏世祉鴻烈永無疆

昭夏樂

二章
送神

大孝備盛禮豐神安留嘉樂克旋駕聳汎青穹延八虛
闕四空藹流景肅行風

照融教緝風度戀皇靈結深慕解羽縣輟華樹背一作
琬除端玉輅流汪歲慶國步

休成樂皇帝詣
便殿奏

漢書禮志曰登歌再終下奏
休成之樂美神明既饗也

醴醴具登嘉俎咸藂饗洽誠陳禮周樂徧祝辭罷裸序
容輟縣蹕動端庭鑿回巖殿神儀駐景華漢亭虛八靈
案衛三祇解途翠蓋耀澄齊書作
澄耀畢弈疑宸齊作
疑晨玉鑣
息節金輅懷音式誠達孝底心肅感追憑皇鑒思承淵
範神錫懋祉四緯昭明仰福帝徽俯齊庶生

齊郊廟歌辭

齊南郊樂章十三首

南齊書樂志曰武帝建元二年有司奏郊廟
雅樂歌辭太廟登歌用褚淵餘悉用謝超宗
所撰多刪顏延之謝莊辭為新曲備改樂名
永明二年又詔王儉造太廟二室及郊配辭
肅咸樂群臣
出入謝超宗

黃承寶命嚴恭帝緒奄受敷錫升中拓宇巨地稱皇聲
天作主月域來賓日際奉土開元首正禮交樂舉六曲

聯事九官列序宋郊祀顏延
之辭刪定

引牲樂牲出入夕牲
歌並重奏

皇乎敬矣恭事上靈昭教國祀肅肅明明有牲在滌有
潔在俎以薦王衷以答神祐陟配在京降德在民奔精

望夜高燎佇晨有牲以下八句並頌辭

嘉薦樂薦豆呈毛血

我恭我享惟孟之春以孝以敬立我烝民青壇奄藹翠幙端凝嘉俎重薦兼籍再升設業設虞展容玉庭肇禋配祀克對上靈增損謝莊辭

昭夏樂迎祚

惟聖饗帝惟孝饗親禮行宗祀敬達郊禋金枝中樹廣樂四陳月御案節星驅扶輪遙興遠駕曜曜振振告成大報受釐元神增損頌辭

永至樂皇帝入壇東門

紫壇望靈翠幙佇神率天奉誓釐地來賓神貺並介泯祗合祉恭昭鑒享肅光孝祀威藹四靈洞曜三光皇德全被大禮流昌

登歌帝升壇

報惟事天祭實尊靈史正嘉兆神宅崇禎五時昭鬯六宗彝序介丘望塵皇軒肅舉

文德宣烈樂帝初獻

營泰時定天衷思心緒謀筮從田燭置燿火通大孝昭國禮融刪定頌辭

武德宣烈樂次奏

功燭上宙德耀中天風移九域禮飾八埏四靈晨炳五
緯宵明膺曆締運道茂前聲

高德宣烈樂

高帝配饗

王儉

饗帝嚴親則天光大鳥奕前古榮鏡無外日月宣華卿
雲流藹五漢同休六幽咸泰

嘉胙樂

飲福酒

謝超宗

鬯嘉禮承休錫盛德符景緯昌華應帝策聖藹耀昌基
融祉暉世曆聲正涵月軌書文同日迹寶瑞昭神圖靈
貺流瑞液我皇崇暉祚重芬冠往籍

昭夏樂

送神

薦享洽禮樂該神娛展辰旒回洞雲路拂璇階紫雲霓
青霄開睠皇都顧玉臺留昌德結聖懷

昭遠樂

帝執燎

天以德降地以禮報牲尊俯陳柴弊仰燎事展司采敬
達瑄薌烟贊青昊震颺紫場陳馨示策肅志宗禋禮非
物備福唯誠陳

休成樂

帝還便殿

昭事上祀饗薦具陳回鑿轉翠拂景翔宸綴縣敷暢
錫鍾石昭融羽炫深峇籥暄行風肆序輟度肅禮停文
四金聳衛六馭齊輪

齊北郊樂歌六首

謝超宗

南齊書樂志曰北郊樂迎地神奏昭夏之樂升壇奏登歌初獻奏地德凱容之樂次奏昭德凱容之樂送神奏昭夏之樂廢埋奏隸幽之樂餘辭同南郊

昭夏樂 迎神奏

詔禮崇營敬饗玄時靈正丹帷月肅紫墀展薦登華風
縣疑鏘神惟戾止鬱葆遙莊昭望歲芬環游辰太穆哉
尚禮橫光秉藹

登歌 帝升壇奏

佇靈敬享禋肅彝文縣動聲儀薦絜牲芬陰祗以貺昭
祀式慶九服熙度六農祥正

地德凱容樂 帝初獻奏

繕方丘端國陰掩珪畧仰靈心詔源委遍丘林禮獻物

樂薦音 亦剛頽辭

昭德凱容樂 次奏

慶圖濬逸蘊祥祕瑤倪天炳月嬪光紫霄邦化靈懋閭
則風調儷德方儀徽載以昭

昭夏樂 送神奏

薦神升享序楹淹玉俎停金奏寶旆轉旒駕旋溢素景
鬱紫躔靈心顧留宸睠洽外瀛瑞中縣

隸幽樂 廢埋奏

后皇嘉慶定祗玄時承帝休圖祗敷靈祉篚冪周序軒
朱凝會牲幣芬壇精明佇蓋調川瑞昌警岳祥泰

齊明堂樂歌十五首

謝超宗

南齊書樂志曰武帝建元初詔謝超宗造明堂夕牲等歌并採用謝莊辭質出入奏肅成樂牲出入奏引牲樂薦豆呈毛血奏嘉薦樂迎神奏昭夏樂皇帝升明堂奏登歌初獻奏凱容宣烈之樂還東壁受福酒奏嘉祥樂送神樂昭夏樂並建元永明中作也其凱容宣太舞同用

肅感樂

質出人

彝承孝典恭事嚴聖決天奉賚整壤齊慶司儀具序羽
容夙章芬枝揚烈黼構周張助寶奠軒酌珍充庭瓊縣

凝會瑁朱竚聲先期選禮肅若有承祗對靈祉皇慶昭
膺

尊事威儀輝容昭序迅恭明神絜盛牲俎肅肅嚴宮詣
藹崇基皇靈降止百祗具司戒誠望夜端烈承朝依微
昭旦物色輕宵

引牲樂

維誠絜饗惟孝尊靈敬芳黍稷敬滌犧牲駢繭在秦載
溢載豐以承宗祀以肅皇衷蕭芳四舉華火周傳神鑒
孔昭嘉足三牲

嘉薦樂

二首

古詩類考卷三十五 樂部
肇禋戒祀禮容咸舉六典飾文九司炤序牲柔旣昭犧
剛旣陳恭滌惟清敬事惟神加邊再御兼俎重薦節動
軒越聲流金縣

奕奕闕幄疊疊嚴闈絜誠夕鑒端服晨暉聖靈戾止翊
我皇則上綏四寓下洋萬國永言孝饗孝饗有容儉僚
贊列肅肅雍雍以上皆宋
殷淡辭

昭夏樂

地紐謐乾樞回華蓋動紫微開旌蔽日車若雲駕六龍
乘烟煜燁帝景耀天邑聖祖降五雲集懋采盛絜牲牲
百禮肅群司虔皇德遠大孝昌貫九幽洞三光神之安

解玉鑾景福至萬寓歡

謝莊辭
下同

登歌

雍臺辨朔澤宮選辰絜火夕炤明水朝陳六瑚賁室入
羽華庭昭事先聖懷濡上靈肆夏式敬升歌發德永固
洪基以綏萬國

凱容宣烈樂

醜醜具登嘉俎咸薦饗洽誠陳禮周樂徧祝辭罷裸序
容輟縣蹕動端庭鑿回嚴殿神儀駐景華漢亭虛八靈
案衛三祗解途翠蓋耀澄壘帶凝宸玉鑣息節金輅懷
音式誠達孝底心肅感追憑皇鑒思承淵範神錫懋祉

四緯昭明仰福帝微俯齊庶生殷淡

青帝歌

參映夕駟昭晨靈乘震司青春鴈將向桐始榮和風舞
暄光遲萌動達萬品親潤無際澤無垠以下五首皆謝莊辭

赤帝歌

龍精初見大火中朱光北至圭景同帝在在離寔司衡
雨水方降木槿榮庶物盛長咸殷阜恩澤四溟被九有
下逸

黃帝歌

履艮宅中宇司繩總四方裁化徧寒燠布政司炎涼至

分乘經畧開啓集恒度帝暉緝萬有皇靈澄國步

白帝歌

百川若鏡天地爽且明雲冲氣舉盛德在素精庶類收
成歲功行欲寧浹地奉渥聲宇承帝靈

黑帝歌

歲既暮日方馳靈乘坎德司規玄雲合晦鳥蹊白雲繁
亘天涯晨晷促夕漏延太陰極微陽宣

嘉胙樂

禮薦洽福胙昌聖皇膺嘉祐帝業凝休祥居極乘景運
宅德瑞中王澄明臨四奧精華延八鄉洞海同聲懋澈

宇麗乾光靈慶纏世祉鴻烈永無疆殷淡

昭夏樂

謝超宗

蘊禮容餘樂度靈方留景欲暮開九重肅五達鳳參差
龍已沫雲既動河既梁萬里照四空香神之車歸青都
璇庭寂玉殿虛鴻化凝孝風熾顧靈心結皇思鴻慶遐
邕嘉薦令芳翊帝明德永祚深光謝莊

齊雩祭歌八首

謝朓

南齊書樂志曰建武二年雩祭明堂
謝朓造辭一依謝莊唯世祖四言也

迎神八章

齊樂志曰依漢來郊祀三言宋
明堂迎神八解每四句一解

清明暢禮樂新候龍景練貞辰

陽律亢陰晷伏耗下土荐種稔

宸儀警王度乾嗟雲漢望昊天

張盛樂奏雲舞集五精延帝祖

雩有諷崇有秩管鬯芬圭瓚瑟

靈之來帝闔開車煜耀吹徘徊

停龍轆徧觀此凍雨飛祥雲靡

壇可臨奠可歆對毗社鑒皇心

世祖武皇帝歌二章

濬哲維祖長發其武帝出自震重光御寓七德攸宣九

疇咸敘靜難荆衡疑威蠡浦

昧且不承夕惕刑政化一車書德馨染盛昭星夜景非
雲曉慶衢室成陰璧水如鏡

禮充玉帛樂被匏絃於鑠在詠陟配於天自宮徂兆糜
愛牲牲我將我享永祚豐年

青帝 三章

營翼日鳥殷宵凝冰泮玄蟄昭

景陽陽風習習女夷歌東皇集

奠春酒秉青珪命田祖渥群黎

赤帝 三章

惟此夏德德恢台兩龍在御炎精來

火景方中南譌秩靡草云黃含桃實

族雲翳鬱温風扇興雨祁祁黍苗遍

黃帝 三章

稟火自高明毓金挺剛克涼燠資成化群芳載厚德
陽季勾萌達炎徂溽暑融商暮百工止歲極凌陰冲
泉流疏已清原隰甸已平咸言祚惟億敦民保齊京

白帝 三章

帝說於兌執矩固司藏百川收潦精景應金方
嘉樹離披榆關命賓鳥夜月如霜金風方嫋嫋

商陰肅殺萬寶咸已道勞哉望歲場功冀可收

黑帝 三章

白日短玄夜深招搖轉移太陰霜鍾鳴冥陵起星迴天
月窮紀

聽嚴風來不息望玄雲黝無色曾冰烈積羽幽飛雪至
天山側

關梁閉方不巡合國吹饗蜡賓統微陽究終始百禮洽
萬祚臻

送神 五章

敬如在禮將周神之駕不少留

躍龍鑣轉金蓋紛上馳雲之外
警七曜詔入神排闥闖渡天津
有滄與膚寸積雨冥冥又終夕
俾棲糧維萬箱皇情暢景命昌

齊籍田樂歌二首

江淹

南齊書樂志曰籍田歌漢章帝元和元年班固奏周商頌載及祠先農晉傅玄作祀先蠶夕牲歌詩一篇迎送神一篇饗社搜先農先聖先蠶歌詩三篇辭皆敘田農事胡道安作先農饗神詩一篇樂府相傳舊歌三章永明四年籍田詔江淹造歌淹不依古傳製祀先農迎送神升歌及饗神歌三章

迎送神升歌

羽鑿從動金駕時遊教騰義鏡樂綴前修率先丹耦躬
遵綠疇靈之聖之歲殷澤柔

饗神歌

瓊竿既飾繡筵以陳方燮嘉種永毓宵民

牲出入歌

以下三首見初學記未詳所用

祝祥史具禮備樂薦有牲在陳有鼓在懸騰燭象星奔
水類電郊燎夙戒駮彼乘弱以伺質明以佇神宴

薦豆呈毛血歌辭

時恭時祀有物有則伊我上聖實抱明德犧象交陳鬱
樽四塞黍惟嘉穀酒惟玄默薦通蒼祗慶覃黎黑願靈

之降祚家祐國

奏宣烈之樂歌舞

殷崇配天周尊明祀瑞合汾陰慶同泰時青幕雲施丹
殿霞起二曜惟新五精告始於以享之景福是履

齊太廟樂歌十六首

謝超宗

齊書樂志曰宋昇明中太祖為齊王令司馬褚淵造太廟登歌二章建元初詔謝超宗造廟樂歌詩十六章永明二年又詔王儉造太廟二室歌辭

肅咸樂

夕牲群臣出入奏

絜誠底孝孝感烟霜夤儀式序肅禮綿張金華樹藻肅
哲騰光殷殷升奏嚴嚴階庠匪椒匪玉是降是將懋分

神衷翊祐傳昌

肅成樂

牲出
入奏

肇祀嚴靈恭禮尊國達敬傳遺軌典結孝陳則芬滌既
肅犧牲既整聳誠流思端儀選景肆禮佇夜綿樂望晨
崇席皇鑒用饗明神

嘉薦樂

薦豆呈
毛血奏

清思眴眴閔寢微微恭言載感肅若有希芬俎具陳嘉
薦兼列疑馨烟颺分炤星哲睿靈式降協我帝道上澄
五緯下陶八表

昭夏樂

迎神
奏

涓辰選氣展禮恭祗重闌月洞層牖烟施載虛玉鬯載
受金枝天歌折饗雲舞罄儀神惟降止泛景凝義帝華
永藹泯藻方摛

永至樂

皇帝入廟
北門奏

戲繇惟則姬經式序九司聯事八方承宇鑿迥靜陳縵
樂具舉凝旒若慕傾璜載竚振振璇衛穆穆禮容載藹
皇步式敷帝蹤

登歌

太祝裸
地奏

清明一作容既鬯大孝乃熙天儀睟愴皇心儼思既芬房
豆載潔牲牲爵裸升禮銷金一作玉登聲茂對幽嚴式奉

古詩類考卷三十五 樂部
徽靈以享以祀惟感惟誠

凱容樂

皇祖黃陵丞室

國昭惟茂帝穆惟崇登祥緯遠締世景融紛綸睿緒眷蔚王風明進厥始濬哲文終

凱容樂

皇祖太中大夫室

璇條夤蔚瓊源浚照懋矣皇烈載挺明邵永言敬思式恭惟教休途良又榮光有耀

凱容樂

皇祖淮陰令室

嚴宗正典崇享肇禋九章既飭三清既陳昭恭皇祖承假徽神貞祐伊協卿藹是隣

凱容樂

皇曾祖卽丘令室

肅惟敬祀絜事參薌環袷像綴緬密絲簧明明烈祖尚錫龍光粵雅於姬伊頌在商

凱容樂

皇曾祖太常卿室

神宮懋鄴明寢昌基德凝羽綴道鬯容辭假我帝緒懿我皇維昭大之載國齊之祺

宣德凱容樂

皇考宣皇帝室奏

道閱期運義開藏用皇矣睿祖至哉攸縱循規烈炤襲矩重芬德溢軒義道懋炎雲

凱容樂

昭皇后室奏

月靈誕慶雲瑞開祥道茂淵柔德表徽章粹訓宸中儀
形宙外容蹈凝華金羽傳藹

永祚樂皇帝還東壁上福酒奏

構宸抗宇合軫齊文萬靈載溢百禮以殷朱絃繞風翠
羽停雲桂鑄既滌瑤俎既薰升薦惟誠昭禮惟芬降祉
遙喬集慶氤氳

肆夏樂送神奏

禮既升樂以愉昭序溢幽饗餘人祇鬯敬教敷神光動
靈駕祥芬九垓鏡八鄉福無屆祚無疆

休成樂皇帝詣便殿奏

睿孝式鬯饗敬爰備一作締容輟序佾文靜縣一作辰
儀聳蹕霄衛浮鑿流帟雲舒翠華景搏恭惟尚烈休明
再纏國猷遠藹昌圖聿宣

登歌二首

褚淵

惟王建國設廟凝靈月薦流典時祀暉經瞻宸俊思雨
露追情簡日筮畧闕莫升文金壘淳桂冲幄舒熏備僚
肅列駐景開雲

至饗攸極睿孝悖禮具物咸絜馨聲齊書作合體氣昭
扶幽眇慕纏遠迎絲驚促送佾留晚聖衷踐候節改增
愴妙感崇深英徽彌亮

高德宣列樂

太祖高
皇室

王儉

悠悠草昧穆穆經綸乃文乃武乃聖乃神動龕危亂靜
比斯民誕應休命奄有八寅握機肇運光啟禹服義滿
天淵禮昭地軸澤靡不懷威無不肅戎夷竭歡象來致
福偃風裁化暉日敷祥信星含曜拒草流芳七廟觀德
六樂宣章惟先惟敬是饗是將

穆德凱容歌

穆
皇室

太姒嬪周塗山儷禹我后嗣徽重規疊矩肅肅闕宮翔
翔雲舞有饗德馨無絕終古

明德凱容樂

明
皇室

多難固業般憂啟聖帝宗纘武維時執競起柳獻祥百
堵興詠義雖祀夏功符受命遠無不懷邇無不肅其儀
濟濟其容穆穆赫矣君臨昭哉嗣服允王惟后膺此多
福禮以昭事樂以感靈八簋陳室六舞充庭觀德在廟
象德在形四海來祭萬國咸寧

古詩類苑卷之三十五

雲間張之象玄超纂輯

俞顯卿子如

補訂

張所敬長輿

俞顯謨子昭

校正

徐光啓子先

王 頰玄弢

叅閱

陳 甲伯子

樂部

梁郊廟歌辭

梁雅樂歌十一首

沈約

皇雅 三曲

皇帝出入宋孝建起居注奏永至至是改
為皇雅取詩皇矣上帝臨下有赫也二郊
太廟同用

帝德實廣運車書靡不賓執瑁朝羣后垂旒御百神八
荒重譯至萬國婉來親
華蓋拂紫微勾陳繞太一容喬被緹組參差羅罕畢星
回昭以爛天行徐且謐
清蹕朝萬寓端冕臨正陽青絢黃金纒袞衣文繡裳既
散華蟲采復流日月光

滌雅 一曲

性出入宋元徽儀注奏引牲至是改為滌
雅取禮記帝牛必在滌三月也二郊明堂
太廟同用

將修盛禮其儀孔熾有膋斯牲國門是置不黎不膺靡
愆靡忌呈肌獻體永言昭事俯休皇德仰綏靈志百福
具膺嘉祥允洎駿奔伊在慶覃遐嗣

牲雅 一曲

薦毛血宋元徽三年儀注奏嘉薦至是改
為牲雅取春秋左氏傳牲牲肥膋也二郊
明堂太廟同用

反本興敬復古昭誠禮容宿設祀事孔明華俎待獻崇

NATIONAL CENTRAL LIBRARY, TAIWAN R.O.C.

碑麗牲充哉繭握肅矣簪纓其骨既啓我豆既盈庖丁
游刃葛盧驗聲多祉攸集景福來并

誠雅 三曲

降神及迎送宋元徽儀注奏昭夏至是改爲誠雅取尚書至誠感神也

懷忽慌瞻浩蕩盡誠潔致虔想出杳冥降無象皇情肅
具僚仰人禮盛神途做俊明靈申敬享感蒼極洞玄象

南郊降神用

地德溥崑丘峻揚羽翟鼓應棘出尊祗展誠信招海濱
羅嶽鎮惟福祉咸昭晉北郊迎神用
我有明德馨非稷黍牲王孔備嘉薦惟旅金懸宿設和

樂具舉禮達幽明敬行尊俎鐘鼓云送遐福是與南郊神同用

堂太廟送神同用

獻雅 一曲

皇帝飲福酒宋元徽儀注奏嘉祚梁初改爲永許至是改爲獻雅取禮記祭統尸飲五洗玉爵獻卿今之福酒亦占獻之義也北郊明堂太廟同用

神宮肅肅天儀穆穆禮獻既同膺茲釐福我有馨明無
愧史祝

禋雅 二曲

就燎位宋元徽儀注奏昭遠就埋位齊永明儀注奏隸幽至是燎埋俱奏禋雅取周禮大宗伯以禋祀祀昊天上帝也

紫宮昭煥太乙微玄降臨下土尊高上天載陳珪幣式
備牲牲雲笈清引栴虞高懸俯昭象物仰致高煙肅彼
靈祉咸達皇虔就燎用

盛樂斯舉協徵調宮靈饗慶洽祉積化融八變有序三
獻已終坎牲瘞王酬德報功振垂成呂投壤生風道無
虛致事由感通於皇盛烈比祚華嵩就埋用

梁南郊登歌詩二首

噉既明禮告成惟聖祖主上靈爵已獻罍又盈息羽籥
展歌聲儗如在結皇情
禮容盛尊俎列玄酒陳陶匏設獻清酒致虔潔王既升

樂已闋降蒼昊垂芳烈

梁北郊登歌二首

方壇既埴地祇已出盛典弗讐羣望咸秩乃升乃獻敬
成禮卒靈降無兆神饗載謐允矣嘉祚其升如日
至哉坤元實惟厚載躬茲奠饗誠交顯晦或升或降搖
珠動珮德表成物慶流皇代純嘏不訾祺福是賚

梁明堂登歌五首

青帝

帝居在震龍德司春開元布澤含和尚仁羣居既散歲
云陽止飭農分地民粒惟始雕梁繡拱丹楹王墀靈威

以降百福來綏

赤帝

炎光在離火爲威德執禮昭訓持衡受則靡草旣凋温風以至嘉薦惟旅時羞孔備齊緹在堂笙鏞在下匪惟七百無絕終始

黃帝

鬱彼中壇含靈闡化迴環氣象輪無輟駕布德焉在四序將收音宮數五飯稷駟宅屏居中旁臨外宇升爲帝尊降爲神主

白帝

神在秋方帝居西皓允茲金德裁成萬寶鴻來雀化參見火斜幕無玄烏菊有黃華載列笙磬式陳彝俎靈罔常懷惟德是與

黑帝

德盛乎水玄冥紀節陰降陽騰氣凝象闕隋書作閉司智蒞坎駕鐵衣玄祈寒拆地晷度迴天悠悠四海駿奔奉職祚我無疆永隆民極

梁宗廟登歌七首

功高禮洽德尊樂備三獻具舉百司在位誠敬罔僣幽明同致茫茫億兆無思不遂蓋之如天容之如地

殷兆王筐周始邠王於赫文祖基我大梁肇土七十奄
有四方帝軒百祀人思未忘永言聖烈祚我無疆
有夏多罪殷人塗炭四海倒懸十室思亂自天命我殲
凶殄難既躍乃飛言登天漢爰享爰格福祿攸贊
犧象既飾壘俎斯具我鬱載馨黃流乃注我我卿士駿
奔是務佩上鳴堦纓還拂樹悠悠億兆天臨日煦
猗與至德光被黔首鑄鎔蒼昊甄陶區有恪一作肅恭三
獻對揚萬壽比屋可封含生無咎匪徒七百天長地久
有命自天於皇后帝悠悠四海莫不來祭繁祉具膺八
神聳衛福至有兆慶來無際播此餘休于彼荒裔

祀典昭潔我禮莫違八簋充室六龍解駢神宮肅肅靈
寢微微嘉薦既饗景福攸歸至德光被洪祚載輝

梁小廟樂歌二首

樂府無作
者名氏

隋書樂志曰梁又有小廟太祖太夫人廟也非
嫡故別立廟皇帝每祭太廟訖諸小廟亦以一
太牢如
太廟禮

舞歌

闕宮肅肅清廟濟濟於穆夫人固天攸啓祚我梁德膺
斯盛禮文棨達嚮重檐丹陛飾我俎彛潔我粢盛躬事
奠饗推尊盡敬悠悠萬國具承茲慶大孝追遠兆庶攸
詠

登歌

光流者遠禮貴彌申嘉饗云備盛典必陳追養自本立
愛惟親皇情乃慕帝服來尊駕齊六轡旂耀三辰感茲
霜露事彼冬春以斯孝德永被蒸民

陳郊廟歌辭

陳太廟舞辭七首

無名氏

隋書樂志曰陳初武帝詔求宋齊故事太常卿周弘讓奏曰齊氏承宋威用元徽舊式宗祀朝饗奏樂俱同唯北郊之禮頗有增益皇帝入壇門奏永至飲福酒奏嘉祥太尉亞獻奏凱容埋牲奏練幽帝還便殿奏休成衆官並出奏肅成此少元徽所闕永明六年之所加也唯送神之樂宋孝建二年秋起居注云奏肆夏永明中改奏昭夏帝遂依之是時並

用梁樂唯改七室舞辭

凱容舞皇祖步丘君室

於赫皇祖宮墻高嶷邁彼厥初成茲峻極縵樂簡簡闕寢翼翼裸饗若存惟靈靡測

凱容舞正真府君室

昭哉上德浚彼洪源道光前訓慶流後昆神猷綿邈清廟斯存以享以祀惟祖惟尊

凱容舞懷安府君室

選辰崇饗飾禮嚴敬靡愛牲牢兼馨粢盛明明烈祖龍光遠映肇我王風形斯舞詠

凱容舞

皇高祖成安府君室

道遙積慶德遠昌基永言祖武致享從思九章停列八舞迴墀霽其降止百福來綏

凱容舞

皇曾祖太常府君室

肇迹締基義標鴻篆恭惟載德瓊源方闡享薦三清筵陳四璉增我堂構式敷帝典

景德凱容舞

皇祖景皇帝室

皇祖執德長發其祥顯仁藏用懷道韜光寧斯闕寢合此蕭蕪永昭貽厥還符翦尚

武德舞

皇考高祖武皇帝室

蒸哉聖祖撫運升離道周經緯功格玄祇方軒邁扈比舜陵媯緝熙是詠欽明在斯雲雷邁屯圖南共舉大定揚越震威衡楚四奧宅心九疇還叙景星出翼非雲入呂德暢容辭慶昭羽綴於穆清廟載揚徽烈嘉王旣陳豐盛斯潔是將是享鴻猷無絕

北齊郊廟歌辭

北齊大禘園丘及北郊歌辭十三首

陸卬等奉詔作

隋書樂志曰齊武成時始定四郊宗廟三朝之樂大禘園丘及北郊樂並同祠感帝用園丘樂○北郊樂歌八首辭同南郊隋書南郊樂合載其文異者分註本句之下

肆夏夕牲羣臣入門奏

肇應靈序奄宇黎民乃朝萬國爰徵百神祇展方望幽顯咸臻禮崇聲協贊列珪陳翼差鱗次端拱隋書作笏垂紳來趨動色式贊天人

高明樂迎神奏登歌辭同

惟神鑒矣北郊云惟祗監矣皇靈肅止圓壁展事北郊云方成

文卽始北郊云卽陰成理士備八能樂合六變北郊云樂合八變風湊

伊雅光華襲薦宸衛騰景靈駕霏煙嚴壇生白綺席凝

玄

昭夏樂牲出入奏

剛柔設位惟皇配之言肅其禮念暢在茲飭牲舉獸載歌且舞旣設伊脂致精靈府物色惟典齋沐加恭宗族咸暨罔不率從

昭夏樂薦毛血奏

展禮上月肅事應時繭粟爲用交暢有期弓矢斯發龕祭將事圓神致祀北郊云方祗致祀率由先志和以鑾刀臭以血管至哉敬矣厥義孔高

皇夏樂進熟皇帝入門奏

帝敬昭宣皇誠肅致王帛齊執屏攝咸次三垓上列北郊云重垓四陞旁升北郊云分龍陳萬騎鳳動千乘神儀

天藹晬容離曜金根停軫奉光先導

皇夏樂

皇帝升丘奏壇上登歌辭同

紫壇雲曖

北郊云層壇雲曖

紺幄霞褰

北郊云嚴幄霞褰

我其陟止載

致其虔百靈竦聽萬國咸仰人神咫尺玄應盼饗

高明樂

皇帝初獻奏

上下眷旁午從爵以質獻以恭咸斯暢樂唯雍孝敬闡

臨萬邦

高明樂

皇帝奠爵訖奏高明樂覆燾之舞

自天子之會昌神道丘陵肅事

北郊云方澤祇事

克光天保九

關洞開百靈環列八尊呈備五聲投節

武德樂

皇帝獻太祖配饗神座奏武德之樂昭烈之舞

配神登聖主極尊靈敬宣昭燭咸達宵冥禮弘化定樂贊功成穰穰介福下被羣生

皇夏樂

飲福酒奏

皇心緬且感吉蠲奉至誠赫哉光盛德乾坤照百靈報福歸昌運承祐播休明風雲馳九域龍蛟躍四溟浮幕呈光氣儷象燭華精護武方知耻韶夏僅同聲

高明樂

送神降丘南陛奏

獻享畢懸佾周神之駕將上遊

北郊云將下遊

超斗極絕河流

北郊云超荒極憇昆丘

懷萬國寧九州欣帝道心顧留帟上下荷

皇休

昭夏樂

紫壇既燎奏

玄黃覆載元首照臨合德致禮有契其心敬申事闕潔

誠共報玉帛載升

北郊云牲玉載陳

棫樸斯燎寥廓幽曖播以

馨香皇靈惟鑒降福無疆

皇夏樂

皇帝還便殿奏

天大親嚴匪敬伊孝永言肆饗宸明增耀陽丘既暢

北郊

云陰澤云暢

大典逾光乃安斯息欽若舊章天迴地旋鳴鑾

引警且萬且億皇曆惟永

北齊五郊樂歌五首

隋書樂志曰齊五郊迎氣降神並奏高明樂又曰禮五方上帝並奏高明之樂為覆燾之舞

青帝高明樂

歲云獻谷風歸斗東指鴈北飛電鞭激雷車遽虹旌靡

青龍馭和氣洽具物滋飏降止應帝期

赤帝高明樂

婺女司旦仲呂宣朱精御節離景延根芟俊茂温風發

柘火風水應炎月執衡長物德孔昭赤旂電

隋書作霞

曳會

今朝

黃帝高明樂

居中而五運乘衡畢四時含養滋群物協德固皇基擘

緩契王風持載符君德良辰動靈駕承祀昌邦國

白帝高明樂

風涼露降馳景颺寒精山川搖落平秩在西城蓋藏成
積蒸民被嘉祉從享來儀鴻休溢千祀

黑帝高明樂

虹藏雉化告寒冰壯地圻年殫日次月紀方極九川萬
邦獻力叶光是紀歲窮微陽潛北方融天子赫赫明聖
享神降福惟敬

北齊祀五帝於明堂樂歌十一首

肆夏樂

先一日夕牲羣臣入門奏

國陽崇祀嚴恭隋書作載有聞荒華胥暨樂我大君冕瑞有
列禽帛載叙羣后師師威儀容與執禮辨物司樂考章
率由靡墜休有烈光

高明樂

太祝令迎神奏高明樂覆燹舞

祖德光國圖昌祇上帝禮四方闢紫宮動華闕龍虎奮
風雲發飛朱雀從玄武攜日月帶雷雨耀宇內溢區中
眷帝道感皇風帝道康皇風扇燄盛列椒醑薦神且寧
會五精歸福祿幸閭亭

武德樂

太祖配饗奏武德樂昭烈舞

我惟我祖自天之命道被歸仁時屯啓聖運鍾千祀授

手萬姓夷廼掩虐匡積翼正載經載營庶士咸寧九功
以洽七德兼盈丹書入告玄王來呈露甘泉白雲郁河
清聲教咸往舟車畢會仁加有形化浹無外嚴親惟重
陟配惟大既祐斯歌率土攸賴

昭夏樂

牲出入奏

孝享不匱精潔臨年滌牢委溢形色博牲于以用之言
承歆祀肅肅威儀敢不敬止載飭載省惟牛惟羊明神
有察保茲萬方

昭夏樂

慶毛血奏

我將宗祀夤獻厥誠鞠躬如在側聽無聲薦色斯純呈

氣斯臭有滌有濯惟神其祐五方來格一人多祉明德
惟馨於穆不已

皇夏樂

皇帝入門奏皇帝升壇奏皇夏辭同

象乾上構儀坤下基集靈崇祖永言孝思室陳簋豆庭
羅懸佾夙夜畏威保茲貞吉舞貴其夜歌重其升降斯
百祿惟饗惟應

高明樂

皇帝初獻奏高明樂覆燾舞

度几筵闢牖戶禮上帝感皇祖酌惟潔滌以清薦心款
達神明

高明樂

皇帝裸獻奏高明樂覆燾舞

帝精來降應我明德禮殫義展流祉邦國既受多祉實
資孝敬祝謁其誠荷天休命

皇夏樂

飲福酒奏

恭祀洽盛禮宣英歆爛層景廣澤同深泉上靈鍾百福
羣神歸萬年月軌咸梯岫日域盡浮川瑞鳥飛玄扈潛
鱗躍翠漣皇家膺寶曆兩地復參天

高明樂

太祀送神奏高
明樂覆畫舞

青陽奏發朱明歌西皓唱玄冥大禮罄廣樂成神心澤
將遠征飾龍駕矯鳳旂指圖闔憇層城出溫谷邁炎庭
跨西汜過北溟忽萬億耀光精比電駉馬與雷行嗟皇道

懷萬靈國王業震天聲

皇夏樂

帝還便殿

文物備矣聲明有章登薦惟肅禮邈前王鬯齊云終折
旋告罄穆穆旒冕蘊誠畢敬屯衛按部鑾蹕迴途暫留
紫殿將及清都

北齊饗廟樂辭十八首

肆夏樂

先一日夕牲
羣臣入門奏

霜淒兩暢烝哉帝心有敬其祀肅事惟歆昭昭車服濟
濟衣簪鞠躬貢酌磬折奉琛差以五列和以八音式祗
王度如玉如金

高明登歌樂 迎神

日卜惟吉辰擇其良奕奕清廟黼黻周張大呂為角應
鍾為羽路鼓陰竹德歌昭舞祀事孔明百神允穆神心
乃顧保茲介福

昭夏樂 牲出入奏

大祀云事獻奠有儀既歌既展贊顧迎犧執從伊竦芻
飾惟慄俟用於庭將升於室且握且駢以致其誠惠我
貽頌降祉千齡

昭夏樂 薦毛血奏

緬彼遐慨悠然永思留連七享纏綿四時神升魄沉靡

聞聲見陰陽載俟臭聲兼薦薦祖考其鑒言萃王休降神
敷錫百福是由

皇夏樂 進熟皇帝入門

齊居嚴殿夙駕層闈車輅垂彩旒袞騰輝聳誠載仰翹
心有慕洞洞自形斤斤表步闕宮有邃神道依稀孝心
緬邈爰屬爰依

登歌樂 太祝裸地奏

太室宵宵神居宿設鬱鬯惟芬珪璋惟潔彝尊應時龍
蒲代用藉茅無咎福祿攸降端感會事儼思修禮齊齊
勿勿俄俄濟濟

登歌樂 皇帝升殿殿上作

我祠我祖永惟厥先炎農肇聖靈祉蟬聯霸圖中造帝業方宣道昌基構撫運承天奄家六合爰光八埏尊神致禮孝思惟纏寒來暑反惕薦在年匪敬伊慕備物不愆設簾設業執鼓填填辟公在位有容伊虔登歌啓侑下管應懸厥容無爽幽明肅然誠币厚地和達穹玄既調風雨載協山川周庭有列湯孫永延教聲惟被邁後光前

始基樂恢祚舞 皇帝初獻六世祖司空公神室奏

克明克俊祖武惟昌業弘管土聲被海方有流厥德終

耀其光明神幽贊景祚攸長

始基樂恢祚舞 五世祖吏部尚書室

顯允盛德隆我前構瑶源彌瀉瓊根愈秀誕惟有族丕緒克茂大業崇新洪基增舊

始基樂恢祚舞 高祖秦州刺史室

祖德丕顯明喆知幾豹變東國鵲起西歸禮申官次命改朝衣敬思孝享多福無違

始基樂恢祚舞 曾祖太尉武貞公室

兆靈有業潛德無聲韜光戢耀貫幽洞冥道弘舒卷施博藏行緬追歲事夜遽不寧

始基樂恢祚舞 祖文皇帝室

皇皇祖德穆穆其風語嘿自己明睿在躬荷天之錫聖
表克隆高山作矣寶祚其崇離光旦旦載煥載融感薦
惟永神保無窮

武德樂昭烈舞 高祖神武皇帝室

天造草昧時難糾紛孰拯斯溺靡救其焚大人利見締
武經文顧指維極吐吸風雲開天闢地峻岳夷海冥工
掩迹上德不宰神心有應龍化無待義征九服仁兵告
凱上平下成靡或不寧匪王伊帝偶極崇靈享親則孝
潔祀惟誠禮備樂序肅贊神明

文德樂宣政舞 文皇帝室

聖武丕基睿文顯統眇哉禋啓鬱矣天縱道則人弘德
云邁種昭冥咸叙崇深畢綜自中徂外經朝庇野政反
淪風威還缺雅旁作穆穆格于上下維享維宗來鑒來
假

文正樂光大舞 顯祖文皇帝室

玄曆已謝蒼靈告期圖璽有屬揖讓惟時龍升獸變弘
我帝基對揚等昊寔啓雍熙欽若皇猷永懷王度欣賞
斯穆威刑允措軌物俱宣憲章咸布俗無邪指下歸正
路茫茫九域振以乾綱混通華裔配括天壤作禮視德

列樂傳響薦祀惟虔衣冠載仰

皇夏樂

飲福酒奏

孝心翼翼率禮兢兢時洗時薦或降或升在堂在戶載
湛載凝多品斯奠備物攸膺蘭芬敬挹玉俎恭承受祭
之祐如彼岡陵

高明樂

送神奏

仰棖楠慕衣冠禮云罄祀將闌神之駕紛奕奕乘白雲
無不適窮昭域極幽塗歸帝社眷皇都

皇夏

皇帝詣使殿奏

禮行斯畢樂奏以終受嘏先退載暢其衷鑾軒循轍麾

旌復路光景徘徊絃歌顧慕靈之相矣有錫無疆國圖

日競

清書作鏡

家曆天長

古詩類苑卷之三十五

古詩集卷三五
樂府



國家圖書館, NATIONAL CENTRAL LIBRARY, TAIWAN, R.O.C.

大正

大正

古詩類苑卷之三十六

雲間張之象玄超纂輯

俞顯卿子如

補訂

張所敬長輿

俞顯謨子昭

校正

徐光啟子先

王 頴玄弼

叅閱

陳 甲伯子

樂部

北周郊廟歌辭

周祀圓丘歌十二首

庾信下並同

隋書樂志曰周閔帝受禪居位日淺明帝雖革魏氏之樂而未臻雅正天和元年武帝初造山雲舞以備六代南郊雲壇太廟禘祫俱用之六舞者大夏大漢大武正德武德山雲也於是正定雅音為郊廟樂宜帝嗣位皆備用之

昭夏降神

重陽禮祀大報天丙午封壇肅且圜孤竹之管雲和絃

神光未樂府作來下風肅然王城七里通天臺紫微斜照影

徘徊連珠合璧重光來天策斲轉鈎陳開

皇夏皇帝入門

旌迴外墜蹕靜郊門千乘按轡萬騎雲屯藉茅無咎掃

地唯尊揖讓展禮衡璜節步星漢就列風雲相顧取法于天降其永祚

昭夏組入

日至大禮豐犧上辰牲牢脩牧繭栗毛純俎豆斯立陶匏以陳大報反命居陽兆日六變鼓鍾三和琴瑟俎奇豆偶惟誠惟質

昭夏與玉帛

負玉已奠蒼幣斯陳瑞形成象璧氣含春禮從天數智總圓神為祈為祀至敬咸遵

皇夏皇帝升壇

七里一作星是仰八陛有憑就陽之位如日之升思虔肅肅致敬繩繩祀史陳信玄象斯格惟類之典惟靈之澤幽顯對揚人神咫尺

雲門舞 初獻

獻以誠鬱以清山壘舉沉齊傾惟尚饗洽皇情降景福通神明

雲門舞 初獻

長丘遠歷大電遙源弓藏高隴鼎沒寒門人生于祖物本于天奠神配德迄用康年

登歌 初獻及獻配帝畢奏

歲之祥國之陽蒼靈敬翠雲長象爲飾龍爲章乘長日
坳蟄戶烈雲漢迎風雨六呂歌雲門舞省滌濯奠牲牲
鬱金酒鳳凰樽迴天睠顧中原

皇夏 飲福

國命在禮君命在天陳誠唯肅飲福唯虔洽斯百禮福以千年鈎陳掩映天駟徘徊彫禾飾竿翠羽承壘受斯茂祉從天之來

雍樂 撤奠

禮將畢樂將闌迴日轡動天關翠鳳搖和鸞響五雲飛
三步上風爲馭雷爲車無轍迹有烟霞暢皇情休靈命

雨留甘雲餘慶

皇夏

就學
燎位

六典聯事九司咸則率由舊章于焉允塞掌禮移次燔
柴在焉烟升玉帛氣歛牲牲休氣馨香管芳昭晰翼翼
虔心明明上徹

皇夏

還便
殿

玉帛禮畢神人事分嚴承乃睠瞻仰迴雲輦路千門王
城九軌式道移候司方迴指得一惟清於萬斯寧受茲
景命于天告成

周祀方澤歌四首

方澤舞辭
同園丘

昭夏

降神

報功陰澤展禮玄郊平琮鎮瑞方鼎升庖調歌絲竹縮
酒江茅聲舒鐘鼓器質陶匏列耀秀華凝芳都荔川澤
茂祉丘陵容衛雲飾山壘蘭浮汎齊日至之禮歆茲大
祭

昭夏

奠玉
帛

曰若厚載欽剛方澤敢以敬恭陳之玉帛德包含養功
藏靈迹斯箱既千子孫則百

登歌

初獻

質明孝敬求陰順陽壇有四陞琮分八方牲牲蕩滌蕭

古詩類考卷三十一 樂部
合馨香和鑿戾止振鷺來翔威儀簡簡鐘鼓喤喤聲和
孤竹韻入空桑封中雲氣坎上神光下元之主功深蓋
藏

皇夏

望坎次

司筵撤席掌禮移次迴顧封壇恭臨坎位瘞玉埋俎藏
芳歛氣是日就幽成斯地意

周祀五帝歌十二首

皇夏

奠玉帛

嘉玉惟芳嘉幣惟量成形惟一作禮稟色隨方神班其
次歲禮惟常威儀抑抑率由舊章

皇夏

初獻

惟令之月惟嘉之辰司壇宿設掌史誠陳敢用明禮言
功上神鈎陳旦闢閭闔朝分旒垂象冕樂奏山雲將廻
霆策暫轉天文五運周環四時代序鱗次玉帛循廻樽
俎神其降之介福斯許

青帝雲門舞

以下並初獻奏

甲在日鳥中星禮東后奠蒼靈樹春旗命青史候鴈還
東風起歌木德舞震宮泗濱石龍門桐孟之月陽之天
億斯慶兆斯年

配帝舞

帝出于震蒼德於神其明在日其位居春勞以定國功
以施人言從配祀近取諸身

赤帝雲門舞

招搖指午對南宮日月相會實沈中離光布政動溫風
純陽之月樂炎精赤雀丹書飛送迎朱絃絳鼓罄虔誠
萬物含養各長生

配帝舞

以炎爲政以火爲官位司南陸享配離壇三和實俎百
味浮蘭神其茂豫天步艱難

黃帝雲門舞

三光儀表正四氣風雲同戊巳行初曆黃鍾始變宮平
琮禮內鎮陰管奏司中齋壇芝曄曄清野桂馮馮夕牢
芬六鼎安歌韻八風神光乃超忽嘉氣恒葱葱

配帝舞

四時成一德五氣或同論猶吹鳳凰管尚對梧桐園器
圓居土厚位總配神尊始知今奏樂還用我雲門

白帝雲門舞

肅靈兌景承配秋壇雲高火落露白蟬寒帝律登年金
精行令瑞獸霜耀祥禽雪映司藏肅殺萬寶咸宜厥田
上下收功在斯

配帝舞

金行秋令白帝朱宣司正五雉歌庸九川執文之德對
越彼天介以福祉君子萬年

黑帝雲門舞

北辰爲政玄壇北陸之祀貞官宿設玄璜浴蘭坎德陰
風御寒次律將迴窮紀微陽欲動細泉管猶調於陰竹
聲未入於春絃待歸餘於送歷方履慶於斯年

配帝舞

地始坼虹始藏服玄玉居玄堂沐蕙氣浴蘭湯匏器潔
水泉香涉配彼福無疆君欣欣此樂康

周宗廟歌十二首

見隋書樂志

皇夏

皇帝入廟門

肅肅清廟巖巖寢門敬器防滿金人戒言應輦懸鼓崇
牙樹羽階變升歌庭紛象舞閑安象設緝熙清奠春鮪
初登新萍先薦倏然入室儼乎在位悽愴履之非寒之
謂

昭夏

降神

永惟祖武潛慶靈長龍圖革命鳳曆歸昌功移上塲德
耀中陽清廟肅肅猛虞煌煌曲高大夏聲和盛唐牲牲
蕩滌蕭合馨香和鸞戾止振鷺來翔永敷萬國是則四

方

皇夏

祖入皇
帝升階

年祥辨日上協龜言奉耐承列來庭駿奔雕禾飾掌翠
羽承樽敬殫如此恭惟執燔

皇夏

獻皇
高祖

慶緒千重秀鴻源萬里長無時猶戢翼有道故韜光盛
德必有後仁義終克昌明星初肇慶大電久呈祥

皇夏

獻皇曾祖
德皇帝

克昌光上烈基聖穆西藩崇仁高涉渭積德被居原帝
圖張往迹王業茂前尊重芬德陽廟壘慶壽陵園百靈

光祖武千年福孝孫

皇夏

獻皇祖太
祖文皇帝

雄圖屬天造宏畧遇群飛風雲猶聽命龍躍遂乘機百
二當天險三分拒樂推函谷風塵散河陽氛霧晞濟弱
淪風起扶危頽運歸地紐崩還正天樞落更追原祠乍
超忽畢隴或綿微終封三尺劔長卷一戎衣

皇夏

獻文宣
皇太后

月靈興慶沙祥發源功參禹迹德贊堯門言容典禮禴
狄徽章儀形溫德令問昭陽日月不居歲時晚晚瑞雲
纏心闕宮惟遠

皇夏

獻閔
皇帝

龍圖基代德天步屬艱難謳歌還受瑞揖讓乃登壇升
輿芒刺重入位據關寒卷舒雲汎濫游揚日浸微出鄭
終無反居桐竟不歸祀夏今惟舊尊霽謚更追

皇夏

獻明
皇帝

若水逢降君窮彙屬惟政丕哉馭帝籙鬱矣當天命方
定五雲官先齊八風令文昌氣似珠太史河如鏡南宮
學已開東觀書還聚文辭金石韻毫翰風飈豎清室桂
馮馮齊房芝詡詡寧思玉管笛空見靈衣舞

皇夏

獻高祖
武皇帝

南河吐雲氣北斗降星辰百靈咸仰德千年一聖人書
成紫微動律定鳳凰馴六軍命西土甲子陳東鄰戎衣
此一定萬里更無塵烟雲同五色日月並重輪流沙旣
西靜蟠木又東臣凱樂聞朱鴈鏡歌見白麟今爲六代
祀還得九疑賓

皇夏

飲福
酒

禮殫裸獻樂極休成長離前揆宗祀文明縮酌浮蘭澄
壘合鬯磬折禮容旋迴靈貺受釐撤俎飲福移樽惟光
惟烈文子文孫

皇夏

還便
殿

庭闕四始筵終三薦顧步堦墀徘徊餘奠六龍矯首七
萃警途鼓移行漏風轉相鳥翼翼從事綿綿四時惟神
降嘏永言保之

周大裕歌二首

昭夏 降神

律在夾鍾服居蒼袞杳杳清思綿綿長遠就祭于合班
神于本來庭有序助祭有章樂舞六代賓歌二王和鈴
以節儉革斯鏘齊宮饌玉鬱華浮金洞庭鍾鼓龍門瑟
琴其樂已變惟神是臨

登歌

奠玉帛
同宗廟時享

神惟顯思不言而令玉帛之禮敢陳莊敬奉如弗勝薦
如受命交于神明懋于言行

隋郊廟歌辭

圜丘歌八首

牛弘等奉詔作

隋書樂志曰文帝開皇中詔牛弘姚察許善
心虞世基劉臻等詳定雅樂弘等奏曰伏奉
明詔詳定雅樂博訪知音務求儒彥研校是
非定其去就取為一代正樂具在本司于是
并撰歌辭三十首詔改定雅樂又作樂府歌辭撰定
皇九年奉詔改定雅樂又作樂府歌辭撰定
圜丘五帝凱樂按此則諸
歌辭當為牛弘所作也

昭夏

降神

肅祭典協良辰具嘉薦俟皇臻禮方成樂已變感靈心

迴天睠闕華闕下乾宮乘精氣御祥風望燿火通田燭
膺介圭受瑄玉神之臨慶陰陰烟衢洞宸路深善旣福
德斯輔流鴻祚徧區宇

皇夏

皇帝升壇

於穆我后昭明有融道濟區域功格玄穹百神警衛萬
國承風仁深德厚信洽義豐明發思政勤憂在躬鴻基
惟永福祚長隆

登歌

德深禮大道高饗穆就陽斯恭陟配惟肅血管升氣冕
裘標服誠感清玄信陳史祝祇承靈貺載膺多福

誠夏

皇帝初獻

肇禋崇祀式奉一作大報尊靈因高盡一作就敬掃地惟誠六
宗隨兆五緯陪營雲和發韻孤竹揚聲一作清我粢旣潔
我酌惟明元神是鑒百祿來成

文舞

皇帝既獻獻奏

皇矣上帝受命自天睿圖作極文教遐宣四方監觀萬
國陶甄有苗斯格無得稱焉天地之經和樂具舉休徵
咸萃要荒式序正位履端秋霜春雨

需夏

皇帝飲福酒

禮以恭事薦以饗時載清玄酒備絜蕝其迴旒分爵思

媚軒墀惠均撤俎祥降受釐十倫以具百福斯滋克昌
厥德永祚鴻基

武舞

御曆膺期乘乾表則成功勘亂順時經國兵暢五材武
弘七德憬彼遐裔化行充塞三道備舉二儀交泰情發
自中義均莫大祀敬恭肅鍾鼓繁會萬國斯歡兆民斯
賴享茲介福康哉元首惠我無疆天長地久

昭夏 送神

享序洽祀禮施神之駕嚴將馳奔精驅長離耀牲烟達
絜誠照騰日馭鼓電鞭辭下土升上玄瞻寥廓杳無際

澹群心留餘惠

五郊歌五首

隋書樂志曰五郊歌辭青郊奏角音赤郊奏徵音黃郊奏宮音白郊奏商音黑郊奏羽音
迎送神登歌與園丘同

青帝歌角音

震宮初動木德惟仁龍精戒旦鳥曆司春陽光煦物溫
風先導巖處載驚膏田已冒犧牲豐絜金石和聲懷柔
備禮明德惟馨

赤帝歌徵音

長羸開序炎上為德執禮司萌持衡御國重離得位芒

種在時含櫻薦實木槿垂蕤慶賞旣行高明可處順時
立祭事昭福舉

黃帝歌宮音

爰稼作土順位稱坤孕金成德履艮爲尊黃本內色宮
實聲始萬物資生四時成紀靈壇汛掃盛樂高張威儀
孔備福履無疆

白帝歌商音

西成肇節盛德在秋三農稍已九穀行收金氣肅殺商
威颺矣嚴風鼓莖繁霜隕蒂厲兵詰暴敕法慎刑明神
降嘏國步惟寧

黑帝歌羽音

玄英啟候冥陵初起虹藏於天雉化於水嚴關重閉星
迴日窮黃鍾動律廣莫生風玄樽示本天產惟質恩覃
外區福流京隋書
作景室

感帝歌

隋書樂志曰祀感帝奏誠
夏迎送神登歌與圜丘同

誠夏

禘祖垂典郊天有章以孟之春於國之陽繭粟惟誠陶
匏斯尚人神接禮明幽交暢火靈降祚火曆載隆烝哉
帝道赫矣皇風

雩祭歌

隋書樂志曰雩祭蜡祭朝日夕月並奏誠夏共迎送神登歌並與園丘同

誠夏

朱明啟候時載陽肅若舊典延五方嘉薦以陳盛樂奏氣序和平資靈祐公田既雨私亦濡民殷俗富政化敷

蜡祭歌

誠夏

四方有祀八蜡酬功收藏既畢榛葛送終使之必報祭之斯索三時告勞一日為澤神祇必來鱗羽咸致惟義之盡惟仁之至年成物阜罷役息民皇恩已洽靈慶無

垠

朝日夕月歌二首

朝日誠夏

扶木上朝瞰崑山沈暮景寒來遊畧促暑至馳輝永時和合璧耀俗泰重輪明執圭盡昭事服冕罄虔誠

夕月誠夏

澄輝燭地域流耀鏡天儀曆草隨絃長珠胎逐望虧成形表蟾兔竊藥資王母西郊禮既成幽壇福惟厚

方丘歌四首

隋書樂志曰祭方丘唯此四者異餘並同園丘

昭夏 迎神

柔功暢陰德昭陳瘞典盛玄郊匪冪清管鬯馥皇情虔
具寮肅笙頌合鼓鼗會出桂旌屯孔蓋敬如在肅有承
神胥樂慶福膺

登歌 奠玉帛

道惟生育器乃包藏報功稱範殷薦有常六瑚已饋五
齊流香貴誠尚質敬洽義章神祚惟永帝業增昌

誠夏 初獻

厚載垂德崑丘主神陰壇吉禮北至良辰鑿水呈絜牲
栗表純樽壺夕啟幣玉朝陳群望咸秩精靈畢臻祚流

於國社被於人

昭夏

奠既徹獻已周竦靈駕逝遠遊洞四極而九縣慶方流
社恒遍埋玉氣掩牲芳晰神理顯國文

神州歌

隋書樂志曰祭神州奏社稷先農並
奏誠夏其迎送神登歌並與方丘同

誠夏

四海之內一和之壤地曰神州物賴生長咸池既降泰
折斯饗牲牲尚黑珪玉寔兩九寓載寧神功克廣

社稷歌四首

春祈社誠夏

厚地開靈方壇崇祀達以風露樹之松梓勾萌旣申芟
柞伊始恭祗粢盛載膺休祉

春祈稷誠夏

粒食興教播厥有先尊神致絜報本惟虔瞻榆束耒望
杏開田方憑馘福佇詠豐年

秋報社誠夏

北墉申禮單出表誠豐犧入薦華樂在庭原隰旣平泉
流又清如雲已望高廩斯盈

秋報稷誠夏

民天務急農亦勤止或藜或藿惟豐惟芑涼風戒時歲
云秋矣物成則報功施必祀

先農歌

誠夏

農祥晨晰土膏初起春原俶載青壇致祀斂蹕長阡迴
旌外壝房俎飾薦山壘沈滓親事朱絃躬持黛耜恭神
務穡受禧降祉

先聖先師歌

誠夏

經國立訓學重教先三墳肇冊五典留篇開鑿理著陶

鑄功宣東膠西序春誦夏絃芳塵載仰祀典無騫

太廟樂歌九首

迎神歌

務本興教尊神體國霜露感心享祀陳則官聯式序奔
走在庭几筵結慕裸獻惟誠嘉樂載合神其降止永言
保之錫以繁祉

登歌

孝熙嚴祖師象敬宗惟皇肅肅有來雍雍雕梁霞複繡
椽雲重觀德自感奉璋伊恭彝尊盡飾羽綴有容升歌
發藻景福來從

俎入歌

郊丘廟社同

祭本用初祀由功舉駿奔咸會供神有序明酌盈樽豐
犧實俎幽金旣薦績錯維旅享由明德香非稷黍載流
嘉慶克固鴻緒

皇高祖太原府君神室歌

締基發祥肇源興慶乃仁乃哲克明克令庸宣國圖善
流人詠開我皇業七百同盛

皇曾祖康王神室歌

皇條俊茂帝系靈長豐功疊軌厚利重光福由善積代
以德彰嚴恭盡禮永錫無疆

皇祖獻王神室歌

盛才必達丕基增舊涉渭同符遷邠等構弘風邁德義
高道富神鑒孔昭王猷克懋

皇考太祖武元皇帝神室歌

深仁冥著至道潛敷皇矣太祖耀名天衢翦商隆祚奄
宅隋區有命旣集誕開靈符

飲福酒歌

郊丘廟
社同用

神道正直祀事有融肅雍備禮莊敬在躬羞燔已具奠
酌將終降祥惟永受福無窮

送神歌

饗禮具利事成佇旒冕肅簪纓金奏終玉俎撤盡孝敬
窮嚴絜人祇分哀樂半降景福憑幽贊

古詩類苑卷之三十六

古詩集卷之三十一

蘇東坡詩集卷之三十一

蘇東坡詩集卷之三十一



國家圖書館, NATIONAL CENTRAL LIBRARY, TAIWAN, R.O.C.

古詩類苑卷之三十七

雲間張之象玄超纂輯

俞顯卿子如補訂

張所敬長輿

徐光啟子先校正

俞顯謨子昭

王 頰玄弢叅閱

陳 甲伯子

樂部

晉燕射歌辭

晉四廂樂歌三首

傳 玄

晉書樂志曰晉初食舉亦用鹿鳴至武帝泰始五年使傅玄荀勗張華各造正旦行禮及王公上壽酒食舉樂歌詩後又詔成公綏亦作焉傅玄造三篇一曰天鑒二曰於赫三曰命天

正旦大會行禮歌 四章

天鑒有晉世祚聖皇時齊七政朝此萬方○鐘鼓斯震
九賓備禮正位在朝穆穆濟濟○煌煌三辰實麗於天
君后是象威儀孔虔○率禮無愆莫非邁德儀刑聖皇
萬邦惟則

上壽酒歌

於赫明明聖德龍興二朝獻酒萬壽是膺敷祐四方如
日之升自天降祚元吉有徵

食舉東西箱歌 十三章

天命大晉載育群生於穆上德隨時化成
自祖配命皇皇后辟繼天創業宣文之績
丕顯宣文先知稼穡克恭克儉足教足食
既教食之弘濟艱難上帝是祐下民所安
天祐聖皇萬邦來賀雖安勿安乾乾匪暇
乃正丘郊乃定冢社廡廡作宗光宅天下
惟敬朝饗爰奏食舉盡禮供御嘉樂有序

樹羽設業笙鏞以閒琴瑟齊列亦有篋墳
皇皇鼓鐘鎗鎗磬管八音克諧載夷載簡
既夷既簡其大不禦風化潛興如雲如雨
如雲之覆如雨之潤聲教所暨無思不順
教以化之樂以和之和而養之時惟邕熙
禮慎其儀樂節其聲於樂皇繇既和且平

晉四廂樂歌十七首

荀勗

晉書樂志曰魏杜夔傳舊雅樂四曲一曰鹿鳴二曰騶虞三曰伐檀四曰文王皆古聲辭及太和申左延年改夔騶虞伐檀文王三曲更自作聲節其名雖同而聲實異唯因夔鹿鳴全不改易且大會大尉奉璧群后行禮東廂雅樂即作者是也後又改二篇第一曰

於赫篇詩武聲前與古樂鳴同第二曰魏雅篇詩文帝用延年所改騶虞篇第三曰洋復用鹿鳴鹿鳴之聲重則而除古代禮古今樂錄曰漢故事上壽用四會曲魏明帝青龍二年以長笛奏第一古大會酒賦代四會又易古詩各四羽觴行用為上壽曲施用最在前鹿鳴以下十二曲名食舉樂而四會之曲羨廢晉書樂志曰秦始中使傅玄荀勗張華各造正旦大會行禮及正公上壽酒食舉樂歌詩勗乃更作行禮詩四篇又為正旦大會王公上壽歌詩并食舉樂歌詩合十三篇又以魏氏歌詩或二言或三言或四言或五言與古詩不知以問司律中郎行陳頤頤曰彼之金石未必皆當故勗造晉歌詩為四言唯王公上壽酒一篇為三言五言焉

正旦大會行禮歌四首

於皇

宋書樂志曰晉荀勗造正旦大會行禮歌四篇一曰於皇當魏於赫

於皇元首群生資始履端大享敬御繁祉肆覲群后爰
及卿士欽順則元允也天子

明明當於

明明天子臨下有赫四表宅心惠浹荒貊柔遠能邇孔
淑不逆來格祁祁邦家是若

邦國當於

光光邦國天篤其祜丕顯哲命顧柔三祖世德作求奄
有九土思我皇度彝倫攸序

祖宗當於

惟祖惟宗高朗緝熙對越在天駿惠在茲聿求厥成我

皇崇之式固其猶往敬用治

王公上壽酒歌

踐元辰當於魏

踐元辰延顯融獻羽觴祈今終我自皇壽而隆我皇茂而

嵩本支奮百世休祚鍾聖躬

食舉樂東西廂歌十二首

煌煌當於

煌煌七曜重明交暢我有嘉賓是應是貺邦政既圖接
以大饗人之好我式遵德讓

賓之初筵當於

古詩類卷三十七
賓之初筵藹藹濟濟既朝乃宴以洽百禮頌以位敘或
廷或陞登嶺台叟亦有兄弟胥子陪寮憲茲度楷觀願
養正降福孔偕

三后

當昭昭

昔我三后大業是維今我聖皇焜燿前暉奕世重規明
照九畿思輯用光時罔有違陟禹之跡莫不來威天被
顯祿福履是綏

赫矣

當華華

赫矣太祖克廣明德廓開宇宙正世立則變化不經民
無瑕慝創業垂統兆我晉國

烈文

當朝

烈文伯考時惟帝景夷險平亂威而不猛御衡不迷皇
塗煥炳七德咸宣其寧惟永

猗歟

當盛

猗歟盛歟先皇聖文則天作孚大哉為君慎微五典帝
載是勤文武發揮茂建嘉勳脩已濟治民用寧殷懷遠
燭幽玄教氛氳善世不伐服事三分德博化隆道冒無
垠

隆化

當綏

隆化洋洋帝命溥將登我晉道越惟聖皇龍飛革運臨

燾入荒叡哲欽明配蹤虞唐封建厥福駿發其祥三朝
習吉終然允臧其臧惟何總彼萬方元侯列辟四嶽蕃
王時見世享率茲有常旅揖在庭嘉客在堂宋衛既臻
陳留山陽我有賓使觀國之光貢賢納計獻璧奉璋保
祐命之申錫無疆

振鷺當朝

振鷺於飛鴻漸其翼京邑穆穆四方是式無競惟人王
綱允敕君子來朝言觀其極

翼翼當順

翼翼大君民之攸暨信理天工患康不匱將遠不仁訓

以淳粹幽明有倫俊乂在位九族既睦庶邦順比開元
布憲四海鱗萃協時正統殊塗同致厚德載物靈心隆
貴敷奏讜言納以無諱樹之典象誨之義類上教如風
下應如卉一人有慶群萌以遂我后宴喜令問不墜

既宴當陞

既宴既喜翕是萬邦禮儀卒度物有其容晰晰庭燎煌
煌鼓鐘笙磬詠德萬舞象功八音克諧俗易化從共和
如樂庶品時邕

時雍當參

時邕斌斌宋書作六合同塵往我祖宣威靜殊隣首定

古詩類卷之三十一

樂

下

三百卅

荆楚遂平燕秦疊疊文皇邁德流仁爰造草昧應乾順
民靈瑞告符休徵響震天地弗違以和神人既戡庸蜀
吳會是賓肅慎率職楛矢來陳韓濊進樂均晉書協清
鈞西旅獻葵扶南效珍蠻裔重譯玄齒文身我皇撫之
景命惟新

嘉會

愔愔嘉會有聞無聲清酤既奠籩豆既馨晉書禮充樂
備簫韶九成愷樂飲酒酣而不盈率土歡豫邦國以寧
王猷允塞萬載無傾

晉四廂樂歌十六首

張華

晉書樂志曰張華以爲魏上壽食舉詩及漢代所施用其文句長短不齊未皆合古益以依詠弦節本有因循而識樂知音足以制聲度曲法用率非几近之所能改二代三京襲而不變雖詩章辭異廢典隨時至其韻逗留曲折皆繫於舊有由然也是以一皆因就不敢有所改易

王公上壽詩

稱元慶奉聖觴后皇延遐祚安樂撫萬方

食舉東西廂樂詩十一

明明在上丕顯厥繇翼翼三壽蕃后惟休群生漸德六合承流三正元辰朝慶鱗萃華夏奉職貢八荒覲殊類
黻冕充廣庭鳴玉盈朝位

濟濟朝位言觀其光儀序旣以時禮文煥以彰思皇享
多祜嘉樂永無央

九賓在庭臚讚旣通升瑞奠贄乃侯乃公穆穆天尊隆
禮動容履端承元吉介福御萬邦

朝享上下咸雍崇多儀繁禮容舞盛德歌九功揚芳烈
播休蹤

皇化洽洞幽明懷柔百神輯祥禎潛龍躍雕虎仁儀鳳
鳥屈游麟枯蠹榮竭泉流茵芝茂枳棘柔和氣應休徵
弦協靈符彰帝期綏宇宙萬國和昊天成命賚皇家賚
皇家

世資聖哲三后在天啟鴻烈啟鴻烈隆王基率土謳吟
欣戴於時恒文象代氣著期

泰始開元龍升在位四隩同風燮寧殊類五躔來備嘉
生以遂凝庶績臻大康申繁祉胤無疆本支百世繼緒
不忘繼緒不忘休有烈光永言配命惟晉之祥

聖明統世篤皇仁廣大配天地順動若陶鈞玄化參自
然至德通神明清風暢八極流澤被無垠

於皇時晉奕世齊聖惟天降嘏神祇保定弘濟區夏允
集大命有命旣集光帝猷大明重曜鑿六幽聲教洋溢
惠滂流惠滂流移風俗多士盈朝賢俊比屋敦世心斷

古詩卷之三十一 樂部
彫反素樸反素樸懷庶方千戚舞階庭疏狄悅遐荒扶
南假重譯肅慎襲衣裳雲覆雨施德洽無疆旁作穆穆
仁化翔

朝元日賓王庭承宸極當盛明行和樂竭祇誠仰嘉惠
懷德馨遊淳風泳清協億兆同歡榮建皇極統天位
運陰陽御六氣降祥生成性類王道浹治功成人倫序
俗化清虔明祀祇三靈崇禮樂式儀刑

慶元吉宴三朝播金石詠冷簫奏九夏舞雲韶邁德音
流英聲八紘一六合寧六合寧承聖明王澤洽道登隆
綏函夏總華戎齊德教混殊風混殊風康萬國崇夷簡

尚敦德弘王度遠遐則

正旦大會行禮詩 四章

於赫皇祖迪哲齊聖經緯大業基天之命克開洪緒誕
篤天慶旁濟彞倫仰齊七政

烈烈景皇克明克聰靜封畧定勲功成民立政儀刑萬
邦式固崇軌光紹前蹤

允文烈考濬哲應期參德天地比功四時大亨以正庶
績咸熙肇啟晉宇遂登皇基

明明我后玄德通神受終正位協應天人容民厚下育
物流仁躋我王道輝光日新

晉四廂樂歌

成公綏

王公上壽酒歌

上壽酒樂未央大晉應天慶皇帝永無疆

正旦大會行禮歌 十五章

穆穆天子光臨萬國多士盈朝莫非俊德流化罔極王猷允塞嘉會置酒嘉賓充庭羽旄曜辰極鐘鼓振泰清百辟朝三朝或或明儀刑濟濟鏘鏘金振玉聲禮樂具宴嘉賓眉壽祚聖皇景福惟日新群后戾止有來雍雍獻酬納贄崇此禮容豐肴萬俎旨酒千鍾嘉樂盡宴樂福祿咸攸同

樂哉天下安寧道化行風俗清蕭韶作詠九成年豐穰世泰平至治哉樂無窮元首聰明股肱忠澍豐澤揚清風

嘉瑞出靈應彰麒麟見鳳凰翔醴泉湧流中唐嘉禾生穗盈箱降繁祉祚聖皇承天位統萬國受命應期授聖德四世重光宣開洪業景克昌文欽明德彌彰肇啟晉邦流祚無疆

泰始建元鳳皇龍興龍興伊何享祚萬乘奄有八荒化育黎蒸圖書煥炳 晉書作既煥 金石有徵德光大道熙隆被四表格皇穹奕奕萬嗣明明顯融高朗今終保茲永祚

與天比崇

聖皇君四海順人應天期三葉合重光泰始開洪基明
曜參日月功光侔四時宇宙清且泰黎庶咸雍熙善哉
雍熙

惟天降命翼仁祐聖於穆三皇載德彌盛總齊璇璣光
統七政百揆時序化若神聖四海同風興至仁濟民育
物擬陶鈞擬陶鈞垂惠潤皇皇群賢峩峩英雋德化宣
芬芳播來胤

播來胤垂後昆清廟何穆穆皇極闢四門皇極闢四門
萬機無不綜疊疊翼翼樂不及荒饑不遑食大禮旣行

樂無極

登崑崙上層城乘飛龍升泰清冠日月佩五星揚虹蜺
建萐旌披慶雲蔭繁榮覽八極遊天庭順天地和陰陽
序四時曜三光張帝網正皇綱播仁風流惠康邁洪化
振靈威懷萬方納九夷朝閭闔宴紫微

建五旗羅鐘虛列四縣奏韶武鏗金石揚旌羽縱八佾
巴渝舞詠雅頌和律呂于胥樂樂聖主

化蕩蕩清風泄總英雄御俊傑開宇宙掃四裔光緝熙
美聖哲超百代揚休烈流景祚顯萬世

皇皇顯祖翼世佐時寧濟六合受命應期神武鷹揚大

化咸熙廓開皇衢用成帝基

光光景皇無競惟烈匡時拯俗休功蓋世宇宙既康九域有截天命降鑒啟祚明哲

穆穆烈考克明克雋實天生德誕膺靈運肇建帝業開國有晉載德奕世垂慶洪胤

明明聖帝龍飛在天與靈合契通德幽玄仰化青雲俯育重淵受靈之祐於萬斯年

晉冬至初歲小會歌

張華

日月不留四氣迴周節慶代序萬國同一作休庶尹群后奉壽一作升朝我有嘉禮式宴百僚繁肴綺錯旨酒

泉淳笙鏞和奏磬管流聲上隆其愛下盡其心宣其壅

滯訓

一作

之德音乃宣乃訓配享交泰永載仁風長撫

無外

晉宴會歌

亶亶我皇配天垂光留精日昃經覽無方聽朝有暇延命衆臣冠蓋雲集罇俎星陳肴蒸多品八珍代變羽爵無筭究樂極宴歌者流聲武者投袂動容有節絲竹並設宣暢四體繁手趣摯懽足發和酣不忘禮好樂無荒翼翼濟濟

晉中宮所歌

先王統大業玄化漸入維儀刑乎萬邦內訓隆壺闈皇
英垂帝典大雅詠三妃執德宣隆教正位理厥機一作
含章體柔順率禮蹈謙祗螽斯弘慈惠樛木建幽微微
音穆清風高義邈不追遺榮參日月百世仰餘暉

晉宗親會歌

族燕明禮順餽食序親親骨肉散不殊昆弟豈他人本
枝篤同慶棠棣著先民於皇聖明后天覆弘且仁降禮
崇親戚旁施協族姻式宴盡酣娛飲御備羞珍和樂既
宣洽上下同歡欣德教加四海敦睦被無垠

宋燕射歌辭

宋四箱樂歌五首

王韶之

宋書樂志曰武帝永初元年有司奏依舊正
旦設樂參詳屬三台改太樂諸歌辭詩黃門
侍郎王韶之立三
二章合用教司韶可

肆夏樂歌

宋書樂志曰王韶之造四箱樂歌五篇一
曰肆夏樂歌四章客入四箱振作於肆曲
皇帝當陽四箱振作將將曲皇帝入變服
四箱振作於肆特將二曲又黃鍾太簇二
箱作法章九功二曲古今樂錄曰按周
禮云王出入奏肆夏肆夏
本施之於廟帝王出
入則不應奏肆夏也

於鑠我皇體仁包元齊明日月比量乾坤陶甄百王稽
則黃軒訐謨定命辰告四蕃

將將蕃后翼翼群僚盛服待晨明發來朝饗以八珍樂
以九韶仰祇天顏厥猷孔昭

法章既設初筵長舒濟濟列辟端委皇除飲和無盈威
儀有餘温恭在位敬終如初

九功既歌六代惟時被德在樂宣道以詩穆矣太和品
物咸熙慶積自遠告成在茲

大會行禮歌

二曲 宋書樂志曰始洗箱作

大哉皇宋長發其祥纂系在漢統源伊唐德之克明休
有烈光配天作極辰居四方

皇矣我后聖德通靈有命在天誕受休禎龍飛紫極造

我宋京光宅宇宙赫赫明明

王公上壽歌

獻壽爵慶聖皇靈祚窮二儀休明等三光

殿前登歌

明明大宋緝熙皇道則天垂化光定天保天保既定肆
覲萬方禮繁樂富穆穆皇皇

沔彼流水朝宗天池洋洋貢職抑抑威儀既習威儀亦
閑禮容一人有則作孚萬邦

烝哉我皇固天誕聖履端惟始對越休慶如天斯久如
日斯盛介茲景福永固駿命

食舉歌

十曲

宋書樂志曰王韶之請食舉歌十車黃鐘大
族二節更作詩鍾作晨義體空仰王道開元
辰禮有容五曲太族作五五樂五
齊皇賦維惟不和于道純五曲

晨義載曜萬物咸覩嘉慶三朝禮樂備舉元正肇始典
章暉明萬方畢來賀華喬充皇庭多士盈九位俯仰觀
玉聲恂恂俯仰載爛其輝鼓鍾震天區禮容塞皇闈思
樂窮休慶福履同所歸

五玉旣獻三帛是蒙兩公兩侯鳴玉華殿皇皇聖后降
禮南面元首納嘉禮萬邦同歡願休哉君臣嘉燕建五
旗列四縣樂有文禮無倦融皇風窮一變

體至和感陰陽德無不柔繁休祥瑞徽璧應嘉鍾舞靈
鳳躍潛龍景星見甘露墜木連理禾同穗玄化洽仁澤
敷極禎瑞窮靈符

懷荒喬綏齊民荷天祐靡不賓靡不賓長世弘盛昭明
有融繁嘉慶繁嘉慶熙帝載合氣咸和蒼生欣戴三靈
協瑞惟新皇代

王道四達流仁布德窮理詠乾元垂訓順帝則靈化侔
四時幽誠通玄默德澤被八紘乾寧軌萬國

皇猷緝成熙泰禮儀煥帝庭要荒服遐外被髮襲纓冕
左袵回衿帶天覆地載流澤汪濊聲教布護德光大

開元辰畢來王奉貢職朝后皇鳴珩珮觀典章樂王度
悅徽芳陶盛化遊太康丕昭明永克昌

惟永初德不顯齊七政敷五典彝倫序洪化闡王澤流
太平始樹聲教明皇紀和靈祇恭明祀衍景祚膺

禮有容樂有儀金石陳干羽施邁武濩均成池歌南風
舞德稱文武煥頌聲興

王道純德彌淑寧八表康九服道禮讓移風俗移風俗
永克融歌盛美造成功詠徽烈邈無窮

梁燕射歌辭

梁三朝雅樂歌六首

沈約

隋書樂志曰梁初郊禋宗廟及三朝之樂並
用宋齊元徽永明儀注惟改嘉祚為永祚又
去永至之樂及武帝定國並以雅為誦取詩
序云言天下之事形四方之風謂之雅雅者
正也止於十二則天數也乃去階步之樂增
撤食之雅焉其詞並沈約所製。按雅樂歌
有用於三朝而巳詳見後註

俊雅

三曲

隋書樂志曰梁官出入宋元徽三年儀注
奏蕭郎樂齊及梁初亦同至是改為俊雅
取禮式司徒論選士之序者而升之學
曰俊士也二郊太廟明堂三朝同用焉

設官分職髦俊攸俟髦俊伊何貴德尚齒唐又感事周
寧多士區區衛國猶賴君子漢之得人帝猷乃理

開我入襲闢我九重珩珮流響纓紱有容袞衣前邁列

古詩卷之二十七
樂部
辟雲從義兼東序事美西雍分階等肅異列齊恭
重列北上分庭異陛百司揚職九賓相禮齊宋舅甥魯
衛兄弟思皇謁謁群龍濟濟我有佳賓實惟愷悌

胤雅 一曲

皇太子出入奏胤雅取詩君子
萬年永錫百胤也三朝用之

自昔殷代哲王迭有降及周成惟器是守上天乃眷大
梁既受灼灼重明仰承元首體乾作貳命服斯九置保
置師居前居後前星比耀克隆萬壽

寅雅 一曲

王公出入奏寅雅取尚書周官三
公弘化寅亮天地也三朝用之

禮莫違樂具舉延藩辟朝帝所執桓蒲列齊莒垂袞毳
紛容與升有儀降有序齊簪紱忘笑語始矜嚴終醜醜

介雅 三曲

上壽酒奏介雅取詩君子萬
年介爾景福也三朝用之

百福四象初萬壽三元始拜獻惟袞職同心協卿士非
極永無窮南山何足擬

壽隨百禮洽慶與三朝
仁皇集繁祉景福互相仍申

錫永無遺穰簡必來應

百味既含馨六飲莫能
向玉壘信湛湛金卮頗搖漾敬
舉發天和祥祉流嘉貺

需雅 八曲

食舉奏需雅取易曰雲上於天需
君子以飲食宴樂也三朝用之

實體平心待和味庶羞百品多為貴或鼎或嘉宣九沸
楚桂胡鹽髦芳卉加邊列俎彫且蔚

五味九變兼六和粢芳甘旨庶且多三危之露九期作一

貞禾圖案方丈祭星羅皇舉斯樂同山河

九州上腴非一族玄芝碧樹壽華木終期采之不盈掬
用拂腥羶和九穀既甘且飫致遐福

人欲所大味為先興和盡敬咸在旃碧鱗朱尾獻嘉鮮
紅毛綠翼墜輕翹臣拜稽首萬斯年

擊鐘以俟惟大國况乃御天流至德侑食斯舉揚盛則
其禮不僭儀不忒風猷所被深且塞

膳夫奉職獻芳滋不靡不天咸以時調甘適苦別澀溜
其德不爽受福釐於焉逸豫永無期

備味斯饗惟至聖咸降人神禮為盛或風或雅流歌詠
負鼎言歸啟殷命悠悠四海同茲慶

道我六穗羅入珍洪鼎自饗匪勞薪荆包海物必來陳
滑甘滫瀡味和神以斯至德被無垠

雍雅 三曲

徹饌奏雍雅取禮記大饗
客出以雍徹也三朝用之

言類卷三十一
樂備舉天德莫違人謀是與敬行禮達茲焉讌語
明明在上其儀有序終事靡訐收劔撤俎乃升乃降和
我餽惟阜我有孔庶嘉味既克食旨斯飫屬厭無爽冲
和在御擊壤齊歡懷生等豫蒸庶乃粒實由仁恕
百司警列皇在在陞既飫且醕卒食成禮其容穆穆其
儀濟濟凡百庶僚莫不愷悌奄有萬國抑由天啟

古詩類苑卷之三十七

古詩類苑卷之三十八

雲間張之象玄超纂輯

俞顯卿子如

補訂

張所敬長輿

俞顯謨子昭

校正

徐光啟子先

王 頴玄弢

參閱

陳 甲伯子

樂部

梁燕射歌辭

國家圖書館 NATIONAL CENTRAL LIBRARY, TAIWAN, R.O.C.

梁三朝雅樂歌六首

蕭子雲

隋書樂志曰普通中薦疏之後改諸雅歌敕蕭子雲製辭既無牲牢遂省條雅牲雅云南史曰梁初郊廟木革牲牲樂辭皆沈約撰至是承用子雲敕宜改之敕答曰此是主者守株宜志改也仍使子雲撰定敕曰郊廟歌辭應須典誥大語不得雜用子史文章淺言而沈約所撰亦多舛謬子雲作成敕並施用。按梁雅樂歌十三首樂府分郊廟燕射二處載之此六首三朝所用郊廟尚闕四首樂府失載

俊雅 三曲

惟王建國辨方正位於赫有梁向明而治知人則哲聰明文思思皇多士俊乂咸事弗惟其官惟人乃備訓迪庶工位以德序恭已而治垂旒當宁或以言揚或

以事舉春朝秋覲圭幣惟旅翼翼鄧郇峩峩齊楚客入金奏賓至縣興威儀有則是降是升百辟卿士元首是承左右秩秩終敬且矜彝倫攸序王猷以凝

胤雅

天下為家大梁受命眷永一德惟烈無競儀刑哲王元良誕慶灼灼明兩作離承聖英華外發溫文成性立師立保左右惟政休有烈光前星比盛

寅雅

車同執行同倫來萬國相九賓延群后朝蓋臣禮時行樂日新攸夷則奏雅寅衮衣曜玉帛陳儀抑抑皇恂恂

介雅 三曲

明君創洪業大同登頌聲開元洽百禮來儀奏九成申
錫南山祚赫赫復明明

三朝禮樂和百福隨春酒玉樽湛而獻聰明作元后安
樂享延年無疆臣拜手

四氣新元旦萬壽初今朝趨拜齊袞玉鍾石變簫韶日
升等皇運洪基邈日遙

需雅 八曲

農用八政食爲元播時百穀民所天禘嘗郊社盡潔虔
讌饗饋食禮節宣九功惟序登頌絃

感物而動物靡遂大羹不和有遺味非極口腹而行氣
節之民心殺攸貴寧爲禮本饗與饋

始諸飲食物之初設卦觀象受以需蒸民乃粒有牲芻
自衛反魯刪詩書弋不射宿殺已祛

在昔哲王觀民志庶羞百品因時備爲善不同同歸治
蔬膳非食化始至率物以躬行尊位

雅有洞酌風采蘋蒹藻之菜非八珍澗溪沼沚貴先民
明信之德感人神譬諸禴祭在西隣

行葦之微猶勿踐寧惟血氣無身剪聖人之心微而顯
千里之應出言善况遂豚魚革前典

春酸夏苦冬有宜筐宮錡釜備糗馳逡巡揖讓詔司儀
早高制節明等差君臣之序正在斯

日月光華風四塞規饗有序儀不忒匪天私梁乃佑德
光被四表自南北長世綴旒爲下國

雍雅 三曲

穆穆天子時惟聖敬濟濟群公恭爲德柄爲撤有典膳
夫是命禮行禘嘗義光朝聘神饗其德民洽其慶
尚有和美旣戒且平亦有其酸亦惟克明其餽惟旅其
醕惟成百禮斯洽三宥已行明哉元首適駁其聲
戒食有章卒食惟序庭鳴金奏凱收邊篚客出以雍撤

以振羽籥磬乃作和鐘備舉濟濟威儀嚶嚶翼翼

北齊燕射歌辭

北齊元會大饗歌 二十一首

隋書卷之六十一 齊元會大饗協律不得
其聲色調不備於上今列其歌辭云

肆夏

廣人門
四節奏

昊蒼眷命興王統天業高帝始道邈皇先禮成化穆樂
合風宣賓朝荒夏對揚穹玄

皇夏

皇帝
出閣

夏正肇旦周物充庭具僚在位俛伏無聲大君穆穆宸
儀動睟日煦天迴萬靈胥萃

皇夏 皇帝常服
辭臣奏

天子南面乾覆離明三千咸列萬國填并猶從禹會如
次湯庭奉茲一德上下和平

皇夏 皇帝入宁變服
黃鐘太簇二廟奏

我應天曆四海爲家協同內外混一戎華鶴蓋龍馬風
乘雲車夏章夾服其會如麻九賓有儀八音有節肅肅
於位飲和在列四序氤氳三光昭晰君哉大矣軒唐比
轍

皇夏 帝出升御座
姑洗廟奏

皇運應籙廓定區寓受終以文構業以武堯昔命舜舜

亦命禹大人馭歷重規沓輝欽明在上昭納入寅從靈
體極誕聖窮神化生群品國育烝人展禮肆樂協此元
春

肆夏 正宮
興聖

萬方咸暨三揖以申垂旒馮玉五瑞交陳拜稽有章升
降有節聖皇負扈虞唐比烈

上壽曲 上壽黃
鐘雅奏

仰三光奏萬壽人皇御六氣天地同長久

登歌三曲 皇太子入至坐位
西至御殿上奏

大齊統曆道化光明馬圖呈寶龜籙告靈百蠻非衆八

荒非逸同作堯人俱包禹迹

天覆地載成以四時惟皇是則比大於茲羣星拱極衆
川赴海萬寓駿奔一朝咸在

齊之以禮相趨帝庭應規蹈矩玉色金聲動之以樂和
風四布龍申鳳舞鸞歌麟步

北齊食舉樂十曲

食至御
前奏

三端正啟萬方觀禮具物充庭二儀合體百華照曉千
明洞晨或華或裔奉贄惟新悠悠亘六合圓首莫不臣
仰施如雨晞和猶春風化表笙鏞歌謳被琴瑟誰言文
軌異今朝混爲一

彤庭爛景丹陛流光懷黃綰白鷓鷯成行文贊百揆武
鎮四方折衝鼓雷電獻替協陰陽大矣哉道邁上皇陋
五帝狹三皇窮禮物該樂章序冠帶垂衣裳

天壤和國家穆悠悠萬類咸孕育莫冥化侔大造靈效
珎神歸寶興雲氣飛龍蒼鱗一角鳳五光朱雀降黃玉
表九尾馴三足優化之定至矣哉瑞感德四方來

囹圄空水火菽粟求賢振滯棄珠玉衣不靡宮以卑當
陽端嘿垂拱無爲云云萬有其樂不訾

嗟此舉時逢至道肖形成自持賦命無傷天行氣進皇
輿遊龍服帝皐聖主寧區宇乾坤永相保

牧野征鳴條戰大齊家萬國拱揖應終禪奧主廓清都
大君臨赤縣高居深視當辰正殿旦暮之期今一見
兩儀分牧以君陶有象化無垠大齊德邈誰群超鳳火
冠龍雲露以潔風以薰榮光至氣氤氳
神化遠人靈協寒暑調風雨燮披泥檢受圖謀圖謀啟
期運昌分四序綴三光延寶祚眇無疆
惟皇道升平日河水清海不溢雲干呂風入律驅黔首
入仁壽與天高並地厚
刑以厝頌聲揚皇情邈眷汾襄岱山高配林壯亭亭聳
云云望旆歲鞋駕駸駸刊金闕奠玉龜

皇夏

皇帝入
壇被奏

禮終三爵樂奏九成允也天子穹壤和平載色載笑反
寢晏息一人有祉百神奉職

北周燕射歌辭

周五聲調曲二十四首

序曰元正饗會大禮賓至食舉稱觴薦玉六律既從
八風斯暢以歌大業以舞成功

宮調曲五首

氣離清濁割元開天地分三才初辨正六位始成文繼
天爰立長安民乃樹君其明廣如日其澤厚如雲惟昔

我文祖撥亂拒謳歌三分未撫運八百不陵河禮敷天
下信樂正神人和風塵行息警江海欲無波

我皇承下武革命在君臨應圖當舜玉嗣德受堯琴沈
首多推運陽城有讓心就日先知遠觀淵早見深玄精
實委御蒼正乃皆平履端朝萬國年祥慶百靈玉帛咸
觀禮華戎各在庭鳳響中夷則天文正玉衡皇基自天
保萬物乃由庚

握衡平地紀觀象正天樞祺祥鍾赤縣靈瑞炳皇都更
受昭華玉還披蘭葉圖金波來白兔弱木下蒼烏玉斗
調三協金沙富國租青丘還擾圖丹穴更巢梧安樂新

成慶長生百福符

明明九族序穆穆四門賓陰陵朝北附蟠木引東臣澗
途求板築溪源取釣綸多士歸賢戚維城屬茂親貴位
連南斗高榮據北辰迎時乃推策司職且班神日月之
所照霜露之所均永從文軌一長無外戶人

鬱盤舒棟宇崢嶸侔大壯拱木詔林衡全模徵梓匠千
櫨綺翼浮百拱長虹抗北去邯鄲道南來偃師望龍首
載文輓雲楣承武帳居者非求隘卑宮豈難尚壯麗天
下觀是以從蕭相

變宮調

二首

帝遊光出震君明擅在離巖廊惟眷顧欽若尚無爲龍
穴非難附鸞巢欲可窺具茨應不遠汾陽寧足隨烝民
播植重溝洫劬勞多桑林還注雨積石遂開河明徵逢
永命平秩值年和更有薰風曲方聞晨露歌

移風廣軒曆崇德盛唐年成文興大雅出豫動鈞天黃
鍾六律正閭闔八風宣孤竹調陽管空桑節雅絃舞林
鸞更下歌山鳳欲前聞音能辨俗聽曲乃思賢感物觀
治亂心恒防未然君子得其道太平何有焉

商調曲 四首

君以宮唱寬大而謨明臣以商應聞義則可行有熊爲

政訪道于容成殷湯受命委任于阿衡忠其敬事有罪
不逃刑誦其箴諫言之無隱情有剛有斷四方可以寧
既頌既雅天下乃升平專精一致金石爲之開動其兩
心妻子恩情乖苟利社稷無有不盡懷昊天降祐元首
唯康哉

百川俱會大海所以深群材既聚故能成鄧林猛虎在
山百獸莫敢侵忠臣處國天下無異心昔我文祖執心
且危慮驅剪豺狼經營此天步今我受命又無敢逸豫
惟爾弼諧各可知兢懼

禮樂既正神人所以和玉帛有序志欲靜干戈各分符

瑞俱擔裂山河今日相樂對酒且當歌道德以喻聽撞
鐘之聲神姦不若觀鑄鼎之形鄠宮既朝諸侯于是穆
岐陽或狩淮夷自此平若涉大川言憑于舟楫如和鼎
實有寄于鹽梅君臣一體可以靜氛埃得人則治何世
無奇才

風力是舉而台階序平重黎既登而天地位成功無與
讓銘太常之旌世不失職受駢毛之盟輯瑞班瑞穆穆
于堯門惟翰惟屏臚臚于周原功成而治定禮樂斯存
復子而明辟姬旦何言

角調曲 二首

止戈見于絕轡之野稱伐聞于丹水之征信義俱存乃
先忌食五材並用誰能去兵雖聖人之大寶曰位實天
地之大德曰生涇渭同流清濁異能琴瑟並御雅鄭殊
聲擾擾烝人聲教不一茫茫禹跡車軌未并志在四海
而尚恭儉心包宇宙而無驕盈言而無文行之不遠義
而無立勤則無成惻隱其心訓以慈惠流宥其過哀矜
典刑

匡贊之士或從漁釣雲雨之才乍歎幽谷尋芳者追深
徑之蘭識韻者探一作窮山之竹克明其德貢以三事
樹之風聲言十九牧協用五紀風若從事農用八政甘

古詩卷之二十一
樂府
十一
作其穀殊風共軌見之周南異畝同穎聞之康叔祁寒
暑雨是無胥怨天覆雲油滋焉滲漉幸無謝上古之淳
人庶可以封之于比屋

徵調曲 六首

乾坤以含養覆載日月以貞明照臨達人以四海爲務
明君以百姓爲心水波瀾者源必遠樹扶疎者根必深
雲雨取施無不洽廊廟求才多所任
淳風布政常無欲至道防人能變俗求仁義急于水火
用禮讓多于菽粟屈軼無佞人可指獬豸無繁刑可觸
王道蕩蕩用無爲天下四人誰不足

聖人千年始一生黃河千年始一清攝提以之而從
玉燭于是而文明東南可以補地闕西北可以正天傾
浮龜則東海可厲運鐘則南山可平衆仙就朝于瑤水
群帝受享于明庭懷和則棘任並奏功烈則鍾鼎銘
三光以記物成形四時以裁成正位雷風大山岳之響
寒暑通陰陽之氣武功則六合攸同文教則二儀經緯
有道則咸浴其德好生則各繁其類白日經天中則移
明月橫漢滿而虧能虧能缺既無爲雖盈雖滿則不危
開信義以爲苑囿立道德以爲城池周監二代所損益
郁郁乎文其可知庖犧之親臨佃漁神農之躬秉耕稼

湯則救旱而憂勤禹則正冠而無暇草上之風無不偃
君子之眦知可化將欲比德于三皇未始追踪于五霸
纖纖不絕林薄成涓涓不止江河生事之毫髮無謂輕
慮遠防微乃不傾雲官乃垂拱大君鳳曆唯欽明元首
類上帝而禋六宗望山川而朝群后地鏡則山澤俱開
河圖則魚龍合負我之天網莫不該闡闔九關天門開
卿相則風雲玄感匡贊則星辰下來既興周室之三聖
乃舉唐朝之入才莘臣叅謀于左相大老教政于中台
其宜作則于明哲故無崇信于姦回
正陽和氣萬類繁君王道合天地尊黎人耕植于義圖

君子翱翔于禮園落其實者思其樹飲其流者懷其源
咎繇爲謀不仁遠士會爲政群盜奔克寬則昆蟲內向
彰信則殊俗宅心浮橋有月支抱馬上苑有烏孫學琴
赤玉則南海輸賁白環則西山獻琛無勞鑿空于大夏
不待蹶角于蹠林

羽調曲 五首

樹君所以牧人立法所以靜亂首惡旣其南巢元凶于
是北竄居休氣而四塞在光華而兩旦是以雨施作解
是以風行唯渙周之文武洪基光宅天下文思千載克
聖咸熙七百在我應期實昊天有成命惟四方其訓

言類考卷三十一 樂部
運平後親之俗時亂先陳之雄踰桂林而驅象濟弱水
而承鴻既浮于呂之氣還吹入律之風錢則都內貫朽
倉則常平粟紅火中乃寒乃暑年和一風一雨聽鍾磬
念封疆開筮竿思蓄聚瑤琨篠蕩既從恠石鉛松卽序
長樂善馬成廐水衡黃金爲府
百川乃宗巨海衆星是仰北辰九州攸同禹跡四海合
德堯臣朝陽棲于鳴鳳靈時牧于般麟雲玉葉而五色
月金波而兩輪涼風迎時北狩小暑戒節南巡山無藏
于紫玉地不受于黃銀雖南征而北怨實西畧而東賓
既永清于四海終有慶于一人

定律零陵玉管調鍾始平銅尺龍門之下孤桐泗水之
濱鳴石河靈于是讓珪山精所以奉璧滌九川而賦稅
棊三危而納錫北里之禾六穗江淮之菰三脊可以玉
檢封禪可以金繩探冊終永保于鴻名足揚光于載
太上之有立德其次之謂立言樹善滋于務本除惡窮
于塞源冲深其智則厚昭明其道乃尊仁義之財不匱
忠信之理無繁動天無有不屆唯時無幽不徹作德心
逸日休作僞心勞日拙自非剛克掩義無所離于勦絕

隋燕射歌辭

元會大饗歌十一首

皇夏

皇帝出入殿庭奏
郊社廟社並同

深哉皇度粹矣天儀司陞整蹕式道先馳八屯霧擁七
萃雲披退揚進揖步矩行規句陳乍轉華蓋徐移羽旗
照耀珪組陸離居高念下處安思危照臨有度紀律無
虧

肆夏

天子
出入

惟熙帝載式固王猷體乾建本是曰孟侯馳道美漢寢
門稱周德心旣廣道業惟優傳保斯導賢才與遊瑜玉
發饗晝輪停輶皇基方峻七鬯恒休

食舉歌

八曲

燔黍設教禮之始五味相資火爲紀平心和德在甘旨
牢羞旣陳鍾石俟以斯而御揚盛軌

養身必敬禮食昭時和歲阜庶物饒鹽梅旣濟鼎鉉調
特以膚腊加臠臠威儀濟濟懋皇朝

饗人進羞樂侑作用潛之贈雲飛臠甘酸有宜芬勺藥
金敦玉豆盛交錯御鼓旣聲安以樂

玉食惟后膳必珍芳菰旣潔重秬新是能安體又調神
荆包畢至海貢陳用之有節德無垠

嘉羞入饋猶化謐沃土名滋帝臺寶陽華之菜雕凌粟
鼎俎芬芳豆籩溢通幽致遠車書一

道高物備食多方山膚既善水豢良桓蒲在位箕業張
加邊折俎爛成行恩風下濟道化光

禮以安國仁為政具物必陳饗宰盛且果斤斧順時令
懷生熙熙皆得性於茲宴喜流嘉慶

皇道四達禮樂成臨朝日舉表時平甘芳既飫醕以清
揚休玉卮正性情隆我帝載永明明

上壽歌

俗已又時又良朝玉帛會衣裳基同北辰久壽共南山
長黎元鼓腹樂未央

宴群臣登歌

皇明馭曆仁深海縣載擇良辰式陳高宴顛顛卿士昂
昂侯甸車旗煜燭衣纓蔥舊樂正展懸司宮飾殿三楫
稱禮九賓為傳圓鼎臨碑方壺在面鹿鳴成曲嘉魚入
薦筐篚相輝獻酬交徧飲和飽德恩風長扇

皇后房內歌

隋書樂志曰高祖龍潛時頗好音樂嘗倚琵琶作歌二章名曰地厚天高託言夫婦之儀
半弘脩皇后房內之樂因取之為房內曲命婦人并登歌上壽並用之

至順垂典正內弘風母儀萬國訓範六宮求賢啟化進
善宣功家邦載序道業斯融

大射登歌

道鑑金科照時又玉條明優賢饗禮洽選德射儀成鑿
旗鬱雲動寶軼儼天行巾車整三乏司裘飾五正鳴球
饗高殿華鍾震廣庭烏號傳昔美淇衛著前名揖讓皆
時傑升降盡朝英附棧觀體定杯水觀心平豐觚既來
去燔炙復縱橫欣看禮樂盛喜遇黃河清

古詩類苑卷之三十一

古詩類苑卷之三十九

雲間張之象玄超纂輯

俞顯卿子如補訂

張所敬長興

王國材伯達校正

俞顯謨子昭

王 頴玄弢叅閱

陳 甲伯子

樂部

漢鼓吹曲辭

漢鏡歌十八曲

崔豹古今註曰短簫鏡歌軍樂也黃帝使岐伯作所以建武揚威德風勸戰士也周禮所謂王大捷則令凱樂漢樂有黃門鼓吹天子所以宴樂羣臣也短簫鏡歌鼓吹之一章爾亦以賜有功諸侯古今樂錄曰漢鼓吹鏡歌十八曲字多訛誤又有務成玄雲黃爵鈞竿亦漢曲也其辭亡或云漢鏡歌二十一無鈞竿柳離亦曰翁離宋書樂志曰漢鼓吹鏡歌十八篇按古今樂錄皆聲辭絕相雜不復可分沈約云樂人以首聲相傳訓詁不可復解凡古樂錄皆大字是辭細字是聲聲辭合寫故致然耳

朱鷺

隋書樂志曰建鼓殿所作又棲翔鷺於其上不知何代所加然則漢曲蓋因飾鼓以鷺而名曲焉○譚苑醍醐云漢初有朱鷺之瑞故以鷺形飾鼓又以朱鷺名鼓吹曲也

朱鷺魚以烏路訾邪鷺何食食茄下不之食不以吐將

以問誅

一作者烏古與雅同叶音雅茄古荷字

思悲翁

思悲翁唐思奪我美人侵以遇悲翁也但我思蓬首

一作狗逐狡兔食交君梟子五梟母六拉沓高飛暮安宿

艾如張

艾與刈同艾草也如讀爲而穀梁傳曰艾蘭以爲防置旃以爲轅門謂因蒐狩以習武事也蘭香草也言艾草以爲田之大防是也

艾而張羅夷於何行成之四時和山出黃雀亦有羅雀

以高飛柰雀何爲此倚欲誰肯礫室

上之回

漢書武帝紀曰元封四年冬十月行幸雍祠五時通回中道遂北出蕭關回中地在安定沈建樂府廣題曰漢曲皆美當時之事按石關宮闕名近甘泉宮相如上林賦云虜石關歷封巒是也

上之回所中益夏將至行將北以承甘泉宮寒暑德游石關望諸國月支臣匈奴服令從百官疾驅馳千秋萬歲樂無極

翁離

一作擁離

擁離趾中可築室何用葺之蕙用蘭擁離趾中

戰城南

戰城南死郭北野死不葬烏可食爲我謂烏且爲客豪野死諒不葬腐肉安能去子逃水深激激蒲葦冥冥梟騎戰鬪死驚馬徘徊鳴梁築室何以南何以北禾黍不獲君何食願爲忠臣安可得思子良臣良臣誠可思朝行出攻暮不夜歸

巫山高

巫山高高以大淮水深難以逝我欲東歸害梁不爲我集無高曳水何梁湯湯回回臨水遠望泣下沾衣遠道之人心思歸謂之何

上陵

古今樂錄曰漢章帝元和中有宗廟食舉六曲加重來上陵二曲為上陵食舉後漢書禮儀志曰正月上丁祀南郊次北郊明堂高廟世祖廟謂之五供禮畢以次上陵西都舊有上陵東都之儀太官上食太常樂奏食舉按古辭大畧言神仙事不知與食舉曲同否

上陵何美美下津風以寒問客從何來言從水中央桂樹為君船青絲為君竿木蘭為君權黃金錯其間滄海之雀赤翅鴻白鴈隨山林乍開乍合曾不知日月明醴泉之水光澤何蔚蔚芝為車龍為馬覽遨遊四海外甘露初二年芝生銅池中仙人下來飲延壽千萬歲

將進酒

將進酒乘太白辨佳宋書哉詩審搏樂府詩集作博放故歌心所作同陰氣詩悉索使禹良工觀者苦

君馬黃

君馬黃臣馬蒼二馬同逐臣馬良易之有騮歸愧蔡有楮美人歸以南駕車馳馬美人傷我心佳人歸以北駕車馳馬佳人安終極

芳樹

芳樹日月君亂如於風芳樹不上無心温而鵲三而為行臨蘭池心中懷我悵心不可匡目不可顧妬人之子

古詩類考卷三十九 雉子班
愁殺人君有他心樂不可禁王將何似如孫如魚乎悲矣

有所思

按古今樂錄曰漢大樂食舉第七曲亦用之不知與此同否

有所思乃在大海南何用問遺君雙珠玳瑁簪用玉紹
繚之聞君有他心拉雜摧燒之摧燒之當風揚其灰從
今已往勿復相思相思與君絕雞鳴狗吠兄嫂當知之
妃呼豨秋風蕭蕭晨風颺東方須臾高知之

雉子班

雉子班如此之干雉梁無以吾翁孺雉子知得雉子高

蜚止黃鵠蜚之以千里王可思雄來蜚從雌視子趨一
雉雉子車大駕馬騰被王送行所中堯羊蜚從王孫行

聖人出

聖人出陰陽和美人出遊九河佳人來駢離哉何駕六
飛龍四時和君之臣明護不道美人哉宜天子免甘星
巫樂甫始美人子含四海

上邪一作雅

上邪我欲與君相知長命無絕衰山無陵江水爲竭冬
雷震震夏雨雪天地合乃敢與君絕

臨高臺

臨高臺以軒下有清水清且寒江有香草日以蘭黃鵠

高飛離哉翻關弓射鵠令我主壽萬年收中吾

劉履曰中吾二字其義未詳疑曲調之餘聲如樂錄所謂羊無夷伊那何之類

遠如期

一曰遠期宋書樂志有晚芝曲沈約言舊史云詁不可解疑是漢遠期曲也古今樂錄曰漢太樂食舉曲有遠期至魏省之

遠如期益如壽處天左側大樂萬歲與天無極雅樂陳
佳哉紛單于自歸動如驚心虞心大佳萬人還來謁者
引鄉殿陳累世未嘗聞之增壽萬年亦誠哉

石流

宋書作留

石流涼陽涼石水流為沙錫以微河為香向始谿
宋書作谿
冷將風陽北逝肯無敢與于揚心邪懷蘭志金安薄北
方開留離蘭

魏鼓吹曲十二首

繆襲

楚之平

晉書樂志曰改漢朱鷺為楚之平言魏也古今樂錄曰初之平

楚之平義兵征神武奮金鼓鳴邁武德揚洪名漢室微
社稷傾皇道失桓與靈閣宦熾羣雉爭邊韓起亂金城
中國擾無紀經赫武皇起旗旌麾天下天下平濟九州
九州寧創武功武功成越五帝邈三王興禮樂定紀綱

普日月齊輝光

戰滎陽

改漢思悲翁為戰
滎陽言曹公也

戰滎陽汴水陂戎士憤怒貫甲馳陣未成退徐榮二萬
騎塹壘平戎馬傷六軍驚勢不集衆幾傾白日沒時晦
冥顧中牟心屏營同盟疑計無成賴我武皇萬國寧

獲呂布

改漢人如渠為獲呂布言曹
公東圍臨淮生擒呂布也

獲呂布戮陳宮芟夷鯨鯢驅騁羣雄囊括天下運掌中
克官渡

改漢上之回為克官渡言曹
公與袁紹戰破之於官渡也

克紹官渡由白馬僵屍流血被原野賊衆如犬羊王師
尚寡沙埽傍風飛揚轉戰不利士卒傷今日不勝後何
望土山地道不可當卒勝大捷震冀方屠城破邑神武
遂章

舊邦

改漢翁離為舊邦言曹公勝袁紹
於官渡還譙收葬死士卒也

舊邦蕭條心傷悲孤魂翩翩當何依遊士戀故涕如摧
兵起事大令願違傳求親戚在者誰立廟置後魂來歸

定武功

改漢戰城南爲定武功言曹公初破鄴城武功之定始于此也

定武功濟黃河河水湯湯旦暮有橫流波袁氏欲衰兄弟尋干戈決漳水水流滂沱嗟城中如流魚誰能復顧室家計窮慮盡求來連和和不時心中憂戚賊衆內潰君臣奔北拔鄴城奄有魏國王業艱難覽觀古今可爲長嘆

屠柳城

改漢巫山高爲屠柳城言曹公越北塞歷白檀破三郡烏桓於柳城也

屠柳城功誠難越度隴塞路漫漫北踰岡平但聞悲風正酸腸頓授首遂登白狼山神武懋海外永無北顧患

平南荆

改漢上陵爲平南荆言曹公南平荆州也

南荆何遼遼江漢濁不清菁茅久不貢王師赫南征劉琮據襄陽賊備屯樊城六軍廬新野金鼓震天庭劉子面縛至武皇許其成許與其成撫其民陶陶江漢間普爲大魏臣大魏臣向風思自新思自新齊功古人在昔虞與唐大魏得與均多選忠義士爲喉脣天下一定萬世無風塵

平關中

改漢將進酒爲平關中言曹公征馬超定關中也

古詩類考卷三十九 雜詩
平關中路向潼濟濁水立高墉闢韓馬離羣凶選驍騎
縱兩翼虜崩潰級萬億

應帝期

改漢有所思為應帝期言文帝以聖德受命應運期也

應帝期於昭我文皇歷數承天序龍飛自許昌聰明昭
四表恩德動遐方星辰為垂耀日月為重光河洛吐符
瑞草木挺嘉祥麒麟步郊野黃龍游津梁白虎依山林
鳳凰鳴高岡考圖定篇籍功配上古義皇義皇無遺文
仁聖相因循期運三千歲一生聖明君堯授舜萬國萬
國皆附親四門為穆穆教化常如神大魏興聖與之為

隣

邕熙

改漢芳樹為邕熙言魏氏臨其國君臣邕穆庶績咸熙也

邕熙君臣念德天下治登帝道獲瑞寶頌聲並作洋洋
浩浩吉日臨高堂置酒列名倡歌聲一何紆餘雜笙簧
八音諧有紀綱子孫永建萬國壽考樂無央

太和

改漢上邪為太和言明帝繼體承統太和改元德澤流布也

惟太和元年皇帝踐祚聖且仁德澤為流布災蝗一時
為絕息上天時雨露五穀滋宋書作溢田疇四民相率遵軌

度事務激清天下獄訟察以情元首明魏家如此那得
不太平

吳鼓吹曲十二曲

韋昭

炎精缺

古今樂錄曰炎精缺者言漢室衰孫堅奮
迅猛志念在匡救王迹始乎此也當漢朱
鷺

炎精缺漢道微皇綱弛德政違衆姦熾民惘依赫武烈
越龍飛陟天衢耀靈威鳴雷鼓抗電麾撫乾衡鎮地機
厲虎旅騁熊羆發神聽吐英奇張角破邊韓羈宛潁平
南土綏神武章渥澤施金聲震仁風馳顯高門啓皇基

統罔極垂將來

漢之季

漢之季者言孫堅悼漢之微痛董卓之
亂興兵奮擊功蓋海內也當漢思悲翁

漢之季董卓亂桓桓武烈應時運義兵興雲旗建厲六
師羅八陣飛鳴鏑接白刃輕騎發介士奮醜虜震使衆
散劫漢主遷西館雄豪怒元惡僨赫赫皇祖功名聞

攄武師

攄武師者言孫權卒父之
業而征伐也當漢艾如張

攄武師斬當祖攘一作夷凶族革平西夏炎炎大烈震
天下

伐烏林

伐烏林者言魏武既破荆州順流東下欲來爭鋒孫權命將周瑜逆擊之於烏林而破走也當漢上之回

曹操北伐拔柳城乘勝席卷遂南征劉氏不睦八郡震驚眾既降操屠荆舟車十萬揚風聲議者狐疑慮無成賴我大皇發聖明虎臣雄烈周與程破操烏林顯章功名

秋風

秋風者言孫權悅以使民民忘其死也當漢擁離

秋風揚沙塵寒露沾衣裳角弓持弦急鳩鳥化為鷹邊

垂飛羽檄寇賊侵界疆跨馬披介胄慷慨懷悲傷辭親向長路安知存與亡窮達固有分志士思立功思立功邀之戰場身逸獲高賞身沒有遺封

克皖城

克皖城者言魏武志圖并兼而今朱光為廬江太守孫權親征光破之於皖城也當漢戰城南

克滅皖城遏寇賊惡此凶孽阻姦慝王師赫征眾傾覆除穢去暴戢兵革民得就農邊境息誅君弔民昭至德

關背德

關背德者言蜀將關羽背棄吳德心懷不軌孫權引師浮江而擒之也當漢巫山高

關背德作鴟張割我邑城圖不祥稱兵北伐圍樊襄陽
嗟臂大於股將受其殃巍巍夫聖主睿德與玄通與玄
通親任呂蒙泛舟洪汜池湖涉長江神武一何桓桓聲
烈正與風翔歷撫江安城大據郢邦虜羽授首百蠻咸
來同感哉三比隆

通荆門

通荆門者言孫權與蜀交好齊盟中有關羽自朱之譽或蠻樂亂生變作患蜀疑其眩吳惡其詐乃大治兵終復初好也當漢上陵

荆門限巫山高峻與雲連蠻夷阻其險歷世懷不賓漢
王據蜀郡崇好結和親乖微中情疑讒夫亂其間大皇

赫斯怒虎臣勇氣震蕩滌幽藪討不恭觀兵揚炎耀厲
鋒整封疆整封疆闡揚威武容功赫戲洪烈炳章邈矣
帝皇世聖吳同厥風荒裔望清化化恢弘煌煌大吳延
祚永未央

章洪德

章洪德者言孫權章其大德而遠方來附也當漢將進酒

章洪德邁威神感殊風懷遠隣平南裔齊海濱越裳貢
扶南臣珍貨充庭所見日新

從歷數

從歷數者言孫權從圖錄之符而建大號也當漢有所思

從歷數於穆我皇帝聖哲受之天神明表奇異建號創
皇基臨睿協神思德澤浸及昆蟲浩蕩越前代三光顯
精耀陰陽稱至治肉角步郊畛鳳凰棲靈囿神龜游沼
池圖讖摹文字黃龍覲麟符祥日月記覽徃以察今我
皇多噲事上欽昊天象下副萬姓意光被彌蒼生家戶
蒙惠賚風教肅以平頌聲章嘉喜大吳興隆綽有餘裕

承天命

承天命者言上以聖德踐
位道化至盛也當漢步樹

承天命於昭聖德三精垂象符靈表德巨石立九穗植
龍金其鱗鳥赤其色輿人歌億夫嘆息超龍升襲帝服

窮淳懿體玄嘿夙興臨朝勞謙日昃易簡以崇仁放遠
譏與慝舉賢才親近有德均田疇茂稼穡審法令定品
式考功能明黜陟人思自盡唯心與力家國治王道直
思我帝皇壽萬億長保天祿祚無極

玄化

玄化者言上修文訓武則天而行
仁澤流洽天下喜樂也當漢上邪

玄化象以天陛下聖真張皇綱率道以安民惠澤宣流
而雲布上下睦親君臣酣宴樂激發弦歌揚妙新脩文
籌廟勝須時備駕巡洛津康哉泰四海歡欣越與三五
鄰

晉鼓吹曲辭

晉鼓吹曲二十二首

傅玄

晉書樂志曰武帝令傅玄製鼓吹曲二十二篇以代魏世

靈之祥

古朱鷲行古今樂錄曰靈之祥言宣皇帝之佐魏猶虞舜之事堯也既有石瑞之徵又龍鳳武王諸靈受之迎命也

靈之祥石瑞章旌金德出西方天降命授宣皇應期運
時龍驤繼大舜佐陶唐讚武文建帝綱孟氏叛據南疆
追有扈亂五常吳寇勁蜀虜疆交誓盟連遐荒宣赫怒
奮鷹揚震乾威曜電光陵九天陷石城梟逆命拯有生

萬國安四海寧

宣受命

古思悲發行古今樂錄曰宣受命言宣皇帝禦諸葛亮重運神兵甚震怖而死

宣受命應天機風雲時動神龍飛禦諸葛鎮雍梁邊境
安夷夏康務節事動定傾攬英雄保持盈淵穆穆赫明
明沖而泰天之經養威重運神兵亮乃震斃天下
晉書有安寧

征遼東

古艾而張行古今樂錄曰征遼東言宣帝曠大海之表討滅公孫淵而梟其首也

征遼東敵失據威靈邁日域公孫既授首羣逆破膽咸

震怖朔北響應海表景附武功赫赫德雲布

宣輔政

古上之回行古今樂錄曰言宣帝聖道深遠撥亂反正網羅文武之才以定二儀之序也

宣皇輔政聖烈深撥亂反正從天心網羅文武才慎厥

一作帝基

所生所生賢遺教施安上治民化風移肇創一作洪業垂於樂明明時赫戲功濟萬世定二儀雲

時運多難

古擁離行古今樂錄曰時運多難言宣帝致討吳方有征無戰也

時運多難道教痛天地變化有盈虛蠢爾吳蠻虎視江

湖我皇赫斯致天誅有征無戰弭其圖天威橫被廓東

隅

景龍飛

古戰城南行古今樂錄曰景龍飛言景帝克明威教賞從夷逆祚隆無疆崇此洪基也

景龍飛御天威聰鑒玄察動與神明協機從之者顯逆
之者滅夷文教敷武功魏普被四海萬邦望風莫不來
綏聖德潛斷先天弗違弗違祥享世永長猛以致寬道
化光赫明明祚隆無疆帝績惟期有命既集崇此洪基

平玉衡

古巫山高行古今樂錄曰平玉衡言景帝一萬國之殊風齊四海之垂心禮賢養士而纂洪業也

平玉衡紆姦回萬國殊風四海垂禮賢養士羈御英雄
思心齊纂戎洪業崇皇階品物咸亨聖敬日躋聰鑒盡
下情明明綜天機

文皇統百揆

古上陵行古今樂錄曰文皇統百揆言文帝始統百揆用人有序以敷太平之化也

文皇統百揆繼天理萬方武將鎮四隅英佐盈朝堂謀
言協秋蘭清風發其芳洪澤所漸潤礫石為珪璋大道

謀疑作

五帝盛德踰三王咸光大上參天與地至化無

內外無內外六合並康乂並康乂邁茲嘉會在昔羲與
農大晉德斯邁鎮征及諸州為蕃衛玄功濟四海洪烈
流萬世

因時運

古將進酒行古今樂錄曰因時運言文帝因時運變聖謀潛施解長蛇之交離羣桀之黨以武濟文審其大計以邁其德也

因時運聖策施長蛇交解羣桀離勢窮奔吳虎騎厲惟
武進審大計時邁其德清一世

惟庸蜀

古有所思行古今樂錄曰惟庸蜀言文帝
既平萬乘之蜀封建萬國復五等之爵也
惟庸蜀潛號天一隅劉備逆帝命禪亮承其餘擁眾數
十萬闕隙乘我虛驛騎進羽檄天下不遑居姜維屢寇
邊隴上為荒蕪文皇愍斯民歷世受罪幸外謨藩屏臣
內謀眾士夫爪牙應指授腹心獻一作同良圖良圖協成
文大一作乃興百萬軍雷鼓震地起猛勢陵浮雲逋虜畏
天誅面縛造壘門萬里同風教逆命稱妾臣光建五等
紀綱天人

天序

古芳樹行古今樂錄曰天序言聖皇應
歷受禪弘濟大化用人各盡其才也

天序歷應受禪承靈祐御羣龍勒螭虎弘濟大化英雋
作輔明明統萬機赫赫鎮四方咎繇稷契之疇協蘭芳
禮王臣覆兆民化之如天與地誰敢愛其身

大晉承運期

古上邪行古今樂錄曰大晉承運
期言聖皇應籙受圖化象神明也

大晉承運期德隆聖皇時清晏白日垂光應籙圖陟帝
位繼天正玉衡化行象神明至哉道隆虞與唐元首敷
洪化百僚股肱並忠良民太康隆隆赫赫福祚盈無疆

金靈運

古君馬黃行古今樂錄曰金靈運言聖
皇踐祚致敬宗廟而孝道行於天下也

金靈運天符發聖徵見參日月惟我皇體神聖受魏禪
應天命皇之興靈有徵登大麓御萬乘皇之輔若闕虎
爪牙奮莫之禦皇之佐讚清化百事理萬邦賀神祇應
嘉瑞章恭享禮薦先皇樂時奏磬管鏘鼓淵淵鐘鏗鏗
奠樽俎實玉觴神歆饗咸悅康宴孫子祐無疆大孝丞
丞德教被萬方

於穆我皇

古雉子行古今樂錄曰於穆我皇言聖皇受命德合神明也

於穆我皇盛德聖且明受禪君世光濟羣生普天率土
莫不來庭顒顒六合內望風仰泰清萬國雍雍興頌聲

大化洽地平而天成七政齊玉衡惟平我哉佐命濟濟
羣英夙夜乾乾萬機是經雖治興匪荒寧謙道光沖不
盈天地合德日月同榮赫赫煌煌曜幽冥三光克從於
顯天垂景星龍鳳臻甘露宵零肅神祇祇上靈萬物欣
戴自天效其成

仲春振旅

古聖人出行古今樂錄曰仲春振旅言大晉申文武之教畋獵以時也

仲春振旅大致民武教於時日新師執提工執鼓坐作
從晉書作起節有序盛矣允文允武蒐田表禡申法誓遂圍
禁獻社祭允以時明國制文武並用禮之經列車如戰

大教明古今誰能去兵大晉繼天濟羣生

夏苗田

古臨高臺行古今樂錄曰夏苗田言大晉畋狩順時為田除害也

夏苗田運將徂軍國異容文武殊乃命羣吏撰車徒辨其號名讚契書王軍啓八門行同上帝居時路建大麾雲旗翳紫虛百官象其事疾則疾徐則徐回衡旋軫罷陳獎車獻禽享祠蒸蒸配有虞惟大晉德叅兩儀化雲敷

仲秋獮田

古遠期行古今樂錄曰仲秋獮田言大晉雖有文德不廢武事順時以殺伐也

仲秋獮田金德常剛涼風清且厲凝露結為霜白藏司辰蒼隼時鷹揚鷹揚猶尚父順天以殺伐春秋時叙雷霆振威曜進退由鉦鼓致禽祀祊羽毛之用充軍府赫赫大晉德芬烈陵三五敷化以文雖治晉書作安不廢武光宅四海永享天之祐

順天道

古石留行古今樂錄曰順天道言仲冬天閱用武修文大晉之德配天也

順天道握神契三時示講武事冬大閱鳴鐃振鼓鐸旌旗象虹霓文制其中武不窮武動軍誓衆禮成而義舉三驅以崇仁進止不失其序兵卒練將如闕虎惟闕虎

氣凌青雲解圍三面殺不殄羣僊旌麾班六軍獻享蒸
修典文嘉大晉德配天祿報功爵俟賢饗燕樂受茲百
祿嘉晉書作壽萬年

唐堯

古務成行古曲亡古今樂錄曰唐堯言聖皇陟帝位德化光四表也

唐堯諮務成謙謙德所興積漸終光大履霜致堅冰神
明道自然晉書河海猶可凝舜禹統百揆元凱以次升
禪讓應天曆睿聖世相承我皇陟帝位平衡正準繩德
化飛四表祥氣見其徵粵且亡主一作恬一作
自矜致遠由近始覆篲成山陵披圖按先籍有其證靈

液

玄雲

古玄雲行古曲亡古今樂錄曰玄雲言聖皇用人各盡其才也

玄雲起丘山祥氣萬里會龍飛何蜿蜿鳳翔何翩翩昔
在唐虞朝時見青雲際今親遊萬一作方國流光溢天外
鶴鳴在後園清音隨風邁成湯隆顯命伊摯來如飛周
文獵渭濱遂載呂望歸符合如影響先天天弗違曷耕
綜時晉書綱解褐衿天維元功配二王芬馨世所稀我
皇叙羣才洪烈何巍巍桓桓征四表濟濟理萬機神化
感無方髦才盈帝畿不顯惟昧旦日新孔所咨茂哉明

聖德日月同光輝

伯益

古黃爵行古曲亡古今樂錄曰伯益言赤鳥銜書有周以典今聖皇受命神雀來也

伯益佐舜禹職掌山與川德侔十六相思心入無間

作智理周萬物下知衆鳥言黃雀應清化翔集何翩翩

和鳴棲庭樹徘徊雲日間夏桀爲無道密網施山河

川酷祝振纖網當柰黃雀何殷湯崇天德去其三面羅

逍遙羣飛來鳴聲乃復和朱雀作南宿鳳凰統羽羣赤

鳥銜書至天命瑞周文神雀今來遊爲我受命君嘉祥

致天和膏澤隆一作青雲蘭風發芳氣闔世同其芬

釣竿

古釣竿行漢鏡歌二十二曲無釣竿古今樂錄曰釣竿言聖皇德配堯舜又有古聖之功以濟天功政太平也

釣竿何冉冉甘餌芳且鮮臨川運思心微綸沉九淵太
公寶此術乃在靈祕篇機變隨物移精妙貫未然游魚
驚著釣潛龍飛戾天戾天安所至撫翼翔太清太清一
何異兩儀出渾成王衡正三辰造化賦羣形退願輔聖
君與神合其靈我君弘遠畧天人不足并天人初并時
昧昧何芒芒日月有徵兆文象興三皇蚩尤亂山民黃
帝用兵征萬方建夏禹而德衰三代不及虞與唐我皇

聖德配堯舜受禪即祚享天祥率土蒙祐靡不肅庶事
康庶事康穆穆明明荷百祿保無極永泰平

晉凱歌二首

張華

命將出征歌

重華隆帝道戎蠻或不賓徐夷與有周鬼方亦違殷今
在聖明世寇虐動四垠豹狼滌牙爪羣生號穹旻元帥
統方夏出車撫涼秦衆貞必以律臧否實在人威信加
殊類踈逃思自親單醪豈有一無一作味挾續感至仁武功
尚止戈七德美安民遠跡由斯舉永世無風塵

勞還師歌

儼狻背天德構亂擾邦畿戎車震朔野羣帥贊皇威將
士齊心旅感義忘其私積勢如鞞弩赴節如發機雷聲
動山谷金光曜素暉揮戟晉書作戈陵勁敵武步蹈橫屍鯨
鯢皆授首北土永清夷昔往冒隆暑今來白雪霏征夫
信勤瘁自古詠采薇收榮於舍爵燕喜在凱歸

古詩類苑卷之三十九

下言其姓卷三九
樂部

士齊心來風遠志其味
辭亦書其影辭國舞非



國家圖書館, NATIONAL CENTRAL LIBRARY, TAIWAN, R.O.C.

古詩類苑卷之四十

雲間張之象玄超纂輯

俞顯卿子如補訂

張所敬長輿

徐光啓子先校正

俞顯謨子昭

王 頰玄弢叅閱

陳 甲伯子

樂部

宋鼓吹曲辭



宋鼓吹鏡歌三首

無名氏

宋書樂志曰今鼓吹鏡歌四篇今唯有上邪等三篇其一一篇闕古今樂錄曰上邪曲四解晚芝曲九解漢曲有遠期疑是也艾如張三解沈約云樂人以音聲相傳訓詁不可復解凡古樂錄皆大字是辭細字是聲聲辭合寫故致然爾

上邪曲

大竭夜烏自云何來堂吾來聲烏奚姑悟姑尊盧聖子
黃尊來饉清嬰烏白日為隨來郭吾微令吾 一解
應龍夜烏由道何來直子為烏奚如悟姑尊盧雞子聽
烏虎行為來明吾微令吾 二解
詩則夜烏道祿何來黑洛道烏奚悟如尊爾尊盧起黃

華烏伯遼為國日忠兩令吾 三解

伯遼夜烏若國何求日忠兩烏奚如悟姑尊盧面道康
尊籙龍水烏赫赫福祚夜音微令吾 四解

晚芝曲

幾令吾幾令諸韓亂發正令吾 一解

幾令吾諸韓從聽心令吾若里洛何來韓微令吾 二解

尊盧忌盧文盧子路子路為路雞如文盧炯烏諸祚微

令吾 三解

幾令諸韓或公隨令吾 四解

幾令吾幾諸或言隨令吾黑洛何來諸韓微令吾 五解

尊盧安成隨來免路路子爲吾路奚如文盧炯烏諸祚
微令吾 六解

幾令吾幾諸或言隨令吾 七解

幾令吾諸或言幾若黑洛何來諸韓微令吾 八解

尊盧公泝隨來免路子路子爲路奚姑文盧炯烏諸
祚微令吾 九解

艾如張曲

幾令吾呼歷舍居執來隨咄武子邪令烏銜針相風其
右其右 一解

幾令吾呼羣議破葫執來隨吾咄武子邪令烏令烏今

臚入海相風及後 二解

幾令吾呼無公赫吾執來隨吾咄武子邪令烏無公赫
吾媯立諸布始布 三解

宋鼓吹鏡歌十五首

何承天

宋書樂志曰鼓吹鏡歌十五
篇何承天晉義熙中私造

朱路篇

朱路揚和鸞翠蓋耀金華玄牡飾樊纓流旌拂飛霞雄
戟闢曠塗班劔翼高車三軍且莫喧聽我奏鏡歌清鞞
驚短簫朗鼓節鳴笳人心惟愷豫茲音亮且和輕風起
紅塵淳瀾發微波逸韻騰天路積響結城阿仁聲被八

表威震振九遐嗟嗟介胄士勗哉念皇家

思悲公篇

思悲公懷袞衣東國何悲公西歸公西歸流二叔幼主
既悟偃禾復偃禾復聖志申營都新邑從斯民從斯民
德惟明制禮作樂興頌聲興頌聲致嘉祥鳴鳳爰集萬
國康萬國康猶弗已握髮吐餐下羣士惟我君繼伊周
親覩盛世復何求

雍離篇

雍士多離心荆民懷怨情二凶不量德構難稱其兵王
人銜朝命正辭糾不庭上宰宣九伐萬里舉長旌樓船

掩江瀆駟介飛重英歸德戒後夫賈勇尚先鳴逆徒既
不濟愚智亦相傾霜鋒未及染鄢郢忽已清西川無潛
鱗北渚有奔鯨凌威致天府一戰夷三城江漢被美化
宇宙歌太平惟我東郡民曾是深推誠

戰城南篇

戰城南衝黃塵丹旌電燧鼓雷震勅敵猛戎馬殷橫陣
亘野若屯雲仗大順應三靈義之所感士忘生長劒擊
繁弱鳴飛鏑炫晃亂奔星虎騎躍華旄旋朱火延起騰
飛煙驍雄斬高旗擐長角浮呌響清天夷羣寇殪逆徒
餘黎霑惠詠來蘇奏愷樂歸皇都班爵獻俘邦國娛

巫山高篇

巫山高三峽峻青壁千尋深谷萬仞崇巖冠靈林冥冥
山禽夜響晨猿相和鳴洪波迅洑載逝載停悽悽商旅
之客懷苦情在昔陽九皇綱微李氏竊命宣武耀靈威
蠢爾逆縱復踐亂機王旅薄伐傳首來至京師古之爲
國惟德是貴力戰而虐民鮮不顛墜矧乃叛戾伊胡能
遂咨爾巴子無放肆

上陵者篇

上陵者相追攀被服纖麗振綺紈携童幼升崇巒南望
城闕鬱盤桓王公第通衢端高甍華屋列朱軒臨濬谷

掇秋蘭士女悠奕映隰原指營丘感牛山爽鳩旣沒景
君歎嗟歲聿逝不還志氣衰沮玄鬢斑野莽宿墳土乾
顧此纍纍中心酸生必死亦何怨取樂今日展情懽

將進酒

將進酒慶三朝備繁禮薦嘉有榮枯換霜霧交緩春帶
命朋僚車等旗馬齊鑣懷溫克樂林濠士失志愠情勞
思旨酒寄遊遨敗德人甘醇醪耽長夜惑淫妖興屢舞
厲哇謹形傴傴聲號呶首旣濡志亦荒性命夭國家下
嗟後生節醢觴匪酒辜孰爲殃

君馬篇

君馬麗且閒揚鑣騰逸姿駿足躡流景高步追輕飛冉
冉六轡柔奕奕金華暉輕霄翼羽蓋長風靡淑旂願爲
范氏驅雖容步中畿豈效詭遇子馳騁趣危機鉛陵策
良駟造父爲之悲不怨吳坂峻但恨伯樂稀赦彼岐山
盜實濟韓原師奈何漢魏主縱情營所私疲民甘藜藿
廐馬患盈肥人畜智厥養蒼生將焉歸

芳樹篇

芳樹生北庭豐隆正徘徊翠穎陵冬秀紅葩迎春開佳
人閒幽室惠心婉以諧蘭房掩綺幌綠草被長階日夕
遊雲際歸禽命同棲皓月盈素景涼風拂中閨哀絃理
虛堂要妙清且淒嘯歌流激楚傷此碩人懷梁塵集丹
帷微颺揚羅袿豈怨嘉時暮徒惜良願乖

有所思篇

有所思思昔人曾閔二子善養親和顏色奉昏晨至誠
烝烝通明神鄒孟軻爲齊卿稱身受祿不貪榮道不用
獨擁楹三徒旣許禮義明飛鳥集猛獸附功成事畢乃
更娶哀我生邁凶旻幼罹荼酷備艱辛慈顏絕見無因
長懷永思託丘墳

雉子遊原澤篇

雉子遊原澤幼懷耿介心飲啄雖勤苦不願棲園林古

古詩類苑卷四十一 雜詩
有避世士抗志凌霄岑浩然寄卜肆揮棹通川陰道遙
風塵外散髮撫鳴琴卿相非所眄何況於千金功名豈
不美寵辱亦相尋冰炭結六府憂虞纏曾襟當世須大
度量已不克任三復泉流誠自驚良已深

上邪篇

上邪下難正衆枉不可矯音和響必清端影緣直表大
化揚仁風齊人猶偃草聖王既已沒誰能弘至道開春
湛柔露代終肅嚴霜承平貴孔孟政弊侯申商孝公明
賞罰六世猶克昌李斯肆濫刑秦民所以亡漢宣隆中
與魏祖寧三方譬彼針與石效疾而稱良行葦非不厚

悠悠何詎央琴瑟時未調改絃當更張矧乃治天下此
要安可忘

臨高臺篇

臨高臺望天衢飄然輕舉陵太虛攜列子超帝鄉雲衣
雨帶乘風翔肅龍駕會理臺清暉浮景溢蓬萊濟西海
濯洧盤佇立雲岳結幽蘭馳迅風遊炎州願言桑梓思
舊遊傾霄蓋靡電旌降彼天塗頽窈冥辭仙族歸人羣
懷忠抱義奉明君任窮達隨所遭何爲遠想令心勞

遠期篇

遠期千里客肅駕候良辰近命城郭友具爾惟懿親高

門啓雙闈長筵列嘉賓中唐儻六佾三廂羅樂人簫管
激悲音羽毛揚華文金石響高宇絃歌動梁塵脩標多
巧捷丸劔亦入神遷善自雅調成化由清均主人垂隆
慶羣士樂亡身願我聖明君邇期保萬春

石流篇

石上流水湔湔其波發源幽岫永歸長河瞻彼逝者歲
月其偕子在川上惟以增懷嗟我殷憂載勞寤寐遘此
百罹有志不遂行年倏忽長勤是嬰永言沒世悼茲無
成幸遇開泰沐浴嘉運綏帶安寢亦又何愠古之爲仁
自求諸已虛情遙暮終於徒已

齊隋王鼓吹曲十首

謝朓

齊永明八年謝朓奉鎮西隨王教於荊州道
中作鈞天已上三曲頌帝功枝儼已上三曲
頌藩德

元會曲

二儀啓昌曆三陽應慶期珪贄紛成序鞞譯憬來思分
階絕組練充庭羅翠旗觴流白日下吹溢景雲滋天儀
穆藻殿萬寓壽皇基

郊祀曲

六宗禮配岳五時奠甘泉整蹕遊九闕清簫開八壑鏘
鏘玉鑿動溶溶金障旋郊宮光已屬升崇禮旣虔福響

靈芝集南嶽固斯年

鈞天曲

高宴顛天臺置酒迎風觀笙鏞禮百神鍾石動雲漢瑤
堂琴瑟驚綺席舞衣散威鳳來參差玄鶴起凌亂已慶
明庭樂詎慙南風彈

入朝曲

江南佳麗地金陵帝王州逶迤帶綠水迢遞起朱樓飛
甍夾馳道垂楊蔭御溝凝笳翼高蓋疊鼓送華輶獻納
雲臺表功名良可收

出藩曲

雲枝紫微內分組承明阿飛艤遡極浦旌節去關河眇
眇蒼山色沉沉寒水波饒音巴渝曲簫鼓盛唐歌夫君
邁惟德江漢仰清河

校獵曲

凝霜冬十月殺盛涼飈哀原澤曠千里騰騎紛往來平
且望煙合烈火從風迴殪獸華容浦張樂荆山臺虞人
昔有諭明明時戒哉

從戎曲

選旅辭輶軒弭節赴河源日起霜戈照風迴連騎翻紅
塵朝夜合黃沙萬里昏寥戾清笳轉蕭條邊馬煩自勉

國家圖書館, NATIONAL CENTRAL LIBRARY, TAIWAN

輟耕願征役去何言

送遠曲

北梁辭歡宴南浦送佳人方衢控龍馬平路騁朱輪瓊
筵妙舞絕桂席羽觴陳白雲丘陵遠山川時未因一爲
清吹激潺湲傷別巾

登山曲

天明開秀嶠瀾光媚碧堤風盪飄鶯亂雲行芳樹低暮
春春服美遊駕凌丹梯升嶠旣小曾登巒且悵齊王孫
尚游行蕙草正萋萋

泛水曲

玉露霑翠葉金風鳴素枝罷遊平樂苑泛鷁昆明池旌
旗散容裔簫管吹參差日晚厭遵渚採菱贈清漪百年
如流水寸心寧共知

江上曲

易陽春草出踟躕日已暮蓮葉尚田田淇水不可渡願
子淹桂舟時同千里路千里旣相許桂舟復容與江上
可采菱清歌共南楚

梁鼓吹曲辭

梁鼓吹曲十二首

沈約

隋書樂志曰鼓吹宋齊並用漢曲又充庭用
十六曲梁高祖乃去四曲留其十二合日時

也更制新歌以述功德

木紀謝

隋書樂志曰漢第一曲朱鷺改為木紀謝言齊謝朓升也

木紀謝火運昌炳南陸耀炎光民去癸鼎歸梁鮫魚出
慶雲翔籟五帝軼三王德無外化溥將仁蕩蕩義湯湯
浸金石達昊蒼橫四海被八荒舞干戚垂衣裳對天眷
坐巖廊胤有錫祚無疆風教遠禮容盛感人神宣舞詠
降繁祉延嘉慶

賢首山

漢第二曲思悲翁改為賢首山言武帝破魏軍於司部肇王迹也

賢首山險而峻乘峴憑臨胡陣騁寄謀奮卒徒斷白馬
塞飛狐殪日逐殲骨都刃谷蠡馘林胡草旣潤原亦塗
輪無反幕有烏掃殘孽震戎遁揚凱奏展歡酺詠杖杜
旋京吳

桐栢山

漢第三曲艾如張改為桐栢山言武帝牧司王業彌章也

桐栢山淮之首肇基帝迹遂光區有大震邊關殪獯醜
農旣勸民惟阜穗充庭稼盈畝迨嘉辰藁芳糗納寒場
為春酒昭景福介眉壽天斯長地斯久化無極功無朽

道二

漢第四曲上之句改為道亡
言東昏喪道義師起樊鄧也

道亡數極歸永元悠悠兆庶盡含冤沈何莫極皆無安
赴海誰授矯龍翰自樊漢仙波流水清且瀾救此倒懸
拯塗炭誓師劉旅赫靈斷率茲八百驅十亂登我聖明
去多難長夜杳冥忽云旦

忱威

漢第五曲擁離改為忱
威言破加湖元勳建也

忱威授律命蒼兕言薄加湖灌秋水迴瀾節汨汎增雉
爭河投岸掬盈指犯刃嬰戈洞流矢資此威一作盛烈齊
文軌

漢東流

漢第六曲戰城南改為漢
東流言義師克晉山城也

漢東流江之汭逆徒蜂聚旌旗紛蔽仰震威靈乘高騁
銳至仁解網窮鳥入懷因此龍躍言登泰階

鶴樓峻

漢第七曲坐山高改為鶴樓
峻言平郢城兵威無敵也

鶴樓峻連翠微因巖設險池永歸唇亡齒懼薄言震耀
靈威凶衆稽顙天不能違金湯無所用功烈長巍巍

昏主恣淫慝

漢第八曲上陵改為昏主恣淫慝言東昏
政亂武帝起義平九江姑熟大破朱雀伐

罪弔
民也

昏主恣淫慝皆曰自昌盛上仁矜億兆誓師為請命既
齊丹浦戰又符甲子辰龕難伐有罪伐罪弔斯民悠悠
億萬姓於此覩陽春

石首局

漢第九曲將進酒改為石首局言
義師平京城仍廢昏定大事也

石首局北墉墜新堞嚴東壘峻共表裏遙相鎮矢未飛
鼓方振競銜壁並與漉酒池擾象廊震同伐謀兼善陳
闢應和掃煨燼剪庶惡靡餘胤

期運集

漢第十曲有所思改為期運集
言武帝膺籙受禪德盛化遠也

期運集惟皇膺寶符龍躍清漢渚鳳起方城隅謳歌共
適夏獄訟兩違朱二儀啓嘉祚千載猶旦暮舞蹈流帝
功金玉昭王度

於穆

漢第十一曲考歸改為於穆言大
梁闡運君臣和樂休祚方遠也

於穆君臣君臣和以肅關王道定天保樂均靈囿宴同
在鎬前庭懸鼓鐘左右列笙鏞纓佩俯仰有則脩禮容
翔振鷺騁羣龍隆周何足擬遠與唐比蹤

惟大梁

漢第十二曲上邪改為惟大
梁言梁德廣運仁化洽也

惟大梁開運受錄膺圖君八極冠帶被五都四海並和
會排闕欵塞無異塗

隋鼓吹曲辭

凱樂歌辭三首

述帝德

於穆我后睿哲欽明膺天之命載育羣生開元創曆邁
德垂聲朝宗萬寓祗事百靈煥乎皇道昭哉帝則惠政
滂流仁風四塞淮海未賓江湖背德運籌必勝濯征斯
克八荒霧卷四表雲寒雄圖盛畧邁後光前寰區已泰

福祚方延長歌凱樂天子萬年

述諸軍用命

帝德遠覃天維宏布功高雲天聲隆韶濩惟彼海隅未
從王度皇赫斯怒元戎啓路桓桓猛將赴赴英謀攻如
燎髮戰似摧枯收茲塗炭克彼一作從妖遁塵清兩越氣
靜三吳鯨鯢已夷封疆載闢班馬蕭蕭歸旌奕奕雲臺
表効司勳紀績業並山河道固金石

述天下太平

阪泉軒德丹浦堯勳始實以武終乃以文嘉樂聖主大
哉爲君出師命將廓定重氛書軌旣并干戈是戢弘風

設教政成人立禮樂聿興衣裳載緝風雲自美嘉祥爰
集皇皇聖政穆穆神猷牢籠虞夏度越姬劉日月比耀
天地同休永清四海長帝九州

古詩類苑卷之四十

古詩類苑卷之四十一

雲間張之象玄超纂輯

俞顯卿子如補訂

張所敬長輿

徐光啓子先校正

俞顯謨子昭

王 頴玄弢叅閱

陳 甲伯子

樂部

梁橫吹曲辭

梁鼓角橫吹曲

橫吹曲其始亦謂之鼓吹馬上奏之乃軍中之樂也自漢已來北狄樂總歸鼓吹署其後分為二部有簫笳者為鼓吹用之朝會道路有鼓角者為橫吹用之軍中馬上所奏者是也晉書樂志曰橫吹有鼓角又有胡角即胡樂也漢張騫入西域傳其法於西京唯得摩訶兜勒一曲李延年因胡曲更造新聲二十八解企喻本北歌唐書樂志曰北狄樂其可知者鮮卑吐谷渾部稽二國皆馬上樂也後魏樂府始有北歌即所謂真人代歌是也大都時命掖掖宮女晨夕職之周隋世與西涼樂雜奏今存者五十三章其名可解者六章慕容可汗吐谷渾部落稽鉅鹿公主白淨皇太子企喻也其不可解者多可汗之辭北虜之俗呼主為可汗吐谷渾又慕容別種知此歌是燕魏之際鮮卑歌也其辭虜音竟不可曉梁胡吹又有大白淨皇太子小白淨皇太子企喻等曲隋鼓吹有白淨皇太子曲與北

歌校之其音皆異又有半和企喻北敦蓋曲之變也

梁古辭企喻歌

四曲

企喻本北歌古今樂錄曰企喻歌四曲或云後又有二句頭毛墮落魏飛揚百草頭最後男兒可憐蟲一曲是苻融詩本云深山解答口把谷無人收與今傳者小異

男兒欲作健結伴不須多鷄子經天飛羣雀兩向波

放馬大澤中草好馬著臆牌子鐵襖鎗左作鉞鉞下同鉞鉞

尾條

前行看後行齊著鐵襖前頭看後頭齊著鐵鉞鉞
男兒可憐蟲出門懷死憂尸喪狹谷中白骨無人收

瑯琊王歌辭

八曲

古今樂錄曰瑯琊王歌八曲或云陰涼下又有二句云盛冬十一月就女覓凍漿最後云誰能騎此馬唯有廣平公按晉書載記廣平公姚弼與之子泓之弟也

新買五尺刀懸著中梁柱一日三摩娑劇於十五女
瑯琊復瑯琊瑯琊大道王陽春二三月單衫繡襦襠
東山看西水水流盤石間公死姥更嫁孤兒甚可憐
瑯琊復瑯琊瑯琊大道王鹿鳴思長草愁人思故鄉
長安十二門光門最妍雅渭水從壟來浮遊渭橋下
瑯琊復瑯琊女郎大道王孟陽三四月移鋪逐陰涼
客行依主人願得女人疆猛虎依深山願得松栢長
憎馬高纏鬃遙知身自龍誰能騎此馬唯有廣平公

鉅鹿公主歌辭

三曲

唐書樂志曰梁有鉅鹿公主歌似是姚萇時歌其詞華音與北歌不同

官家出遊雷大鼓細乘犢車開後戶
車前女子年十五手彈琵琶玉節舞
鉅鹿公主殷照女皇帝陛下萬幾主

紫騮馬歌辭

六曲

古今樂錄曰十五從軍征以下是古詩

燒火燒野田野鴨飛上天童男娶寡婦壯女笑殺人
高高山頭樹風吹葉落去一去數千里何當還故處
十五從軍征十八始得歸道逢鄉里人家中有阿誰

遙看是君家松栢冢纍纍兔從狗竇入雉從梁上飛
中庭生旅穀井上生旅葵春穀持作飯採葵持作羹
羹飯一時熟不知飴阿誰出門東向看淚落沾我衣

紫騮馬歌

古今樂錄曰與前曲不同○郭茂倩以此爲梁曲見簡文詩註

獨柯不成樹獨樹不成林念郎錦襦襜恒長不忌心

黃淡思歌 四曲

古今樂錄曰思音相思之思按李延年造橫吹曲二十八解有黃覃子不知與此同否

歸歸黃淡思逐郎遺去來歸歸黃淡百逐郎何處索
心中不能言腹作車輪旋與郎相知時但恐傍人聞

江外何鬱拂龍洲廣州出象牙作帆檣綠絲作幃縹
綠絲何歲蕤逐郎歸去來

地驅樂歌 四曲

古今樂錄曰側側力力以下入句是今歌有此曲最後云不可與力或云各有努力

青青黃黃雀石頽唐槌殺野牛押殺野羊
驅羊入谷自羊在前老女不嫁蹋地喚天
側側力力念君無極枕郎左臂隨郎轉側
摩捋郎鬚看郎顏色郎不念女不可與力

地驅樂歌

古今樂錄曰與前曲不同

月明光光星欲墮欲來不來早語我

雀勞利歌辭

雨雪霏霏雀勞利長觜飽滿短觜飢

慕容垂歌辭 三曲

晉書載記曰慕容本名軼尋以讖記乃去夫以垂為名慕容雋借號封垂為吳王徙鎮信都太元八年自稱燕王

慕容攀墻視吳軍無邊岸我身分自當枉殺墻外漢
慕容愁憤憤燒香作佛會願作墻裏燕高飛出墻外
慕容出墻望吳軍無邊岸咄我臣諸佐此事可惋歎

隴頭流水歌 三曲

古今樂錄曰樂府有此歌曲解多於此辛氏三秦記曰隴渭西關其陂九迴上有清水四注流下俗歌云

隴頭流水流離西下念我一身飄然曠野
西上隴阪羊腸九回山高谷深不覺脚酸
手攀弱枝足踰弱泥

隴頭歌辭 三曲

隴頭流水流離山下念吾一身飄然曠野
朝發欣城暮宿隴頭寒不能語舌卷入喉
隴頭流水鳴聲幽咽遙望秦川心腸斷絕

隔谷歌 二曲

古今樂錄曰前云無
辭樂工有辭如此

兄在城中弟在外
弓無弦箭無括
食糧乏盡若爲活救
我來救我來

兄爲俘虜受困辱
骨露力疲食不足
弟爲官吏馬食粟
何惜錢刀來我贖

淳于王歌 二曲

蕭蕭河中育育熟
須含黃獨坐空房
中思我百媚郎
百媚在城中千媚
在中央但使心相
念高城何所妨

東平劉生歌

東平劉生安東子
樹木稀屋裏無人
看阿誰

捉搦歌 四曲

粟穀難舂付石臼
弊衣難護付巧婦
男兒千凶飽人手
老女不嫁只生口

誰家女子能行步
反著袂禪後裙露
天生男女共一處
願得兩箇成翁媪

華陰山頭百丈井
下有流水徹骨冷
可憐女子能照影
不見其餘見斜領

黃桑柘屐蒲子履
中央有絲兩頭繫
小時伶母大憐婿
何不早嫁論家計

折楊柳歌辭 五曲

上馬不捉鞭反折楊柳枝蹀座樂府作下馬吹長笛愁殺行客兒

腹中愁不樂願作郎馬鞭出入擐郎臂蹀座郎膝邊
放馬兩泉澤忘不著連羈擔鞍逐馬走何見得馬騎
遙看孟津河楊柳鬱婆娑我是虜家兒不解漢兒歌
健兒須快馬快馬須健兒蹀蹀黃塵下然後別雄雌

折楊柳枝歌

四曲

上馬不捉鞭反折楊柳枝下馬吹長笛愁殺行客兒
門前一株棗歲歲不知老阿婆不嫁女那得孫兒抱
救救何力力女子臨窓織不聞機杼聲唯聞女歎息

問女何所思問女何所憶阿婆許嫁女今年無消息

幽州馬客吟歌辭

五曲

快馬常苦瘦勦兒常苦貧黃禾起羸馬有錢始作人
熒熒帳中燭燭滅不久停盛時不作樂春花不重生
南山自言高只與北山齊女兒自言好故入郎君懷
郎著紫袴褶女著彩袂裙男女共燕遊黃花生後園
黃花鬱金色綠蛇銜珠丹辭謝牀上女還我十指環
慕容家自魯企由谷歌

郎在十重樓女在九重閣郎非黃鸝子那得雲中雀

高陽樂人歌

二曲

古今樂錄曰魏高陽王樂人所作也又有白鼻騮蓋出於此

可憐白鼻騮相將入酒家無錢但共飲畫地作交賒
何處碟觴來兩頰色如火自有桃花客莫言人勸我

木蘭詩二首

古今樂錄曰木蘭不知名浙江西道觀察使兼御史中丞韋元甫續附入○古文苑作唐人木

蘭詩

唧唧復唧唧一作促織何唧唧木蘭當戶織不聞機杼聲唯聞
女歎息問女何所思問女何所憶女亦無所思女亦無
所憶昨夜見軍帖可汗大點兵軍書十二卷卷卷有耶
名阿耶無大兒木蘭無長兄願為市鞍馬從此替耶征

東市買駿馬西市買鞍韉南市買轡頭北市買長鞭朝
辭耶孃去暮宿黃河邊不聞耶孃喚女聲但聞黃河流
水鳴濺濺旦辭黃河去暮至黑山頭不聞耶孃喚女聲
但聞燕山胡騎聲一作鳴啾啾萬里赴戎機關山度若飛
朔氣傳金柝寒光照鐵衣將軍百戰死壯士十年歸歸
來見天子天子坐明堂策勲十二轉賞賜一作物百千彊
可汗問所欲木蘭不用尚書郎一作欲與未蘭賞不願尚書郎願馳千
里足西陽雜俎云願借明馳千里足送兒還故鄉耶孃聞女來出郭相
扶將阿姊聞妹來一作阿姊當戶理紅妝小弟聞姊來
磨刀霍霍向諸羊開我東閣門坐我西間牀脫我戰時

袍著我舊時裳當窓理雲鬢對鏡帖花黃出門看火伴
六行始一作皆驚惶同行十二年不知木蘭是女郎雄兔
脚撲朔握一作雌兔眼迷彌一作離兩一作兔傍地走安能
辨我是雄雌

同前

木蘭抱杼嗟借問復為誰欲聞所慼慼感激彊其顏老
父隸兵籍氣力日衰耗豈足萬里行有子復尚少胡沙
沒馬足朔風裂人膚老父舊羸病何以彊自扶木蘭代
父去秣馬備戎行易却紈綺裳洗却鉛粉妝馳馬赴軍
幕慷慨携干將朝屯雪山下暮宿青海傍夜襲月支虜

更携于闐羌將軍得勝歸士卒還故鄉父母見木蘭喜
極成悲傷木蘭能承父母顏却卸巾鞵理絲簧昔為烈
士雄今復嬌子容親戚持酒賀父母始知生女與男同
門前舊軍都十年共崎嶇本結兄弟交死戰誓不渝今
也見木蘭言聲雖是顏貌殊驚愕不敢前歎重徒嘻吁
世有臣子心能如木蘭節忠孝兩不渝千古之名焉可
滅

漢相和歌辭

相和漢舊曲也絲竹更相和執節者歌本一部
魏明帝分為二晉荀勗採舊辭施用於世謂之
清商三調歌詩即沈約所謂因絃管金石造歌
以被之者也唐樂志云平調清調瑟調皆周房

中曲之遺聲漢世謂之三調又有楚調漢房中
樂也與前三調總謂之相和調張永元嘉技錄
云有吟歎四曲亦列於相和歌又有大曲十五
篇分於諸調唯滿歌行一曲諸調不載故附見
於大曲之下云晉書樂志曰凡樂章古辭今之
存者並漢世街陌謠謳江南可採蓮烏生八九
子白頭吟之屬也

相和曲

箜篌引

麗玉

一曰公無渡河崔豹古今註曰箜篌引朝
鮮津卒霍里子高妻麗玉所作也子高晨
起刺船有一白首狂夫披髮提壺亂流而
渡其妻隨而止之不及遂墮河而死於是
援箜篌而鼓之作公無渡河之曲聲甚悽
愴曲終亦投河而死子高還以其聲語其
妻麗玉麗玉傷之乃作箜
篌而寫其聲名曰箜篌引

公無渡河公竟渡河墮河而死當奈公何

江南

江南可採蓮蓮葉何田田魚戲蓮葉間魚戲蓮葉東魚
戲蓮葉西魚戲蓮葉南魚戲蓮葉北

東光

東光乎一作平下同蒼梧何不乎蒼梧多腐粟無益諸軍糧

諸軍遊蕩子早行多悲傷右一曲魏樂所奏

雞鳴此曲前後辭不相屬蓋采詩入樂合而成章耶抑有錯簡奈誤也後多放此

雞鳴高樹巔狗吠深宮中蕩子何所之天下方太平刑
法非有貸桑協正亂名黃金為君門璧玉為軒堂上

有雙樽酒作使邯鄲倡劉玉碧青甕後出郭門王舍後
有方池池中雙鴛鴦鴛鴦七十二羅列自成行鳴聲何
啾啾聞我殿東廂兄弟四五人皆為侍中郎五日一時
來觀者滿路傍黃金絡馬頭頻頻何煌煌桃生露井上
李樹生桃傍蟲來齧桃根李樹代桃殭樹木身相代兄
弟還相忘

右一曲魏晉樂所奏

烏生一曰烏生八九子

烏生八九子端坐秦氏桂樹間喈我秦氏家有遊蕩
子工用睢陽彊音強弓也蘇合彈左手持彊彈兩丸出入烏
東西喈我一丸即發中烏身烏死魂魄飛揚上天阿母

生烏子時乃在南山巖石間喈我人民安知烏子處蹊
徑窈窕安從通白鹿乃在上林西苑中射工尚復得白
鹿脯喈我黃鵠摩天極高飛後宮尚復得烹煮之鯉魚
乃在洛水深淵中釣釣尚得鯉魚口喈我人民生各各
有壽命死生何須復道前後

右一曲魏晉樂所奏

平陵東

樂府解題曰平陵東漢翟義門人所作也義為丞相方進少子為東郡太守以王莽篡漢舉兵誅之不克而見害門人作歌以怨之也

平陵東松柏桐不知何人劫義公劫義公在高堂下交
錢百萬兩走馬兩走馬亦誠難顧見追吏心中惻心中

惻血出漉歸告我家賣黃犢

右一曲魏晉樂所奏

陌上桑

宋書作大曲一作日出東南隅行

一曰艷歌羅敷行崔豹古今註曰邯鄲女子姓秦名羅敷為邑人千乘王仁妻仁後為趙王家令羅敷出採桑於陌上趙王登臺見而悅之因飲酒欲奪之羅敷乃彈箏作陌上桑之歌以自明焉樂府解題曰古詞言羅敷採桑為使君所邀羅敷盛誇其夫以拒之與前說不同

日出東南隅照我秦氏樓秦氏有好女自名為羅敷羅敷善蠶桑採桑城南隅青絲為籠係桂枝為籠鉤頭上倭墮髻耳中明月珠綉綺為下裙紫綺為上襦行者見羅敷下擔捋髭鬚少年見羅敷脫帽著幘頭耕者忘其

犁鉏者忘其鉏來歸相怒怨但坐觀羅敷一解使君從南來五馬立踟躕使君遣吏往問是誰家妹秦氏有好女自名為羅敷羅敷年幾何二十尚不足十五頗有餘使君謝羅敷寧可共載不羅敷前致辭使君一何愚使君自有婦羅敷自有夫二解東方千餘騎夫婿居上頭何用識夫婿白馬從驪駒青絲繫馬尾黃金絡馬頭腰中鹿盧劍可值千萬餘十五府小史二十朝大夫三十侍中郎四十專城居為人潔白哲鬢鬢頗有鬚盈盈公府步冉冉府中趨坐中數千人皆言夫婿殊三解前有艷辭曲後有辭○右

一曲魏樂所奏

同前

楚辭

今有人山之阿被服薜荔帶女蘿既含睇又宜笑子戀
慕予善窈窕乘赤豹從文狸辛夷車駕結桂旗被石蘭
帶杜衡折芳拔荃遺所思處幽室終不見天路險艱獨
後來表獨立山之上雲何容容而在下杳冥冥羌晝晦
東風飄颻神靈雨風瑟瑟木搜搜思念公子徒以憂

曲魏晉
樂所奏

吟歎曲

王子喬

王子喬參駕白鹿雲中遨參駕白鹿雲中遨下遊來王

子喬參駕白鹿上至雲戲遊遨上建逋陰廣里踐近高
結仙宮過謁三台東遊四海五嶽上過蓬萊紫雲臺三
王五帝不足令令我聖朝應太平養民若子事父明當
究天祿永康寧王女羅坐吹笛簫嗟行聖人遊八極鳴
吐銜福翔殿側聖主享萬年悲吟皇帝延壽命

所奏

右一曲
魏晉樂

平調曲

長歌行

青青園中葵朝露待日晞陽春布德澤萬物生光輝常
恐秋節至焜黃華葉衰百川東到海何時西復歸少壯

不努力老大徒傷悲

同前二首 樂府通作一首嚴滄浪云岩岩山上亭以下其義不同當別為一首也

仙人騎白鹿髮短耳何長導我上太華攬芝獲赤幢來

到主人門奉藥一玉箱主人服此藥身體一有日康彊

髮白復一無復字更黑延年壽命長

岩岩山上亭皎皎雲間星遠望使心思遊子戀所生驅

車出北門遙觀洛陽城凱風吹長棘天天枝葉傾黃鳥

飛相追咬咬弄音聲竚立望西河泣下沾羅纓藝文類聚載觀

文帝明津詩與此大同而逸其半

君子行

君子防未然不處嫌疑間瓜田不納履李下不整冠嫂

叔不親授長幼不比肩勞謙得其柄和光甚獨難周公

下白屋吐哺不及餐一沐三握髮後世稱聖賢

清調曲

豫章行

白楊初生時乃在豫章山上葉摩青雲下根通黃泉涼

秋八九月山客持斧斤我何皎皎梯落根株

已斷絕顛倒巖石間大匠持斧繩鋸墨齊兩端一驅四

五里枝葉自相捐會為舟船燔身在洛陽

宮根在豫章山多謝枝與葉何時復相連吾生百年

自俱何意萬人巧使我離根株右一曲晉樂所奏

董逃行

崔豹古今註曰董逃歌後漢游童所作也終有董卓作亂卒以逃亡後人習之以為歌章樂府奏之以為做誠云

吾欲上謁從高山山頭危險道路難遙望五嶽端黃金

為闕班璘但見芝草葉落紛紛解一百鳥集來如煙山獸

紛綸麟辟邪其端鴟雞聲鳴但見山獸援戲相拘攀解二

小復前行玉堂未心懷流還傳教出門來門外人何求

所言欲從聖道求一得命延解三教教凡吏受言採取神

藥若木端玉兔長跪擣藥蝦蟇丸奉上陛下玉梓服

此藥可得神仙解四服爾神藥莫不歡喜陛下長生老壽

四面肅肅稽首天神擁護左右陛下長與天相保守解五

相逢行

一曰相逢狹路間行樂府解題曰古辭文意與雞鳴曲同

相逢狹路間道隘不容車不知何年少夾轂問君家君

家誠易知易知復難忘黃金為君門白堂為君堂堂上

置樽酒作使邯鄲倡中庭生桂樹華燈何煌煌兄弟兩

三人中子為侍郎五日一來歸道上自生光黃金駱馬

頭觀者盈道傍入門時左顧但見雙鴛鴦鴛鴦七十二

羅列自成行音聲何噍噍鳴東西扇夫婦織綺羅中
婦織流黃小婦無所爲扶瑟上高堂丈人且安坐調絲
方未央右一曲晉
樂所奏

長安有狹斜行

長安有狹斜斜不容車適逢兩少年夾轂問君家君
家新市傍易知復難忘大子二千石中子孝廉郎小子
無官職衣冠仕洛陽三子俱入室室中自生光大婦織
綺紵中婦織流黃小婦無所爲挾琴上高堂丈人且徐
徐調弦詎未央

瑟調曲

善哉行

此篇宋書樂志亦作古辭或以此爲子建
詩按子建擬善哉行爲日苦短云當來日
大難則此非
子建作矣

來日大難口燥唇乾今日相樂皆當喜歡一解經歷名山
芝草翻翻仙人王喬奉藥二解自惜袖短內手知寒
慚無靈轍以報趙宣三解月沒參橫北斗闌干親交在門
飢不及餐四解歡日尚少戚日苦多以何忘憂彈箏酒歌
五解淮南八公要道不煩參駕六龍遊戲雲端六解右
魏樂

隴西行

王僧虔技錄云隴西行歌武帝碣石文帝夏門二篇通典曰秦置隴西郡以居隴坻之西焉名

天上何所有歷歷種白榆
桂樹夾道生青龍對道隅
鳳鳴啾啾一母將九雛
顧視世間人為樂甚獨殊
好婦出迎客顏色正敷愉
伸腰再拜跪問客平安不請客
北堂上坐客氈氍毹
清白各異樽酒上正華疏
酌酒持與客客言主人持却畧
再拜跪然後持一杯談笑未及竟
左顧敕中厨促令辦麴飯
慎莫使稽留廢禮送客出
盈盈府中趨送客亦不遠
足不過門樞取婦得如此齊
妾亦不如健婦持門戶亦勝一丈夫
此篇之辭前後不屬其首章乃與步

出夏門行同而辭意復備

步出夏門行

邪徑過空廬
好人常獨居
卒得神僊道
上天與相扶
過謁王父母
乃在太山隅
離天四五里
道逢赤松俱攬轡
為我御將吾
天上遊
天上何所有
歷歷種白榆
桂樹夾道生
青龍對伏趺

折楊柳行 宋書作大曲

默默施行違
厥罰隨事來
未喜殺龍逢
桀放於鳴條
解祖伊言不用紂
頭懸白旄
指鹿用為馬
胡亥以喪軀
解夫差臨命絕
乃云負子胥
戎王納女樂
以亡其由余
壁

馬禍及號二國俱為墟三解三夫成市虎慈母投杼趨下

和之則足接輿歸草廬四解○右一曲魏晉樂所奏

西門行宋書作

出西門步念之今日作不樂當待何時一解夫為樂為樂

當及時何能坐愁怫鬱當復待來茲二解飲醇酒炙肥牛

請呼心所歡可用解愁憂三解人生不滿百常懷千歲憂

晝短苦夜長何不秉燭遊四解自非仙人王子喬計會壽

命難與期自非仙人王子喬計會壽命難與期五解人壽

非金石年命安可期貪財愛惜費但為後世嗤六解○
晉樂所奏

出西門步念之今日不作樂當待何時逮為樂逮為樂

當及時何能愁怫鬱當復待來茲釀美酒炙肥牛請呼

心所歡可用解憂愁人生不滿百常懷千歲憂晝短若

夜長何不秉燭遊遊行去去如雲除弊車羸馬為自儲

右一曲
本辭

東門行宋書作

出東門不顧歸來入門悵欲悲盎中無斗儲還視桁下

反上無懸衣一解拔劍出門去兒女牽衣啼他家但願富

貴賤妾與君共舖麩二解共舖麩上用滄浪天故下為黃

口小兒今時清廉難犯教言君復自愛莫為非三解今時

清廉難犯教言君復自愛莫為非行吾去為遲平慎行
望君歸 四解○右一曲晉樂所奏

出東門不顧歸來入門悵欲悲盎中無斗米儲還視架

上無懸衣拔劔東門去舍中兒母一作女牽衣啼他家但

願富貴賤妾與君共餽糜上用滄浪天故下當用此黃

口兒今非咄行吾去為遲白髮時下難久居 右一曲本辭

婦病行

婦病連年累歲傳呼丈人前一言當言未及得言不知
淚下一何翩翩屬累君兩三孤子莫我兒飢且寒有過
慎莫笄笄行當折摧思復念之亂曰抱時無衣襦復無

出門塞廡舍孤兒到市道逢親交泣坐不能起從乞

求與孤買餌對交啼泣淚不可止我欲不傷悲不能已

探懷中錢持授交入門見孤啼索其母抱徘徊空舍中

行復爾耳棄置勿復道

孤兒行

孤兒生行一曰孤兒行古詞言孤兒為兒
嫂所苦難與久居也歌錄曰孤兒生行亦
曰放歌行

孤兒生孤子遇生命獨當苦父母在時乘堅車駕駟馬
父母已去兄嫂令我行賈南到九江東到齊與魯臘月
來歸不敢自言苦頭多蟣虱面目多塵大兄言辦飯大

嫂言視馬上高堂行取殿下堂孤兒淚下如雨使我朝
行汲暮得水來歸手爲錯足下無非一作愴愴履霜中
多英藜拔斷疾藜腸月中愴欲悲淚下漉漉清涕縈縈
冬無複襦夏無單衣居生不樂不如早去下從地下黃
泉春風動草萌芽三月蠶桑六月收瓜將是瓜車來到
還家瓜車反覆助我者少啗瓜者多願還我帶兄與嫂
嚴獨且急歸當與校計亂日里中一何譏諂願欲寄尺
書將與地下父母兄嫂難與久居

鴈門太守行

古今樂錄曰王僧虔技錄云鴈門太守行
歌古洛陽今一篇後漢書曰王漁字稚子

廣漢郡人也父順安定太守漁教儒學習
書讀律舉孝才除潘令遷兗州刺史坐考
妖言不實論議被貶侍御史還爲洛陽令
政平訟理發擿盜徒如神元興初有卒百
姓咨嗟男女老壯相與奠醊以千數爲立
祠文陽縣每食輒終歌而薦之按其歌
詞極述漁不食輒終歌而薦之按其歌
題云鴈門太守行所求詳也

孝和帝在時洛陽令王君本自益州廣漢蜀民少行宦
學通五經論一明知法令歷世衣冠從溫補洛陽令治
行致賢擁護百姓子養萬民二外行猛政內懷慈仁文
武備具料民富貧移惡子姓宋書有名篇著里端二傷
殺人比伍同罪對門禁釐矛八尺捕輕薄少年加笞決
罪詣馬市論四無妄發賦念在理寬敕吏正獄不得苛

煩財用錢三十買繩禮

一作

竿

五解

賢哉賢哉我縣王君

臣吏衣冠奉事皇帝功曹主簿皆得其人

六解

臨部居職

不敢行恩清身苦體夙夜勞動治有能名遠近所聞

七解

天年不遂早就奄昏為君作祠安陽亭西欲令後世莫

不稱傳

八解 右一曲 晉樂所奏

艷歌何嘗行二首

一曰飛鵠行 宋書作大曲

飛來雙白鵠乃從西北方十五五羅列成行妻卒被
病行不能相隨五里一返顧六里一徘徊吾欲銜汝去
口噤不能開吾欲負汝去毛羽何摧頽樂哉新相知憂
來生別離躊躇顧羣侶淚下不自知

念與君離別氣結不能言各各重自愛遠道歸還難妾

當守空房閉門下重關若生當相見亡者會黃泉今日

樂相樂萬歲期延年

樂府作延年萬歲期 廣文選飛鵠行曰飛來雙白鵠乃從西北來

十十將五五羅列行不齊忽然卒疲病不能飛相隨五里一返顧六里一徘徊吾欲銜汝去口噤不能開吾欲負汝去毛羽何摧頽樂哉心相知憂來生別離踟躕顧羣侶淚落從橫垂今日樂相樂延年萬歲期

艷歌行

翩翩堂前燕冬藏夏來見兄弟兩三人流宕在他縣故
衣誰當一作補新衣誰當綻賴得賢主人覽取為吾組
夫壻從門來斜倚西北眄語卿且勿眄水清石自見石
見何纍纍遠行不如歸

同前

南山石嵬嵬松栢何離離上枝拂青雲中心十數圍洛陽發中梁松樹竊自悲斧鋸截是松松樹東西摧持作四輪車載至洛陽官觀者莫不歎問是何山林誰能刻鏤此公輸與魯班被之用丹漆薰用蘇合香本是南山松今爲宮殿梁

楚歌調

怨詩行

一日怨詩行歌

天德悠且長人命一何促百年未幾時奄若風吹燭嘉賓難再遇人命不可續齊度遊四方各繫太山錄人間

樂未央忽然歸東嶽當須盪中情遊心恣所欲

大曲

滿歌行

爲樂未幾時遭時嶮巖逢此百罹伶丁荼毒愁苦難爲遙望極辰天曉月移憂來填心誰當我知戚戚多思慮耿耿殊不寧禍福無形惟念古人遜位躬耕遂我所願以茲自寧自鄙棲棲守此未榮暮秋烈風昔蹈滄海心不能安攬衣瞻夜北斗闌干星漢照我去自無他奉事二親勞心可言窮達天爲智者不愁多爲少憂安貧樂道師彼莊周遺名者貴子遐同遊往者二賢名垂千秋

飲酒歌舞樂復何須照視日月日月馳驅軻軻人間何
 有何無貪財惜費此一何愚鑿石見火居代幾時為當
 懽樂心得所喜安神養性得保遐期右一曲本辭
 為樂未幾時遭世險巖逢此百罹零丁荼毒愁懣難支
 遙望辰極天曉月移憂來填心誰當我知解一戚戚多思
 慮耿耿不寧禍福無形唯念古人遜位躬耕遂我所願
 以茲自寧自鄙山棲守此一榮解二暮秋烈風起西蹈滄
 海心不能安攬衣起瞻夜北斗闌干星漢照我去去自
 無他奉事二親勞心可言解三窮達天所為智者不愁多
 為少憂安貧樂正道師彼莊周遺名者貴子熙同獻往

者二賢名垂千秋解四飲酒歌舞不樂何須善哉照觀
 月日月馳驅軻軻世間何有何無貪財惜費此何一愚
 命如鑿石見火居世竟能幾時但當歡樂自娛盡心極
 所嬉怡安善養君德性百年保此期頤飲酒下為趣○右一曲晉樂所奏

梁相和歌辭

五音曲五首

沈約

隋書樂志曰梁有相和五引三朝第一奏之陳氏因焉隋文帝開皇中改五引為五音唯迎氣於五郊降神奏之月令所謂孟春其音角也唐書樂志曰五郊迎氣各以月律而奏其音蓋因隋舊制云

角引

萌生觸發歲在春咸池始奏德尚仁憇憇以息和且均

徵引

執衡司事宅離方滔滔夏日火德昌八音備舉樂無疆

宮引

八音資始君五聲與比和樂感百精優遊律呂被咸英

商引

司秋紀兌奏西音激揚鍾石和瑟琴風流福被樂惜惜

羽引

玄英紀運冬冰折一作并物為音本和且悅窮高測深長

無絕

相和六引 五曲

蕭子雲

隋書樂志曰普通中敕蕭子雲改諸歌辭為相和引則依五音宮商角羽為第次非隨月次也

宮引

宅中為君聲之始氣和而應律生子四宮既作陰陽理

商引

君臣數九發涼風三弦夷則白藏通克諧候管和六同

角引

蟄蟲始振音在斯五聲六律旋相為韶繼夏盡備咸池

正三戶類考卷四十一

徵引

朱明在離日長至候氣而動徵為事六樂成文從之備

羽引

其音為物登玄英制留循短位濁清惟皇創則和且平

古詩類苑卷之四十一

國家圖書館, NATIONAL CENTRAL LIBRARY, TAIWAN, R.O.C.



古詩類苑卷之四十二

雲間張之象玄超纂輯

俞顯卿子如

補訂

張所敬長輿

俞顯謨子昭

校正

徐光啓子先

王 頰玄弢

叅閱

陳 甲伯子

樂部

晉清商曲辭

清商樂一曰清樂清樂者九代之遺聲其始即相和三調是也並漢魏已來舊曲其辭皆古調晉馬南渡其音亡散宋武定關中收其聲伎南朝文物斯為最盛焉後魏孝文宣武相繼南伐得江左所傳舊曲及江南吳歌荆楚西聲總謂之清商至於殿庭饗宴則兼奏之隋平陳文帝聽之善其節奏曰此華夏正聲也乃微更損益以新定律呂因於太常置清商署以管之謂之清樂隋室喪亂日益淪缺唐貞觀中用十部樂清樂亦在焉至武后長安已後朝廷不重古曲立伎廢弛於吳音轉遠矣曲之存者僅有子夜上聲歡聞前溪阿子丁督護讀曲神弦等曲俱列於吳聲而西曲則石城樂烏夜啼烏棲曲估客莫愁襄陽江陵共戲壽陽等曲或舞曲或倚歌則雜出於荆郢樊鄧之間以其方俗故謂之西曲及梁天監中武帝改西曲製江南弄為龍笛採蓮採菱曲沈約製鳳笙等曲與西曲總列於清商云○按清商曲古辭雜出各代子夜為晉時人故以繫晉其他如宋碧玉華山畿讀曲壽陽樂齊共戲樂揚叛兒梁攀揚枝歌有世代

可考者各從其世無可考証如黃生黃鵠等曲併附於晉從其始也

吳聲歌曲

子夜歌四十二首

晉宋齊辭

唐書樂志曰子夜歌者晉曲也晉有女子名子夜造此聲聲過哀若樂府解題曰後人更為四時行樂之詞謂之子夜四時歌又有大子夜歌子夜警歌子夜變歌皆曲之變也

落日出前門瞻矚見子度冶容多姿鬢芳香已盈路
芳是香所為冶容不敢當天不奪人願故使儂見郎
宿昔不梳頭絲髮被兩肩婉伸郎膝下何處不可憐
自從別歡來奩器了不開頭亂不敢理粉拂生黃衣

古言類考卷四十二
崎嶇相怨慕始獲風雲通玉林

一作林

語石闕悲思兩心

同

石闕漢碑名

見娘善

一作喜

容媚願得結金蘭空織無經緯求匹理自

難

始欲識郎時兩心望如一理絲入殘機何悟不成匹
前絲斷纏綿意欲結交情春蠶易感化絲子已復生
今日已歡別會合在何時明燈照空局悠然未有期
自從別郎來何日不咨嗟黃蘗鬱成林當奈苦心多
高山種芙蓉復經黃蘗塢果得一蓮時流離嬰辛苦
朝思出前門暮思還後渚語笑向誰道腹中陰憶汝

孽枕北窓臥郎來就儂嬉小喜多唐突相憐能幾時
駐筋不能食蹇蹇步闌裏投瓊著局上終日走博子
郎為傍人取負儂非一事攤門不安橫無復相關意
年少當及時蹉跎日就老若不信儂語但看霜下草
綠攬迮題錦雙裙今復開已許腰中帶誰共解羅衣
常慮有貳意歡今果不齊粘魚就濁水長與清流乖
歡愁儂亦慘郎笑我使喜不見連理樹異根同條起
感歡初殷勤歎子後遼落打金側璫瑁外艷裏懷薄
別後涕流連相思情悲滿憶子腹糜爛肝腸尺寸斷
道近不得數遂致盛寒遠不見東流水何時復西歸

誰能思不歌誰能飢不食日冥當戶倚惆悵底不憶
擘裙未結帶約眉出前窓羅裳易飄颺小開罵春風
舉酒待相勸酒還杯亦空願因微觴會心感色亦同
夜覺百思纏憂歎涕流襟徒懷傾筐情郎誰明儂心
儂年不及時其於作乖離素不知浮萍轉動春風移
夜長不得眠轉側聽更鼓無故歡相逢使儂肝腸苦
歡從何處來端然有愛色三喚不一應有何比松栢
念愛情慊慊傾倒無所惜重簾持自郭誰知許厚薄
氣清明月朗夜與君共嬉郎歌妙意曲儂亦吐芳詞
驚風急素柯白日漸微濛郎懷幽閨性儂亦恃春容

夜長不得眠明月何灼灼想聞散喚聲虛應空中諾
人各旣疇匹我志獨乖違風吹冬簾起許時寒薄飛
我念歡的的子行由豫情霧露隱芙蓉見蓮不分明
儂作北辰星千年無轉移歡行白日心朝東暮還西
憐歡好情懷移居作鄉里桐樹生門前出入見梧子
遣信歡不來自徃復不出金桐作芙蓉蓮子何能實
初時非不密其後日不如回頭批櫛脫轉覺薄志疎
寢食不相忘同坐復俱起玉藕金芙蓉無稱我蓮子
恃愛如欲進含羞未肯前朱口發豔歌玉指弄嬌弦

亦見

子夜
警歌

古詩類考卷四十二

卷四十二

四

朝日照綺錢光風動紈素巧笑倩兩遲美目揚雙蛾

子夜四時歌七十五首

晉宋齊辭

春歌二十首

春風動春心流目矚山林山林多奇采陽鳥吐青音
綠萋帶長路丹椒重紫荆流吹出郊外共歡弄春英
光風流月初新林錦花舒情人戲春月窈窕曳羅裙
妖冶顏蕩駘景色復多媚溫風入南牖織婦懷春意
碧樓冥初月羅綺垂新風含春未及歌桂酒發清容
杜鵑竹裏鳴梅花落滿道燕女遊春月羅裳曳芳草
朱光照綠苑丹華餐羅星那能閨中繡獨無懷春情

鮮雲媚朱景芳風散林花佳人步春苑繡帶飛紛葩
羅裳迳紅袖玉釵明月璫冶遊步春露艷覓同心郎
春林花多媚春鳥意多哀春風復多情吹我羅裳開
新燕弄初調杜鵑競晨鳴畫眉忘注口遊步散春情
梅花落已盡柳花隨風散歎我當春年無人相要喚
昔別鴈集渚今還燕巢梁敢辭歲月久但使逢春陽
春園花就黃陽池水方淥酌酒初滿杯調弦始成曲

成

終作

娉婷揚袖舞阿那曲身輕照灼蘭光在容冶春風生
阿那矐姿舞逶迤唱新歌翠衣發華洛回情一見過

明月照桂林玉集作朝日照北林初花錦繡色誰能不相思獨在機中織

崎嶇與時競不復自顧慮春風振榮林常恐華落去
思見春花月含笑當道路逢儂多欲擿可憐持自誤
自從別歡後歎昔不絕響黃蘗向春生苦心隨日長

夏歌二十首

高堂不作壁招取四面風吹歡羅裳開動儂含笑容
反覆華簾上屏帳了不施郎君未可前待我整容儀
開春初無歡秋冬更增凄共戲炎暑月還覺兩情諧
春別猶春戀夏還情更久羅帳爲誰褰雙枕何時有

疊扇放牀上企想遠風來輕袖拂華妝窈窕登高臺
含桃已中食郎贈合歡扇深感全心意蘭室期相見
田蠶事已畢思婦猶苦身當暑理締服持寄與行人
朝登涼臺上夕宿蘭池裏乘風採芙蓉夜夜得蓮子
暑盛靜無風夏雲薄暮起攜手密葉下浮瓜沉朱李
鬱蒸仲暑月長嘯北湖邊芙蓉始結葉拋艷未成蓮
適見載青幡三春已復傾林鵲改初調林中夏蟬鳴
春桃初發紅惜色恐儂擿朱夏花落去誰復相尋覓
昔別春風起今還夏雲浮路遙日月促非是我淹留
青荷蓋淥水芙蓉葩紅鮮郎見欲採我我心欲懷蓮

四周芙蓉池朱堂敞無壁珍簾鏤玉牀繾綣任懷適
赫赫盛陽月無儂不握扇窈窕瑤臺女冶遊戲涼殿
春傾桑葉盡夏開蠶務畢晝夜理機絲知欲早成匹
情知三夏熱今日偏獨甚香巾拂玉席共郎登樓寢
輕衣不重綵颺風故不涼三伏何時過許儂紅粉妝
盛暑非遊節百慮相纏綿汎舟芙蓉湖散思蓮子間

秋歌十八首

風清覺時涼明月天色高佳人理寒服萬結砧杵勞
清露凝如玉涼風中夜發情人不還臥冶遊步明月
鴻鴈寒南去乳燕指北飛征人難爲思願逐秋風歸

開窓秋月光滅燭解羅裳含笑帷幌裏舉體蘭蕙香
適憶三陽初今已九秋暮追逐泰始樂不覺華年度
飄飄初秋夕明月耀秋輝握腕同遊戲庭含媚素歸
秋夜涼風起天高星月明蘭房競妝飾綺帳待雙情
涼風開窓寢斜月垂光照中宵無人語羅幌有雙笑
金風扇素節玉露凝成霜登高去來鴈惆悵客心傷
草木不常一作長榮顛顛爲秋霜今遇泰始世年逢九春
陽

自從別歡來何日不相思常恐秋葉零無復蓮條時
掘作九州池盡是大宅裏處處種芙蓉婉轉得蓮子

初寒八九月獨纏自絡絲寒衣尚未了郎喚儂底爲
秋愛兩兩鴈春感雙雙燕蘭鷹接野雞雉落誰當見
仰頭看桐樹桐花特可憐願天無霜雪梧子解千年
白露朝夕生秋風淒長夜憶郎須寒服乘月擣白素
秋風入窓裏羅帳起飄颺仰頭看明月寄情千里光
別在三陽初望還九秋暮惡見東流水終年不西顧

冬歌十七首

淵水厚三尺素雪覆千里我心如松栢君情復何似
塗澀無人行冒寒往相覓若不信儂時但看雪上跡
寒鳥依高樹枯林鳴悲風爲歡顛額盡那得好顏容

夜半冒霜來見我輒怨唱懷水閨中倚已寒不蒙亮
躡履步荒林蕭索悲人情一唱泰始樂枯草銜花生
昔別春草綠今還墀雪盈誰知相思老玄鬢白髮生
寒雲浮天凝積雪冰川波連山結玉巖修庭振瓊柯
炭爐却夜寒重袍坐疊褥與郎對華榻弦歌秉蘭燭
天寒歲欲暮朔風舞飛雪懷人重衾寢故有三夏熱
冬林葉落盡逢春已復曜葵藿生谷底傾心不蒙照
朔風灑霰雨綠池蓮水結願歡攘皓腕共弄初落雪
嚴霜白草木寒風晝夜起感時爲歡歎霜鬢不可視
何處結同心西陵栢樹下晃蕩無四壁嚴霜凍殺我

白雪停陰岡丹華耀陽林何必絲與竹山水有清音
未嘗經辛苦無故彊相矜欲知千里寒但看井水冰
果欲結金蘭但看松柏林經霜不墮一作地歲寒無異
心

適見三陽日寒蟬已復鳴感時為歡歎白髮綠鬢生

大子夜歌二首

歌謠數百種子夜最可憐慷慨吐清音明轉出天然
絲竹發歌響假氣揚清音不知歌謠妙聲勢出口心

子夜警歌二首

鏤碗傳綠酒雕爐薰紫煙誰知苦寒調共作白雪絃

恃愛如欲進含羞出不前朱口發艷歌玉指弄嬌絃

子夜變歌三首

宋書樂志曰六變諸曲皆因事制歌古今樂
錄曰子夜變歌前作持子送後作歡娛我送
子夜警歌無送聲仍作變故
呼為變頭謂六變之首也

人傳歡負情我自未嘗見三更開門去始知子夜變
歲月如流邁春盡秋已至熒熒條上花零落何乃駛
歲月如流邁行已及素秋蟋蟀吟堂前惆悵使儂愁

上聲歌八首

晉宋
齊辭

古今樂錄曰上聲歌者此因上聲促柱得名
或用一調或用無調名如古歌辭所言謂哀
思之音不及中和梁武
因之改辭無復雅句

儂本是蕭草持作蘭桂名芬芳頓交盛感郎爲上聲
郎作上聲曲柱促使弦哀譬如秋風急觸遇傷儂懷
初歌子夜曲改調促鳴箏四座暫寂靜聽我歌上聲
三鼓染烏頭聞鼓白門裏擘裳抱履走何冥不輕紀
三月寒暖適楊柳可藏雀未言涕交零如何見君隔
新衫繡兩襠一作端迨著羅裙裏行步動微塵羅裙隨風
起
襦襜與郎著反繡持貯裏汗汗莫濺浣持許相存在
春月暎何太生裙迨羅襪曖曖日欲冥從儂門前過

歡聞歌

遙遙天無柱流漂萍無根單身如熒火持底報郎恩

歡聞變歌六首

古今樂錄曰歡聞歌者晉穆帝升平初歌畢輒呼歡聞不以爲送聲後因此爲曲名今世用茲持乙子代之語稍訛異也

金瓦九重墻玉壁珊瑚柱中夜來相尋喚歡聞不顧

歡來不徐徐陽窓都銳戶耶漣尚未眠肝心如推櫓

張督不得魚不櫓曾空歸君非鷓鴣鳥底爲守空池

刻木作班鷓有翅不能飛搖著帆檣上望見千里磯

缺臂飲清血牛羊持祭天沒命成灰土終不罷相憐
駛風何曜曜帆上牛渚磯帆作繖子張船如侶馬馳

前谿歌七首

左克明曰古辭

宋書樂志曰前谿歌者晉車騎將軍沈玩所制却昂樂府解題曰前谿舞曲也

憂思出門倚逢郎前溪度莫作流水心引新都捨故
為家不鑿井擔瓶下前溪開穿亂漫下但聞林鳥啼
逍遙獨桑頭北望東武亭黃瓜被山側春風感郎情
黃葛生爛熳誰能斷葛根寧斷嬌兒乳不斷郎殷勤
黃葛結蒙籠生在洛溪邊花落逐水玉臺作去何當順
流還還亦不復鮮

逍遙獨桑頭東北無廣親黃瓜是小草春風何足歎憶
汝涕交零

前溪滄浪映通波澄綠清聲弦傳不絕千載寄汝名永
與天地并

阿子歌三首

宋書樂志曰阿子歌者亦因升平初童子歌云晉穆帝升平中童子輩忽歌于道曰阿子聞曲終輒云阿子汝聞不無幾而穆帝崩太后哭曰阿子汝聞不後人演其聲為阿子歡聞二曲樂苑曰嘉興人養鴨兒鴨兒既死因有此歌未知孰是

阿子復阿子念汝好顏容風流世希有窈窕無人雙
春月故鴨啼獨雄顛倒落工知悅弦死故來相尋博

野田草欲盡東流水又暴念我雙飛鳧飢渴常不飽

團扇郎六首

古今樂錄曰團扇郎歌者晉中書令王珉捉白團扇與嫂婢謝芳姿有愛情好甚篤嫂捶捷婢過苦王東亭聞而止之芳姿素善歌嫂令歌一曲當赦之應聲歌曰白團扇辛苦五流連是郎眼所見珉聞更問之汝歌何遺芳姿即改云白團扇顛顛非昔容差與郎相見後人因而歌之

七寶畫團扇燦爛明月光餉郎却暄暑相憶莫相忘

玉臺

青青林中竹可作白團扇動搖郎玉手因風託方便

玉臺

犢車薄不乘步行耀玉顏逢儂都共語起欲著夜半
團扇薄不搖窈窕搖蒲葵相憐中道罷定是阿誰非
御路薄不行窈窕決橫塘團扇鄣白日面作芙蓉光
白練薄不著趣欲著錦衣異色都言好清白為誰施

七日夜女歌九首

三春怨離泣九秋忻期歌駕鸞行日時月明濟長河
長河起秋雲漢渚風涼發含欣出霄路可笑向明月
金風起漢曲素月明河邊七章未成匹飛燕一作鸞起長

川

春離隔寒暑明秋暫一會兩歎別日長雙情苦飢渴

婉孌不終夕一別周年期桑蠶不作繭晝夜長懸絲
靈匹怨離處索居隔長河玄雲不應雷是儂啼歎歌
振玉下金堦拭眼矚星蘭惆悵登雲輅悲恨兩情殫
風驟不駕纓翼人立中庭簫管且停吹展我敘離情
紫霞煙翠蓋斜月照綺窓銜悲握離袂易爾還年容

長史變歌三首

左克明曰古辭

宋書樂志曰長史變歌者晉司徒左長史王厥臨敗所制也

出儂吳昌門清水綠碧色徘徊戎馬間求罷不能得
日和狂風扇心故清白節朱門前世榮千載表忠烈
朱桂結貞根芬芳溢帝庭陵霜不改色枝葉永流榮

黃生曲三首

黃生無誠信冥疆將儂期通夕出門望至曉竟不來
雀子信桑條餒去多餒還為歡復摧折命生絲髮間
松柏葉青蒨石榴花葳蕤迮置前後事歡今定憐誰

黃鵠曲四首

列女傳曰魯陶嬰者魯陶明之女也少寡養幼孤無彊昆弟魯人或聞其義將求焉嬰乃作歌明已之不更二庭也魯人聞之不敢復求按黃鵠本漢橫吹笛名

黃鵠參天飛半道鬱徘徊腹中車輪轉君知思憶誰
黃鵠參天飛半道還哀鳴三年失羣侶生離傷人情
黃鵠參天飛凝融爭風回高翔入玄闕時復乘雲顏

黃鵠參天飛半道還後渚欲飛復不飛悲鳴覓羣侶

桃葉歌三首

左云
右辭

古今樂錄曰桃葉歌者晉王子敬之所作也桃葉子敬妾名緣於篤愛所以歌之

桃葉映紅花無風自婀娜春花映何限感郎獨採我

形管

新編作
桃葉

桃葉復桃葉桃樹連桃根相憐兩樂事獨使我殷勤

玉臺

作王
獻之

桃葉復桃葉渡江不用楫但渡無所苦我自來迎接

云一

我自迎接汝玉
臺作王獻之

同前

桃葉復桃葉渡江不待檣風波了無常沒命江南渡

形管

新編作
桃葉

長樂佳七首

小庭春映日四角佩琳瑯玉枕龍鬚席郎暝首何當

睢鳩不集林體潔好清流貞節曜竒世長樂戲汀洲

鴛鴦翻碧樹皆以戲蘭渚寢食不相離長莫過時許

比翼交頸遊千載不相離偕情欣歡念長樂佳

欲知長樂佳中陵羅淑女媚蘭雙情諧

欲知長樂佳中陵羅雎鳩美死兩心齊

欲知長樂佳中陵羅背林前溪長相隨

同前

紅羅複斗帳四角垂珠璫玉枕龍鬚席郎眠何處牀

歡好曲三首

淑女總角時喚作小姑子空艷初春花人見誰不

闕一字

窈窕上頭歡那得及破瓜但看脫葉蓮何如芙蓉花
透迤總角年華艷星間月遙見情傾延不覺喉中噦

懊儂歌十四首

古今樂錄曰懊儂歌者晉石崇綠珠所作唯
絲布澀難縫一曲而已後皆陸安初民間訛
曲

絲布澀難縫令儂十指穿黃牛細犢車遊戲出孟津

江中白布帆烏布禮中帷潭如陌上鼓許是儂歡歸
江陵去揚州三千三百里已行一千三所有二千在
寡婦哭城頽此情非虛假相樂不相得抱恨黃泉下
內心百際起外形空殷勤既就頽城感敢言浮花言
我與歡相憐約誓底言者常歎負情人郎今果成詐
我有一所歡安在深閣裏桐樹不結花何有得梧子
長檣鐵鹿子布帆阿那起詫儂安在間一去三千里
暫薄牛渚磯歡不下廷板水深沾儂衣白黑何在浣
愛子好情懷傾家科理亂攬裳未結帶落托行人斷
月落天欲曙能得幾時眠悽悽下牀去儂病不能言

髮亂誰料理託儂言相思還君華艷去催送實情來
山頭草歡少四面風趨使儂顛倒

懊惱奈何許夜聞家中論不得儂與汝

黃竹子歌

唐李康成曰黃竹子歌江陵女歌皆今時吳歌也

江邊黃竹子堪我女兒箱一船使兩漿得娘還故鄉

江陵女歌

玉臺作隋煬帝

雨從天上落水從橋下流拾得娘裙帶同心結兩頭

神弦歌十一首

古今樂錄曰神弦歌十一曲一曰宿阿二曰道君三曰聖郎四曰嬌女五曰白石郎六曰

清溪小姑七曰湖就姑八曰姑恩九曰採菱童十曰明下童十一曰同生

宿阿曲

蘇林開天門趙尊閉地戶神靈亦道同貞宮今來下

道君曲

中庭有樹自語梧桐推枝布葉

聖郎曲

左亦不佯佯右亦不翼翼仙人在郎傍玉女在郎側酒
無沙糖味爲他通顏色

嬌女詩

二曲

北遊臨河海遙望中菰菱芙蓉發盛花淥水清且澄弦

古詩選卷四十一
歌奏聲節髣髴有餘音

蹀躞越橋上河水東西流上有神仙一作仙聖居下有西流

魚行不獨自去三三兩兩俱

白石郎曲 二曲

白日即臨江居前導江伯後從魚

積石如玉列松如翠郎艷獨絕世無

青谿小姑娘曲

按干寶搜神記曰廣陵蔣子文嘗為秣陵尉因擊賊傷而死吳孫權時封中都侯立廟鍾山異死曰青谿小姑蔣侯第三妹也

開門白水側近橋梁小姑所居獨處無郎

湖就姑曲 二曲

赤山湖就頭孟陽二三月綠蔽蕢荇藪

湖就赤山磯大姑大湖東仲姑居湖西

姑恩曲 二曲

明姑遵八風蕃謁雲日中前導陸離獸後從朱鳥麟鳳

茗茗山頭栢冬夏葉不衰獨當被天恩枝葉華歲穡

採蓮童曲 二曲

泛舟採菱葉過摘芙蓉花扣楫命童侶齊聲採蓮歌

東湖扶菰童西湖採菱芰不持歌作樂為持解愁思

明下童曲 二曲

走馬上前阪石子彈馬蹄不惜彈馬蹄但惜馬上兒
陳孔驕赭白陸郎乘班騅徘徊射堂頭望門不欲歸

同生曲 二曲

人生不滿百常抱千歲憂早知人命促秉燭夜行遊
歲月如流邁行已及素秋蟋蟀鳴空堂感悵令人憂

古詩類苑卷之四十二

古詩類苑卷之四十三

雲間張之象玄超纂輯

俞顯卿子如補訂

張所敬長輿

徐光啓子先校正

俞顯謨子昭

王 頴玄弢叅閱

陳 甲伯子

樂部

晉清商曲辭

古辭

西曲歌

三洲歌 三曲

唐書樂志曰三洲商人歌也古今樂錄曰三洲歌者商客數遊巴陵三江口往還因共作此歌其舊辭云啼將別共來梁武帝問法雲聞法師善解音律此歌何如法雲曰應歡會而有別離啼將別可改為歡將樂故其歌和云三洲斷江口水從窈窕河傍流歡將樂共來長相思

送歡板橋灣相待三山頭遙見千幅帆知是逐風流
風流不暫停三山隱行舟願作比目魚隨歡千里遊
湘東醺醪酒廣州龍頭鑑玉樽金鏤碗與郎雙杯行

採桑度 七曲

採桑度一曰採桑唐書樂志曰採桑因三洲曲而生此聲苑也採桑度梁持作水經曰河水過屈縣西南為採桑津春秋僖公八年晉里克敗狄于採桑是也按古今樂錄曰採桑度舊舞十六人梁八人即非梁時作矣

蠶生春三月春桑正含綠女兒採春桑歌吹當春曲
冶遊採桑女盡有芳春色姿容應春媚粉黛不加飾
繫條採春桑採葉何紛紛採桑不裝鈎牽壞紫羅裙
語歡稍養蠶一頭養百堰奈當黑瘦盡桑葉常不周
春月採桑時林下與歡俱養蠶不滿百那得羅繡襦
採桑盛陽月綠葉何翩翩攀條上樹表牽壞紫羅裙
偽蠶化作繭爛慢不成絲徒勞無所獲養蠶持底為

江陵樂 四曲

古今樂錄曰江陵樂
舊舞十六人梁八人

不復蹋踈人踈地地欲穿盆隘歡繩斷蹋壞絳羅裙
不復出場戲踈場生青草試作兩三回踈場方就好
陽春二三月相將蹋百草逢人駐步看揚聲皆言好
暫出後園看見花多憶子烏烏雙雙飛儂歡今何在

青陽度 三曲

古今樂錄曰青陽度倚歌凡
倚歌悉用鈴鼓無弦有吹

隱機倚不織尋得爛熳絲成匹郎莫斷憶儂經絞時
碧玉擣衣砧七寶金蓮杵高舉徐徐下輕擣只爲汝

青荷蓋綠水芙蓉披紅鮮下有並根藕上生並頭蓮

一作
同心

青驄白馬 八曲

古今樂錄曰青驄
白馬舊舞十六人

青驄白馬紫絲韁可憐石橋根柏梁
汝忽千里去無常願得到頭還故鄉
繫馬可憐著長松遊戲徘徊五湖中
借問湖中採菱婦蓮子青荷可得否
可憐白馬高纏駿著地躑躅多徘徊
問君可憐六萌車迎取窈窕西曲娘

問君可憐下都去何得見君復西歸
齊唱可憐使人感晝夜懷歡何時忘

安東平 五曲

古今樂錄曰安東平
舊舞十六人梁八人

淒淒烈烈北風爲雪船道不通步道斷絕
吳中細布闊幅長度我有一端與郎作袴
微物雖輕拙手所作餘有三丈爲郎別厝
制爲輕巾以奉故人不持作好與郎拭塵
東平劉生復感人情與郎相知當解千齡

女兒子 二曲

古今樂錄曰女
兒子倚歌也

巴東三峽猿鳴悲夜鳴三聲淚沾衣
我欲上蜀蜀水難蹋蹠珂頭腰環環

來羅 四曲

古今樂錄
曰倚歌也

鬱金黃花標下有同心草草生日已長人生日就老
君子防未然莫近嫌疑邊瓜田不躡履李下不正冠
故人何怨新切少必求多此事何足道聽我歌來羅
白頭不忍死心愁皆敖然遊戲泰始世一日當千年

那呵灘 六曲

古今樂錄曰那呵灘舊舞十六人梁八人其
和云郎去何當還多敘江陵及揚州事那呵
蓋難名也

我去只如還終不在道邊我若在道邊良信寄書還
松江引百丈一濡多一艇上水郎擔篙何時至江陵
江陵三千三何足特作遠書疏數知聞莫令信使斷
聞歡下揚州相送江津鸞願得篙櫓折交郎到頭還
篙折當更覓櫓折當更安各自是官人那得到頭還
百思纏中心顛顛為所歡與子結終始折約在金蘭

孟珠二曲

一曰丹陽孟珠歌古今樂錄曰孟珠十
曲二曲倚歌八曲舊舞十六人梁八人

人言孟珠富信實金滿堂龍頭銜九花玉釵明月璫
陽春二三月草與水同色攀條摘香花言是歡氣息

同前八曲

人言春復著我言未渠央暫出後湖看蒲菰如許長
揚州石榴花摘插雙襟中歲蕤當憶我莫持艷他儂
陽春二三月草與水同色道逢遊冶郎恨不早相識
望歡四五年實情將懊惱願得無人處回身與郎抱
陽春二三月正是養蠶時那得不相怨其再儂來
將歡期三更合冥歡如何走馬放蒼鷹飛馳赴郎期
適聞梅作花花落已成子杜鵑繞林啼思從心下起

可憐景陽山茗茗百尺樓上有明天子麟鳳戲中州一作遊

翳樂 三曲

古今樂錄曰翳樂一曲倚歌
二曲舊舞十六人梁八人

人生歡愛時少年新得意一旦不相見輒作煩冤思
陽春二三月相將舞翳樂曲曲隨時變持許艷郎目
人言揚州樂揚州信自樂總角諸少年歌舞自相逐

夜黃

古今樂錄曰夜黃倚歌也
自此以下至技蒲並同

湖中百種鳥半雌是半雄鴛鴦逐野鴨恐畏不成雙

夜度娘

夜來冒霜雪晨去履風波雖得叙微情奈儂身苦何

長松標

落落千丈松晝夜對長風歲暮霜雪時寒苦與誰雙

雙行纏 二曲

朱絲繫腕繩真如白雪凝非但我言好衆情共所稱
新羅繡行纏足趺如春妍他人不言好獨我知可憐

黃督 二曲

喬客他鄉人三春不得歸願看楊柳樹已復藏班鶴
籠車度蹋衍故人求寄載催牛閉後戶無預故人事

西平樂

我情與歡情二情感蒼天形雖胡越隔神交中夜間

攀楊枝

樂苑曰攀楊枝梁時作

自從別君來不復着綾羅畫眉不注口施朱當奈何

尋陽樂

雞亭故儂去九里新儂還送一却迎兩無有暫時閒

白附鳩

石頭龍尾彎新亭送客渚酤酒不取錢郎能飲幾許

拔蒲 二曲

青蒲銜紫茸長葉復從風與君同舟去拔蒲五湖中
朝發桂蘭渚晝息桑榆下與君同拔蒲竟日不成把

作蠶絲

四曲

柔桑感陽風婀娜嬰蘭婦垂條付綠葉委體看女手
春蠶不應老晝夜常懷絲何惜微軀盡纏綿自有時
績蠶初成繭相思條女密投身湯水中貴得共成匹
素絲非常質屈折成綺羅敢辭機杼勞但恐花色多

月節折楊柳歌十三首

正月歌

春風尚蕭條去故來如新苦心非一朝折楊柳愁思滿

腹中不可數

二月歌

翩翩鳥入鄉道逢雙燕飛勞君看三陽折楊柳寄言語
儂歡尋還不復久

三月歌

泛舟臨曲池仰頭看春花杜鵑緯林啼折楊柳雙下俱
徘徊我與歡共取

四月歌

芙蓉始懷蓮何處覓同心俱生世尊前折楊柳稔香散
名花志得長相取

五月歌

菰生四五尺素身為誰珍盛年將可惜折楊柳作得九
子粽思想勞歡手

六月歌

三伏熱如火籠窓開北牖與郎對蹋坐折楊柳同壚貯
密漿不用水洗渙

七月歌

織女遊河邊牽牛顧自歎一會復周年折楊柳攬結長
命草同心不相負

八月歌

言類卷四十三
迎歡裁衣裳日月如流水白露凝庭霜折楊柳夜聞擣
衣聲窈窕誰家婦

九月歌

甘菊吐黃花非無杯觴用當奈許寒何折楊柳授歡羅
衣裳含笑言不取

十月歌

大樹轉蕭索天陰不作雨嚴霜半夜落折楊柳林中與
松栢歲寒不相負

十一月歌

素雪任風流樹木轉枯悴松栢無所憂折楊柳寒衣履

薄水歡詎知儂否

十二月歌

天寒歲欲暮春秋及冬夏苦心停欲度折楊柳沈亂枕
席間纏綿不覓爰

閏月歌

成閏暑與寒春秋補小月念子時無閒折楊柳陰陽推
我去那得有定主

宋清商曲辭

古辭

清商曲古辭一卷已入晉詩其題解係宋人作
者別載於此如碧玉歌汝南王作讀曲民間爲
彭城王義康作石城樂臧質作烏夜啼臨川王
義慶作襄陽樂隋王誕作壽陽樂南平穆王作

西鳥夜飛沈攸之作今所傳辭類與本旨不同
蓋其題義雖各有所始而詞或非其舊也郭茂
倩樂府題下不書名氏左克明直
作古辭今各仍其舊云齊詩倣此

吳聲歌曲

碧玉歌三首

左克明
作古辭

樂苑曰碧玉歌者宋汝南王之所作也碧
玉汝南王妾名以寵愛之甚所以歌之

碧玉破瓜時郎為情顛倒芙蓉陵霜榮秋容故尚好

碧玉小家女不敢攀貴德感郎千金意慙無傾城色

作孫
綽

玉
臺

碧玉小家女不敢貴德攀感郎意氣重遂得結金蘭

同前二首

碧玉破瓜時相為情顛倒感郎不羞郎回身就郎抱

作孫
綽

玉
臺

杏梁日始照蕙席歡未極碧玉奉金杯淥酒助花色

作梁
武帝

玉
臺

同前

碧玉上宮妓出入千花林珠被玳瑁狀感郎情意深

華山畿二十五首

古今樂錄曰華山畿者宋少帝時懊惱一曲
亦變曲也少帝時南徐一士子從華山畿往
雲陽見客舍有女子年十八九悅之無因遂
感心疾母問其故具以啓母母為至華山尋
訪見女具說女聞感之因脫蔽膝令母密置
其席下臥之當已少日果瘥忽舉席見蔽膝

而抱持遂吞食而死氣欲絕謂母曰葬時車
載從華山度母從其意比至女門牛不肯前
打拍不動女曰且待須臾妝點沐浴既而出
歌曰華山畿君既為儂死獨活為誰施歡若
見憐時棺木為儂開棺應聲開女透入棺
家人叩打無如之何乃合葬呼曰神女冢

華山畿君既為儂死獨活一作為誰施歡若見憐時棺

木為儂開

聞歡大養蠶定得幾許絲所得何足言奈何黑瘦為
夜相思投壺不得箭憶歡作嬌時

開門枕水渚三刀治一魚歷亂傷殺汝

未敢便相許夜聞儂家論不持儂與汝
懊惱不堪止上床解要繩自經屏風裏

啼著曙淚落枕將浮身沈被流去

將懊惱石闕晝夜題碑淚常不燥

別後常相思頓書千丈闕題碑無罷時

奈何許所歡不在間嬌笑向誰緒

隔津歡牽牛語織女離淚溢河漢

啼相憶淚如漏刻水晝夜流不息

著處多遇羅的的往年少艷情何能多

無故相然我路絕行人斷夜夜故望汝

一坐復一起黃昏人定後許時不來已

摩可濃巷巷相羅截終當不置汝

不能久長離中夜憶歡時抱被空中啼
腹中如湯灌肝腸寸寸斷教儂底聊賴
相送勞勞渚長江不應滿是儂淚成許
奈何許天下人何限慊慊只爲汝
郎情難可道歡行豆挾心見荻多欲繞
松上蘿願君如行雲時時見經過
夜相思風吹窓簾動言是所歡來
長鳴雞誰知儂念汝獨向空中啼
腹中如亂絲憤憤適得去愁毒已復來

讀曲歌八十九首

宋書樂志曰讀曲歌者民間爲彭城王義康所作也其歌云死罪劉領軍誤殺劉第四是也古今樂錄曰讀曲歌者之嘉十七年袁后崩百官不敢作聲歌或因酒譟止竊聲讀曲而已

花釵芙蓉髻雙鬢如浮雲春風不知著好來動羅裙
念子情難有已惡動羅裙聽儂入懷不
紅藍與芙蓉我色與歡敵莫案石榴花歷亂聽儂摘
千葉紅芙蓉照灼綠水邊餘花任郎摘慎莫罷儂蓮
思歡久不愛獨枝蓮只惜同心藕
打壞木棲牀誰能坐相思三更書石闕憶子夜啼碑
奈何不可言朝看莫牛跡知是宿蹄痕

婆抱何處歸道逢播摺郎口朱脫去盡花釵復低昂
所歡子蓮從眉上度刺憶庭欲死
攬裳躩蹠把絲織履故交白足露
上知所所歡不見憐憎狀從前度
思難忍絡鬢語猶壺倒寫儂頓盡

上樹摘桐花何悟枝枯燥迢迢空中落遂爲梧子道
桐花特可憐願天無霜雪梧子解千年

柳樹得春風一低復一昂誰能空相憶獨眠度三陽
折楊柳百鳥園林啼道歡不離口

縠衫兩袖裂花釵鬢邊低何處分別歸西上古餘啼

所歡子不與他人別啼是憶郎耳

披被樹明燈獨思誰能忍欲知長寒夜蘭燈傾壺盡
坐起歎汝好願他甘叢香傾筐入懷抱

通髮不可料顛顛爲誰睹欲知相憶時但看裙帶緩幾
許

憶歡不能食徘徊三路間因風覓消息

朝日光景開從君良燕遊願如卜者策長與千歲龜
所歡子問春花可憐摘插襖襠裏

芳萱初生時知是無憂草雙眉畫未成那能就郎抱
百花鮮誰能懷春日獨入羅帳眠

聞歡得新儂四支懊如垂鳥散放行路井中百翅不能飛

憐歡敢喚名念歡不呼字連喚歡復歡兩誓不相棄
奈何許石闕生口中銜碑不得語

白門前烏帽白帽來白帽郎是儂良不知烏帽郎是

誰

初陽正二月草木鬱青青躡履步前園時物感人情
青幡起御路綠柳陰馳道歡贈玉樹筆儂送千金寶
桃花落已盡愁思猶未央春風難期信託情明月光
計約黃昏後人斷猶未來聞歡開方局已復將誰期
自從別郎後臥宿頭不舉飛龍落藥店骨出只爲汝

日光沒已盡宿鳥縱橫飛徙倚望行雲躑躅待郎歸
百度不一回千書信不歸春風吹楊柳華艷空徘徊
音信闊弦朔方悟千里遙朝霜語白日知我爲歡消
合冥過藩來向曉開門去歡取身上好不爲儂作慮
五鼓起開門正見歡子度何處宿行還衣被有霜露
本自無此意誰交郎舉前視儂轉邁邁不復來時言
自我別歡後歡音不絕響茱萸持捻泥龕有殺子像
家貧近店肆出入引長事郎君不浮華誰能呈實意
念日行不遇道逢播拈郎查滅衣服壞白肉亦黯瘡
歔歔闇中啼斜日照帳裏無油何所苦但使天明爾

黃絲擘素琴沈彈弦不斷百弄任郎作唯莫廣陵散
思歡不得來抱被空中語月沒星不亮持底明儂緒
詐我不出門冥就他儂宿鹿轉方相頭丁倒欺人目
歡但且還去遺信相參伺契兒向高店須臾儂自來
欲行一過心誰我道相憐摘菊持飲酒浮華著口邊
語我不遊行常常走巷路敗橋語方相欺儂那得度
闊面行負情詐我言端的畫背作天圖子將負星歷
君行負憐事那得厚相於麻紙語三葛我薄汝鹿疎
黃天不滅解甲夜曙星出漏刻無心腸復令五更畢
打殺長鳴雞彈去烏臼鳥願得迷冥不復曙一年都一

曉

空中人住在高檣深閣裏書信了不通故使風往爾
儂心常慊慊歡行由豫情霧露隱芙蓉見蓮詎分明
非歡獨慊慊儂意亦驅驅雙燈俱時盡奈許兩無由
誰交彊纏綿常持罷作慮作生隱藕葉蓮儂在何處
相憐兩樂事黃作無趣怒合散無黃連此事復何苦
誰交彊纏綿常持罷作意走馬織懸簾薄情奈當駛
執手與歡別合會在何時明燈照空局悠然未有期
百憶却欲噫兩眼常不燥蕃師五鼓行離儂何太早
合笑來向儂一抱不能置領後千里帶那頓誰多媚

古詩集卷四十三
三
歡相憐今去何時來
襦褌別去年不忍見分題

歡相憐題心共飲血流頭入黃泉分作兩死計

嬌笑來向儂一抱不能已
湖燥芙蓉萎蓮汝藕欲死

歡心不相憐慊苦竟何已
芙蓉腹裏萎蓮汝從心起

下帷掩燈燭明月照帳中
無油何所苦但使天明儂

執手與歡別欲去情不忍
餘光照已藩坐見離日盡

種蓮長江邊藕生黃蘗浦
必得蓮子時流離經辛苦

人傳我不虛實情明把納
芙蓉萬層生蓮子信重沓

聞乖事難懷况復臨別離
伏龜語石板方作千歲碑

鈴盪與時競不得尋傾慮
春風扇芳條常念花落去

坐倚無精魂使我生百慮
方局十七道期會是何處

暫出白門前楊柳可藏烏
歡作沈水香儂作博山鑪

十期九不果常抱懷恨生
然燈不下炷有油那得明

自從近日來了不相尋
博竹簾襖褌題知子心情薄

下帷燈火盡朗月照懷裏
無由何所苦但今天明爾

近日蓮違期不復尋
博子六籌翻雙魚都成罷去已

一夕就郎宿通夜語不息
黃蘗萬里路道苦真無極

登店賣三葛郎來買文餘
合匹與郎去誰解斷麤疎

儂亦麤經風罷頓葛帳裏
敗許麤疎中

紫草生湖邊悞落芙蓉裏
色分都未獲空中染蓮子

閨閣斷信使的的兩相憶譬如水上影分明不可得
逍遙待曉分轉側聽更鼓明月不應停特爲相思苦
罷去四五年相見論故情殺荷不斷藕蓮心已復生
辛苦一朝歡須臾情易厭行膝點芙蓉深蓮非骨念
慊苦憶儂歡書作後非是五果林中度見花多憶子

西曲歌

石城樂

五曲 左
云古辭

唐書樂志曰石城樂者宋臧質所作也石
城在竟陵質嘗爲竟陵郡於城上眺矚見
羣少年歌謠通暢因作此曲古
今樂錄曰石城樂舊舞十六人
生長石城下開窓對城樓城中諸少年出入見依投

陽春百花生摘插環髻前挽指蹋忘愁相與及盛年
布帆百餘幅環環在江津執手雙淚落何時見歡還
大編載三千漸水丈五餘水高不得渡與歡合生居
聞歡遠行去相送方山亭風吹黃蘗藩惡聞苦籬聲

莫愁樂

二曲

唐書樂志曰莫愁樂者出于石城樂石城有
女子名莫愁善歌謠石城樂和中復有忘愁
聲因有此歌古今樂錄曰莫愁樂亦云蠻樂
舊舞十六人梁八人樂府解題曰古歌亦有
莫愁洛陽女
與此不同

莫愁在何處莫愁石城西艇子打兩槳催送莫愁來
聞歡下揚州相送楚山頭探手抱腰看江水斷不流

烏夜啼

入古辭 左

唐書樂志曰烏夜啼者宋臨川王義慶所作也元嘉十七年徙彭城王義康於豫章義慶時為江州至鎮相見而哭文帝聞而怪之徵還慶大懼伎妾夜聞烏夜啼聲扣齋閣云明日應有赦其年更為南兖州刺史因此作歌故其和云夜夜望郎來籠窓窓不開今所傳歌似非義慶本旨古今樂錄曰烏夜啼舊舞十六人○臨川王義慶當作彭城王義康

歌舞諸少年娉停無種迹
菖蒲花可憐聞名不曾識
長檣鐵鹿子布帆阿那起
詫儂安在間一去數千里
辭家遠行去儂歡獨離居
此日無啼音裂帛作還書
可憐烏曰烏彊言知天曙
無故三更啼歡子冒闇去
烏生如欲飛飛飛各自去
生離無安心夜啼至天曙

籠窓窓不開蕩戶戶不動
歡下歲蕤籥交儂那得往
遠望千里煙隱當在歡家
欲飛無兩翅當奈獨思何
巴陵三江口蘆荻齊如麻
執手與歡別痛切當奈何

襄陽樂

九古辭 左

古今樂錄曰襄陽樂者宋隨王誕之所作也誕始為襄陽郡元嘉二十六年似為雍州刺史夜聞諸女歌謠因而作之所以歌和中者襄陽來夜樂之語也舊舞十六人梁八人

朝發襄陽城暮至大堤宿
大堤諸女兒花艷驚郎目
上水郎擔篙下水搖雙櫓
四角龍子幡環環江當柱
江陵三千三西塞陌中央
但問相隨否何計道里長
人言襄陽樂樂作非儂處
葉星冒風流還儂揚州去

爛漫女蘿草結曲繞長松三春雖同色歲寒非處儂
黃鵠參天飛中道鬱徘徊腹中車輪轉歡今定憐誰
揚州蒲鍛環百錢兩三叢不能買將還空手攬抱儂
女蘿自微薄寄託長松表何惜負霜死貴得相纏繞
惡見多情歡罷儂不相語莫作烏集林忽如提儂去

壽陽樂

九曲 左
云古辭

古今樂錄曰壽陽樂者宋南平穆王爲豫州所作也舊舞十六人梁八人。按其歌辭蓋敘傷別望歸之思南平穆王卽劉鑠也

可憐八公山在壽陽別後莫相忘
東臺百餘尺凌風雲別後不忘君

梁長曲水流明如鏡雙林與郎照
辭家遠行去空爲君明知歲月駛
籠窓取涼風彈素琴一歎復一吟
夜相思望不來人樂我獨愁
長淮何爛漫路悠悠得當樂忘憂
上我長瀨橋望歸路秋風停欲度
銜淚出傷門壽陽去必還當幾載

西烏夜飛

五曲 左
云古辭

古今樂錄曰西烏夜飛者宋元徽五年荊州刺史沈攸之所作也攸之舉兵發荊州東下未敗之前思歸京師所以歌和云白日落西山還去來送聲云折翅烏飛何處被彈歸

日從東方出團團雞子黃夫婦恩情重憐歡故在傍
斲請半日給徒倚娘店前目作宴填飽腹作宛惱飢
我昨憶歡時攬刀持自刺自刺分應死刀作雜樓僻
陽春二三月諸花盡芳盛持底喚歡來花笑鶯歌詠
感郎崎嶇情不復自顧慮臂繩雙入結遂成同心去

齊清商曲辭

古辭

西曲歌

共戲樂 四曲

古今樂錄曰共戲樂
舊舞十六人梁八人

齊世方昌書軌同萬寓獻樂列國風

時泰民康人物盛腰鼓鈴杵各相競
長袖翩翩若鴻驚纖腰嫋嫋會人情
觀風採樂德化昌聖皇萬壽樂未央

楊叛兒 八曲

唐書樂志曰楊叛兒本童謠歌也齊隆昌時
女巫之子曰楊旻少時隨母入內及長為何
后寵童謠云楊婆兒共戲來所歡語訛遂成
楊叛兒古今樂錄曰楊叛兒送聲云叛兒教
儂不復
相思

截玉作手鉤七寶光平天繡沓織成帶嚴帳信可憐
斲出白門前楊柳可藏烏歡作沈水香儂作博山鑪
送郎乘艇子不作遭風慮橫篙擲去槳願倒逐流去

七寶珠絡鼓教郎拍復拍黃牛細犢兒楊柳映松栢
歡欲見蓮時移湖安屋裏芙蓉繞牀生眠臥抱蓮子
聞歡遠行去送歡至新亭津羅無儂名

落秦中庭生誠知非好草龍頭相鉤連見枝如欲繞
楊叛西隨曲柳花經東陰風流隨遠近飄揚悶儂心

梁清商曲辭

梁雅樂歌五首

無名氏

古今樂錄曰梁有雅樂歌五曲一曰應王受
圖曲二曰臣道曲三曰積惡篇四曰積善篇
五曰宴酒篇三朝
樂第十五奏之

應王受圖曲

應王受圖荷天革命樂曰功成禮云治定恩弘庇臣念
昭率性迺春三才以宣八政愧無則哲臨淵自鏡或戒
面從永隆福慶

臣道曲

孝義相化禮讓為風當官無媚嗣民必公謙謙君子謇
謇匪躬諒而不訐和而不同誠之誠之去驕思冲弘茲
大雅是曰至忠

積惡篇

積惡在人猶醜處腹醜成形亡惡積身覆殷辛再離溫
舒五族責必及嗣財豈潤屋斯川既往逝命不復鏡茲

餘殃幸脩多福

積善篇

惟德是輔皇天無親抱獄歸舜捨財去邠豚魚懷信行
葦留仁先世有作餘慶方因鳴玉承家錫珪于民連城
非重積善爲珍

宴酒篇

記稱成禮詩詠飽德卜晝有典厭夜不忒彝酒作民樂
飲虧則腐腹遺喪濡首亡國哲彼六馬去茲三惑占言
孔昭以求溫克
古詩類苑卷之四十三

古詩類苑卷之四十四

雲間張之象玄超纂輯

俞顯卿子如補訂

張所敬長輿

俞顯謨子昭校正

徐光啓子先

王 頰玄弢參閱

陳 甲伯子

樂部

漢舞曲歌辭

雜舞

淮南王篇

樂府列在
晉拂舞歌

漢武帝故事曰淮南王安好神仙招方術之士能為雲雨百姓傳云淮南王得天子壽無極帝心惡之使覘王云能致仙人與共遊處變化無常又能隱形飛行服氣不食帝聞而喜欲受其道王不肯傳帝怒將誅焉王知之出令與羣臣因不知所之樂府解題曰古詞淮南王自言尊實言安仙去

淮南王自言尊百尺高樓與天連後園鑿井銀作牀金瓶素綆汲寒漿汲寒漿飲少年少年窈窕何能賢揚聲悲歌音絕天我欲渡河河無梁願化雙黃鵠還故鄉還故鄉入故里徘徊故鄉苦身不已繁舞寄聲無不泰徘徊桑梓遊天外

循桑梓遊天外

鐸舞歌詩

聖人制禮樂篇

晉書樂志曰鐸舞詩二篇陳於元會唐書樂志曰鐸舞漢曲也古今樂錄曰鐸舞者所持也木鐸制法度以號令天下故取以爲名古鐸舞曲有聖人制禮樂一篇聲辭雜寫不復可辨相傳如此

昔皇文武邪彌彌舍善誰吾時吾行許帝道銜來治路萬邪治路萬邪赫赫意黃運道吾治路萬邪善道明邪金邪善道明邪金邪帝邪近帝武邪邪聖皇八音偶邪尊來聖皇八音及來儀宋書作義邪同邪烏及來義邪善